

সচিত্র সম্পূর্ণ-কালীদাসী

মহাভারত

সভাপর্ষ ।

নারায়ণঃ নমস্কৃত্য নরকৈব নরোত্তমম্ ।

দেবীং সরস্বতীং ব্যাসং ততো জয়মুদীরয়েৎ ॥

ময়দানব কতৃক সভা নিৰ্ম্মাণ ।

জন্মোজ্জয় বলে মূনি কর অবধান ।
কৃষ্ণসহ পিতামহ দানব প্রধান ॥
থাগুব দহিয়া দুয়ে কহ অতঃপরে ।
কি কি কৰ্ম্ম করিলেন কহ তা আমারে ॥
শুনিতে আমার চিত্তে পরম আনন্দ ।
তব মুখে শুনিয়া ঘুচুক মহাসঙ্ক ॥
বলিল বৈশম্পায়ন শুন নৃপবর ।
অগ্নি-সত্যে পার হৈল পার্থ ধনুর্ধর ॥
ধৰ্ম্মরাজে কহিলেন সব বিবরণ ।
করিলেন ভূপতি সন্তোষ আলিঙ্গন ॥
লক্ষ লক্ষ ধেনু স্বৰ্গ করিলেন দান ।
ময়দানবের বহু করিলেন মান ॥
পাণ্ডবের মহাকৌৰ্ভি ব্যাপিল সংসার ।
রিপুগণে শুনিয়া লাগিল চমৎকার ॥
হেনমতে নানা স্মৃথে থাকেন পাণ্ডব ।
নিরবধি যজ্ঞ দান করেন উৎসব ॥
মূনি বলে শুন পরীক্ষিতের নন্দন ।
মহাভারতের কথা অপূৰ্ব্ব কখন ॥
ময় পার্থের অগ্রে করিয়া ঘোড়কর ।
বিনয় করিয়া বলে দানব-ঈশ্বর ॥

সুদৰ্শন চক্রে ভয় করে তিনলোকে ।
উদ্ধারিলা হেন চক্র হইতে আমাকে ॥
প্রচণ্ড অনল মুখে করিল যে ত্রাণ ।
আজি হৈতে তোমাতে বিক্লীত মম প্রাণ ॥
কি করি আমাকে আত্মা কর মহাশয় ।
তব প্রীতি হেতু আমি ব্যাকুল হৃদয় ॥
ময় বলে যাবৎ না করি কোন কৰ্ম্ম ।
তাবৎ রহিবে মম মানসে অধৰ্ম্ম ॥
সবিনয়ে পুনঃ পুনঃ বলে ঘোড়পাণি ।
আত্মা কর অবশ্য করিব যাহা জানি ॥
পার্থ বলে কিছু আমি না চাহি তোমাতে ॥
যে পার, করহ প্রীতি, দেব দায়োদরে ॥
কৃতাজ্জলি বলে ময় কৃষ্ণের গোচর ।
কি করিব আত্মা কর দেব গদাধর ॥
হৃদয়ে চিন্তিয়া কৃষ্ণ বলেন বচন ।
দিব্য সভা দেহ এক করিয়া রচন ॥
হেন সভা কর যাহা কেহ নাহি দেখে ।
অদ্ভুত হইবে সুরাসুর তিন লোকে ॥
এত শূনি আনন্দিত দানবের পতি ।
নিৰ্ম্মাণ করিতে সভা গেল শীঘ্রগতি ॥
কনক রচিত চিত্র বিচিত্র নিৰ্ম্মাণ ।
নানা গুণযুত যেন দেবতার স্থান ॥

চৌদিকে সহস্র দশ ক্রোশ পরিসর ।
 সুরাসুর ভুজঙ্গ নরের অগোচর ॥
 রচিয়া বিচিত্র সভা দানব প্রধান ।
 সবিনয়ে জানাইল কৃষ্ণ বিচ্যমান ॥
 যুধিষ্ঠির কৃষ্ণ পার্থ প্রশংসে দানবে ।
 দেখিতে গেলেন সভা মহা মহোৎসবে ॥
 দ্বিজগণে পায়সান্ন করান ভোজন ।
 নানা রত্ন দান দেন রজত কাঞ্চন ॥
 করিলেন শুভক্ষণে প্রবেশ সভায় ।
 পাণ্ডব সপরিবারে রহেন তথায় ॥
 চিরদিন রহে কৃষ্ণ পাণ্ডবের গ্রীতে ।
 পিতৃ দরশনে যাব করিলেন চিতে ॥
 পিতৃষ্মসা কুন্তীর বন্দিয়া দুই পাদ ।
 আলিঙ্গিয়া ভোজ্যস্বতে করেন প্রসাদ ॥
 স্তম্ভদ্রা ভগিনী স্থানে করিয়া গমন ।
 গদ গদ মুহূবাক্য সজল নয়ন ॥
 করেন রুক্মিণীকান্ত ভদ্রা প্রবোধিয়া ।
 স্নেহেতে চক্ষুর জল পড়িছে বহিয়া ॥
 সেবিবা শাস্ত্রভী কুন্তীদেবীর চরণে ।
 সমভাবে সর্বদা বঞ্চিবা কৃষ্ণা সনে ॥
 তত্ত্বকথা কহিয়া চলেন গদাধর ।
 প্রণমিয়া ভদ্রা দেবী কান্দে উচ্চৈঃস্বরে ॥
 ভদ্রা প্রবোধিয়া কৃষ্ণ গিয়া কৃষ্ণা পাশে ।
 বিনয়ে কহেন তাঁকে মুহু মুহু ভাষে ॥
 প্রাণের অধিক মম স্তম্ভদ্রা ভগিনী ।
 সদাকাল স্নেহ তারে করিবা আপনি ॥
 দ্রৌপদীরে সন্তাষিয়া গিয়া নারায়ণ ।
 ধোম্য পুরোহিত সহ করি সন্তাষণ ॥
 যুধিষ্ঠিরে কহেন করিয়া নমস্কার ।
 আজ্ঞা কর গৃহে আমি যাব আপনার ॥
 শুনিয়া ধর্ম্মের পুত্র বিষম বদন ।
 কৃষ্ণে আলিঙ্গন করি সজল নয়ন ॥
 ভীমার্জুন সহিত হইল কোলাকুলি ।
 কৃষ্ণে প্রণমিল মাদ্রীপুত্র মহাবলী ॥
 শুভতিথি নক্ষত্র গণক জানাইল ।
 বেদ বিধি ব্রাহ্মণ মঙ্গল উচ্চারিল ॥

দারুক গরুড়ধ্বজ করিয়া সাজন ।
 গোবিন্দের অগ্রে ল'য়ে দিল ততক্ষণ ॥
 যাত্রা শুভ যাঁর নাম করিলে স্মরণ ।
 তিনি যাত্রা করিলেন করি শুভক্ষণ ॥
 স্নেহেতে কৃষ্ণের সহ ধর্ম্মের নন্দন ।
 খগপতি ধ্বজে আরোহনে ছয়জন ॥
 রথ চালাইয়া দিল দারুক সারথি ।
 যোজনান্তে গিয়া ধর্ম্ম বলেন ত্রীপতি ॥
 নিবর্ত্তহ মহারাজ যাও নিজালয় ।
 আমাতে রাখিবে সদা সদয় হৃদয় ॥
 আলিঙ্গন করি পার্থ সজল নয়ন ।
 বহুকষ্টে নিবৃত্ত হইল পঞ্চজন ॥
 বিরস বদনে ফিরিলেন পাঁচজন ।
 গেলেন দ্বারকাপুরে দ্বারকারমণ ॥
 তবে ময় বলে ধনঞ্জয় বিচ্যমান ।
 মম মনোনীত সভা নহিল নিশ্চয় ॥
 আজ্ঞা কর যাব আমি মৈনাক পর্বতে ।
 কৈলাস উত্তরে হিমালয় সন্নিহিতে ॥
 বুধপর্ব্বা নামে ছিল দানবের পতি ।
 ত্রিলোক শাসিয়া তথা করিল বসতি ॥
 করিলাম তার সভা পূর্ব্বতে নিশ্চয় ॥
 নানা রত্ন মণিময় আছে সেই স্থান ॥
 এ তিন লোকেতে যত দিব্য রত্ন ছিল ।
 নানা রত্নে নানা অস্ত্রে গৃহ পূর্ণ কৈল ॥
 কোমোদকী নামে গদা আছে গদাধর ।
 সে গদার যোগ্য হয় বীর বৃকোদর ॥
 তব হস্তে যেমন গাণ্ডীব ধনু সাজে ।
 তেন গদাধর আছে বিন্দু সরোমাঝে ॥
 বরুণে জিনিয়া বুধপর্ব্বা দৈত্যেশ্বর ।
 পাইয়াছে দেবদত্ত শঙ্খ মনোহর ॥
 তার স্বর শ্রুনি দর্প ত্যজে রিপুগণ ।
 সে শঙ্খ তোমাকে হয় বিশেষ শোভন ॥
 এই সব দ্রব্য আছে বিন্দু সরোবরে ।
 আজ্ঞা কর আমি গিয়া আনিব সত্বরে ॥
 আজ্ঞা পেয়ে চলিল দানবরাজ ময় ।
 কৈলাসের উত্তরেতে হেমন্ত-তনয় ॥

ভাগীরথী হেতু যথা রাজা ভগীরথ ।
 বহুকাল পর্য্যন্ত করিয়াছিল ব্রত ॥
 নর-নারায়ণ শিব যম পুরন্দর ।
 করিলেন যথা যজ্ঞ অনেক বৎসর ॥
 যথা স্রষ্টা করিলেন সৃষ্টির কল্পনা ।
 বহু গুণবন্ত সেই না হয় বর্ণনা ॥
 ময় গিয়া সব দ্রব্য বাহির করিল ।
 রাক্ষস কিন্নরগণ শিরে করি নিল ॥
 দৈবদত্ত শস্ত্র নিল গদা অনুপম ।
 যত রত্ন নিল তার কত লব নাম ॥
 ভীমে গদা দিল, শস্ত্র দিল অর্জুনেরে ।
 দেখি আনন্দিত হৈল দুই মহাদরে ॥
 কনক বৈদূর্য্যমণি মুকুতা প্রবাল ।
 মরকত রজত স্ফটিক চিত্র ঢাল ॥
 স্ফটিকের স্তম্ভ সব চিত্র মণি হীরা ।
 সর্ব্বগৃহে লসে মণি মুকুতার ঝারা ॥
 বসিবার স্থান সব কৈল রত্নছেদি ।
 বিচিত্র রচন কৈল নানামত বেদী ॥
 নানাজাতি বৃক্ষে সব ফল ফুল শোভে ।
 ভ্রময়ে ভ্রমরগণ মকরন্দ লোভে ॥
 উচ্চ নীচ বুঝিয়া ভ্রময়ে বিজ্ঞ লোকে ।
 বিশেষ বিপক্ষগণ চক্ষে নাহি দেখে ॥
 এক মাসে সভা ময় করিয়া রচন ।
 কুন্তীপুত্র প্রতি করিলেক নিবেদন ॥
 সভা দেখি আনন্দিত হইয়া রাজন্ ।
 আনিলেন দেখাইতে পারিবারগণ ॥
 দশ লক্ষ ব্রাহ্মণেরে করান ভোজন ।
 আনন্দ সাগরে মগ্ন ভাই পঞ্চজন ॥
 স্নাত দুগ্ধ অন্ন জল যত সব ভক্ষ্য ।
 হরিণ বরাহ মেঘ কোটি লক্ষ লক্ষ ॥
 যে জন যে ভক্ষ্যে তৃপ্ত তাহা সে পাইল ।
 ভোজনান্তে দ্বিজগণ স্বস্তি উচ্চারিল ॥
 দ্বিজগণ স্বস্তি শব্দে পরম উল্লাসে ।
 নানারত্ন দান পেয়ে চলিল সন্তোষে ॥
 আশ্রম করিয়া কত রহিল সভাতে ।
 তপস্যায় অনুরত চিত্ত মনোরথে ॥

অসিত দেবল সত্য সর্পমালী ঋষি ।
 মহাশিরা অর্কবাহন স্মিত্র তপস্বী ॥
 মৈত্রেয় সনক বলি স্মন্ত্র জৈমিনী ।
 ত্রীবৈশম্পায়ন পৈল চারিশিষ্য গণি ॥
 জাতুকর্ণ শিখাবাণ পৈঙ্গ অঙ্গহোম্য ।
 কৌশিক মাণ্ডব্য মার্কণ্ডেয় বক ধোম্য ॥
 গালব কোণ্ডিন্দ্র সনাতন বক্রমালী ।
 বরাহ সাবর্ণ ভৃগু কলাপ ত্রৈবলী ॥
 ইত্যাদি অনেক ঋষি না যায় গণন ।
 সত্যবাদী জিতেন্দ্রিয় প্রতি তপোধন ॥
 যুধিষ্ঠির সভাতে থাকেন অহর্নিশি ।
 পুরাণ প্রস্তাব ধর্ম্ম নানা কথা ভাষি ॥
 পৃথিবীনিবাসী যত মুখ্য ক্ষত্রগণ ।
 যুধিষ্ঠির সভাতে থাকেন অনুক্ষণ ॥
 যুজ্জকেতু বিবর্দ্ধন কুন্তী উগ্রসেন ।
 সূধ্যা স্তকশ্রী কৃতবর্মা জয়সেন ॥
 অঙ্গ বঙ্গ কলিঙ্গ মগধ অধিপতি ।
 স্মিত্রা স্তম্ভা ভোজ স্তম্ভা প্রভৃতি ॥
 বসুধান চেকিতান মালবধিকারী ।
 কেতুমান জয়ন্ত সুষেণ দণ্ডধারী ॥
 মৎস্তরাজ ভীষ্মক কৈকয় শিশুপাল ।
 স্মিত্র যবনপতি শল্য মহাশাল ॥
 বৃষি ভোজ যদুবংশী যতেক কুমার ।
 ইত্যাদি অনেক রাজা গণিতে অপার ॥
 অর্জুনের স্থানে অস্ত্র শিক্ষার কারণ ।
 জিতেন্দ্রিয় বৃদ্ধি হ'য়ে থাকে সর্ব্বক্ষণ ॥
 চিত্রসেন গন্ধর্ব্ব তুশুর অধিপতি ।
 অঙ্গুর কিন্নর নিজ অমাত্য সংহতি ॥
 নৃত্য গীত বাগুরসে পাণ্ডবেরে সেবে ।
 বিরিকিকে সেবে যেন ইন্দ্র আদি দেবে ॥
 না হইল না হইবে আর সভাস্তর ।
 হেনমতে বঞ্চে স্তখে পঞ্চ মহাদর ॥
 সভাপর্বে উত্তম সভার অনুবন্ধ ।
 কাশীরাম দেব কহে পাঁচালীর ছন্দ ॥

যুধিষ্ঠিরের সভায় নারদের আগমন ও
উপদেশ প্রদান ।

মুনি বলে মহাশয়, শুন শুন জন্মেজয়,
হেনমতে থাকেন পাণ্ডব ।
একদিন আচম্বিত, শ্রীনারদ উপনীত,
সর্বত্র গমন মনোভব ॥
ধ্যান জ্ঞান যোগ যুজ্য, অমর অম্বর পূজ্য,
চতুর্বেদ জিহ্বাগ্রেতে বৈসে ।
ব্রহ্মার অঙ্গেতে জন্ম, বিজ্ঞ যত ব্রহ্মকর্ষ্ম,
ব্রহ্মাণ্ড ভ্রমেণ অনায়াসে ॥
পরমার্থ অনুবক্ষি, বিজ্ঞেয় বিগ্রহ সন্ধি,
কলহ গায়নে বড় প্রীত ।
শিরেতে পিস্লল জটা, ললাটে পিস্লল ফোঁটা
শ্রবণে কুণ্ডল স্মিত সিত ॥
মুখে হরিনাম শ্রবে, ভুজস্থ বীণার রবে,
গতি মন্দ জিনিয়া মাতঙ্গ ।
বারিঙ্গ নয়নযুগে, বহে বারি যেন মেঘে,
পুলকে কদম্ব পুষ্প অঙ্গ ॥
শরদিন্দু মুখাস্নজ, আজানুলম্বিত ভুজ,
প্রোজ্জ্বল অনল দীপ্ত কায় ।
পরিধান কৃষ্ণাজিন, সঙ্গে মুনি কত জন,
উপনীত পাণ্ডব-সভায় ॥
দেখিয়া নারদ ঋষি, যে ছিল সভাতে বসি,
সম্মুখে উঠিলা ততক্ষণে ।
আস্তে ব্যস্তে ধর্ম্মস্বত, সহোদরগণযুত,
প্রণাম করেন শ্রীচরণে ॥
সুগন্ধি উদক দিয়া, পদযুগ পাখালিয়া,
বসিতে দিলেন সিংহাসন ।
যথা শিষ্ট ব্যবহার, পাদ্য অর্ঘ্য দিয়া তাঁর,
ভক্তিভাবে করেন পূজন ॥
তবে মুনি স্নেহবশে, জিজ্ঞাসেন যুত্বভাবে,
কহ রাজা ভদ্র আপনার ।
কুলের কোলিক কর্ষ্ম, ধন উপার্জন ধর্ম্ম,
নির্ব্বিয়েতে হয় কি তোমার ॥
সাধু বিজ্ঞ যত জন, অনুরক্ত মন্ত্রিগণ,
এ সবার রাখ কি বচন ।

একক অনেক সহ, বিচার ত না কর,
কার্য্যেতে কি রাখ মুখ্যগণ ॥
ভক্ষ্যদ্রব্য যথাযথ, ন্যায় মূল্যে কিন তত
না রাখহ দ্বিজের দক্ষিণা ।
তব অনুরক্ত যত, ভয়ে কি শরণাগত
ছুঃখ ত না পায় কোন জনা ॥
বিজ্ঞ যোগ্য পুরোহিত, দৈবজ্ঞ জ্যোতিষবি
আছে কি বৈদ্য চিকিৎক ।
অনাথ অতিথি লোকে, অনল ব্রাহ্মণমূখে
সদা দেহ স্বত অন্নোদক ॥
রাজ্যের যতেক রাজা, পায় যথোচিত পূজা
সবে অনুগত তো তোমার ।
ধান্য ধন বহুমত, উদক আয়ুধ হত
পূর্ণ করিয়াছ তো ভাণ্ডার ॥
প্রাতঃকালে নিদ্রাবশ, বৈকালেতে ক্রীড়ারম
আলস্য ইন্দ্রিয় নিবারণ ।
ধর্ম্মকর্ষ্মে ধনব্যয়, করি নিত্য উপচর
পুত্রবৎ পাল প্রজাগণ ॥
বিবিধ অনেক নীতি, জিজ্ঞাসিল মহামতি
পুনঃ পুনঃ ব্রহ্মার নন্দন ।
শুনি ধর্ম্ম অধিকারী, কহিলা বিনয় করি
প্রণমিয়া মুনির চরণ ॥
অবধান তপোধন, করি এক নিবেদন
চরাচর তোমার গোচর ।
এই সভা মনোহর, অনুরূপ মুনিবর
দেখিয়াছ ব্রহ্মাণ্ড ভিতর ॥
যুধিষ্ঠির বাক্য শুনি, ঈষৎ হাসিয়া মুনি
কহেন সকল বিবরণ ।
তোমার সভার প্রায়, মনুষ্য-লোকেতে রহ
নাহি দেখি শুনহ রাজন ॥
ব্রহ্মার বিচিত্র সভা, হেন কৈলাসের প্রভ
ইন্দ্র যম বরুণের পুরী ।
দেখিয়াছি যথা তথা, মনুষ্যে অদ্রুত কথ
শুন কিছু কহি ধর্ম্মকারী ॥
রাজা বলে সবিনয়, কহ মুনি মহাশয়
সে সকল সভার বিধান ।

প্রসার বিস্তার কত, বর্ণগণ ধরে যত,
 প্রত্যক্ষ শুনিব তব স্থান ॥
 দিব্য সভাপর্ষ কথা, বিচিত্র ভারত গাঁথা,
 শুনিলে অধর্ম যায় নাশ ॥
 গোবিন্দ-চরণে মন, সমর্পিলা অনুক্ষণ,
 বিরচিল কাশীরাম দাস ॥

নারদ কর্তৃক যুধিষ্ঠিরের সভার প্রদক্ষ ।

নারদ বলেন রাজা কর অবধান ।
 ইন্দ্রের সভার কথা কহি তব স্থান ॥
 দেবশিল্পী পটু বিশ্বকর্ম্মার দ্বারায় ।
 নিষ্কাশ করান নিজ মহতী সভায় ॥
 বিবিধ বিধান চিত্র কোটি চন্দ্রপ্রভা ।
 দেবদামি ব্রহ্মদামি ধাম্বিকের সভা ॥
 উচ্চ পক্ষ গোজনেক শতেক বিস্তার ।
 শর্টা সহ ইন্দ্র তথা করেন বিহার ॥
 জরা শোক ভয় নাহি সতত আনন্দ ।
 ইন্দ্রের আশ্রমে সদা থাকে সুরবৃন্দ ॥
 মরুত কুবের আদি সিদ্ধ সাধ্যগণ ।
 অঙ্গান কুণ্ডম বস্ত্র সবার ভূষণ ॥
 অষ্টবহু নবগ্রহ ধর্ম্য কাম অর্থ ।
 তড়িৎ বিদ্যুৎ সপ্তবিংশ কৃষ্ণবজ্র ॥
 দেবতা তেত্রিশ কোটি সেবে পুরন্দরে ।
 বর্ণিতে না পারি সভা যত গুণ ধরে ॥
 হর্ষচন্দ্র নরপতি আছেন তথায় ।
 আর বত নরপতি লিখনে না যায় ॥
 নারদ বলেন শুন সভার প্রধান ।
 শমন রাজার সভা কর অবধান ॥
 দীর্ঘ প্রস্থ শত শত যোজন বিস্তার ।
 আদিত্য সমান প্রভা অতি চমৎকার ॥
 নহে শীত নহে তপ্ত নাহি দুঃখ শোক ।
 প্রেমময়, নাহি হিংসা সদাকাল সুখ ॥
 কতেক কহিব তথা যতেক বিষয় ।
 কিঞ্চিৎ কিঞ্চিৎ কহি শুন মহাশয় ॥
 যযাতি নহু পুরু মাক্রাতা ভরত ।
 কৃতবীর্য্য কার্ত্তবীর্য্য স্থনীল সুরথ ॥

শিবি মৎস্য বৃহদ্রথ নল বহীনর ।
 অ্রতশ্রবা পৃথুলাশ্ব রাজা পরিচর ॥
 দিবোদাস অশ্বরীষ রঘু প্রতর্দন ।
 কৃষদশ্ব সদশ্ব মরুত বসুমন ॥
 শরভ সৃঞ্জয় বেণ ঐল উশীনর ।
 পুরু কুৎস প্রদ্যুম্ন বাহ্লীক নৃপবর ॥
 শশবিন্দু কক্ষসেন সগর কৈকয় ।
 জনক ত্রিগর্ত্ত বার্ত্ত জয় জন্মোজয় ॥
 শত ধৃতরাষ্ট্র আছে ভীষ্ম দুই শত ।
 শত ভীষ্ম কৃষ্ণার্জুন শত আর কত ॥
 প্রতীপ শান্তনু পাণ্ডু জনক তোমার ।
 কতেক কহিব কথা যত আছে আর ॥
 অশ্বমেধ বজ্র আদি বহু কল দান ।
 যত যত আছে তত না যায় বাধান ॥
 বরুণের সভা কহি কর অবধান ।
 অপূর্ব্ব সভার শোভা বিচিত্র বাধান ॥
 বিশ্বকর্ম্মা বিরচিল সভা অনুপম ।
 জলের তিতরে সে পুষ্করমালী নাম ॥
 শত শত যোজন বিস্তার দীর্ঘ তার ।
 নানা রত্ন বহু বর্ণ কহিতে বিস্তার ॥
 দিবসে বরুণ তথা বারুণী সহিত ।
 পুত্র পৌত্র পাত্রমিত্র সহ পুরোহিত ॥
 দ্বাদশ আদিত্য আর নাগগণ যত ।
 বায়ুকী তক্ষক কর্কোটক ঐরাবত ॥
 সংহ্লাদ প্রহ্লাদ বলি নমুচি দানব ।
 বিপ্রচর্চি কালকেয় দুশ্মধ শরভ ॥
 যুধিষ্ঠি চারি সিন্ধু আর নদীগণ ।
 জাহ্নবা যমুনা সিন্ধু সরস্বতী শোণ ॥
 চন্দ্রভাগা বিপাশা বিতস্তা ইরাবতী ।
 শতদ্রু সরযু আর নদী চন্দ্রবর্তী ॥
 কিস্পুন বিদিশা কৃষ্ণবেণী গোদাবরী ।
 নর্ম্মদা বিশল্যা বেহা লাক্সলী কামেরী ॥
 দেবনদী মহানদী ভারবী ভৈরবী ।
 ক্ষীরবর্তী দুগ্ধবর্তী লোহিতা সুরভী ॥
 করতোয়া গণ্ডকী আত্রেয়ী শ্রীগোমতী ।
 যুমযুমি স্বর্ণরেখা নদী পদ্মাবতী ॥

মূর্ত্তিমতী হইয়া তথায় আছে সেবে ।
 তড়াগ পুকুর আদি বরুণেরে সেবে ॥
 চারি মেঘ বৈসে তথা সহ পরিবার ।
 কহিতে না পারি কত যত বৈসে আর ॥
 কুবেরের সভা রাজা কর অবধান ।
 কৈলাস শিখরে বিশ্বকর্ম্মার নিৰ্ম্মাণ ॥
 শতেক যোজন দীর্ঘ বিস্তার সত্তরি ।
 নিবসে গুহ্যক যক্ষ কিন্নর কিন্নরী ॥
 চিত্রসেনা রক্তা ইরা য়তাচী মেনকা ।
 চারুশনেত্রা উৰ্ব্বশী বৃদ্ধবুদী চিত্রেখেতা ॥
 মিশ্রকেশী অলম্বুয়া এই মহাদেবী ।
 নৃত্য গীত বাজে সদা কুবেরেরে সেবি ॥
 গন্ধর্ব্ব কিন্নর যক্ষ আছে লক্ষ লক্ষ ।
 প্রেত ভূত পিশাচ রাক্ষস দিব্য রক্ষ ॥
 ফলকক্ষ ফলোদক তুম্বুরু প্রভৃতি ।
 হাহা হুহু বিশ্বাবসু বিশ্ব চিত্রসেন কৃতী ॥
 চিত্ররথ মহেন্দ্র মাতঙ্গ বিত্তাধর ।
 বিভীষণ স্থিতি সদা সহ সহোদর ॥
 ফণা ধরে নাগগণ মূর্ত্তিমন্ত হৈয়া ।
 হিমাঙ্গি মৈনাক গন্ধমাদন মলয়া ॥
 আমিও থাকি যে, আমি তুল্য বহু আছে ।
 উমা সহ সদানন্দ সদা তার কাছে ॥
 নন্দী ভৃঙ্গী গণপতি কার্ত্তিক বৃষভ ।
 পিশাচ খেচর দানা শিবাগণ সব ॥
 আর যত আছে তাহা কহিতে কে পারে ।
 কহিব ব্রহ্মার সভা শুন অতঃপরে ॥
 পূর্বে দেবযুগে দিবা নামে দিবাকর ।
 ভ্রমেন মনুষ্যালোকে হ'য়ে দেহধর ॥
 আচম্বিতে আমারে দেখিয়া মহাশয় ।
 দিব্যচক্ষে জানিয়া নিলেন পরিচয় ॥
 ব্রহ্মার সভার গুণ কহিলে আমারে ।
 শুনিয়া হইল ইচ্ছা সভা দেখিবারে ॥
 তাঁরে জিজ্ঞাসিলাম করিয়া সবিনয় ।
 কিমতে ব্রহ্মার সভা মম দৃশ্য হয় ॥
 বলিলেন সহস্র বৎসর ত্রতী হৈয়া ।
 করহ কঠোর তপ হিমালয়ে গিয়া ।

শুনি করিলাম তপ সহস্র বৎসর ।
 পুনর্ব্বার আইলেন দেব দিবাকর ॥
 আমা সঙ্গে করিয়া গেলেন ব্রহ্মপুরী ।
 দেখিলাম যাহা, তাহা কহিতে না পারি ॥
 তার অন্ত নাহিক, নাহিক পরিমাণ ।
 মানসিক সেই সভা ব্রহ্মার নিৰ্ম্মাণ ॥
 চন্দ্র সূর্য্য জিনিয়া সে সভার কিরণ ।
 শূন্যেতে শোভিছে সভা না যায় নয়ন ॥
 তথায় থাকিয়া বিধি করেন বিধান ।
 প্রজাপতিগণ থাকে তাঁর সন্নিধান ॥
 প্রচেতা মরীচি দক্ষ পুলহ গৌতম ।
 আঙ্গিরা বশিষ্ঠ ভৃগু সনক কৰ্দম ॥
 কশ্যপ বশিষ্ঠ ক্রতু পুলস্ত্য প্রহ্লাদ ।
 বালখিল্য অগস্ত্য মাণ্ডব্য ভরদ্বাজ ॥
 গন্ধর্ব্ব সকল আছে মূর্ত্তিমন্ত হৈয়া ।
 আয়ুর্বেদ চন্দ্র তারা সূর্য্য সন্ধ্যা ছায়া ॥
 ধর্ম্ম অর্থ কাম মোক্ষ কান্তি শান্তি ক্ষমা
 অষ্টবসু নবগ্রহ শিব সহ উমা ॥
 চতুর্বেদ ছয় শাস্ত্র তন্ত্র স্মৃতি ঐতিহ্য ।
 চারিযুগ বর্ষ মাস দিবা সহ রাত্রি ॥
 সাবিত্রী ভারতী লক্ষ্মী অদिति বিনতা ।
 ভদ্রা ষষ্টি অরুন্ধতা কদ্রু নাগমাতা ॥
 মূর্ত্তিমন্ত হইয়া আছেন নারায়ণ ।
 ইন্দ্র যম কুবের বরুণ হুতাশন ॥
 আমার কি শক্তি তাহা বর্ণিবারে পারি ।
 নিত্য নিত্য আসি সেবে সৃষ্টি অধিকারী
 এত সভা দেখিয়াছি আমি এ নয়নে ।
 তব সভা তুল্য নাহি মনুষ্য ভুবনে ॥
 যুধিষ্ঠির বলিলেন তুমি মনোজব ।
 শুনিলাম তোমার প্রসাদে এই সব ॥
 এক বাক্যে বিস্ময় হইল মম মনে ।
 যতেক নৃপতি সব যমের ভবনে ॥
 একা হরিশ্চন্দ্র কেন যমের আশ্রয় ।
 কোন্ পুণ্য তপ দানে কহ মহাশয় ॥
 যমালয়ে যবে দেখিলেন মম পিতা ।
 আমার কারণ কিছু কহিলেন কথা ॥

নারদ বলেন শুন পাণ্ডব প্রধান ।
 সূর্য্যবংশে শ্রেষ্ঠ হরিশ্চন্দ্রের আখ্যান ॥
 এক রথে জিনিয়া লইল মর্ত্ত্যপুর ।
 বাহুবলে হৈল সপ্ত দ্বীপের ঠাকুর ॥
 রাজসূয় যজ্ঞ সে করিল হরিশ্চন্দ্র ।
 আজ্যে আইল যত ছিল রাজবৃন্দ ॥
 অনেক ব্রাহ্মণ আইল যজ্ঞের সদন ।
 প্রতি দ্বিজে সেই রাজা করিল সেবন ॥
 সব রাজা হ'তে সে করিল বড় কাজ ।
 যেই কলে স্বর্গে সে হইল দেবরাজ ॥
 আর যত রাজা রাজসূয় যজ্ঞ কৈল ।
 সম্মুখ সংগ্রাম করি তাহারা মরিল ॥
 যোগিগণ যোগে নিজ দেহ ত্যাগ করে ॥
 সেই সব লোক বসে ইন্দ্রের নগরে ॥
 কহি শুন তোমার পিতার সমাচার ।
 মনালয়ে দেখা হৈল সহিত তাঁহার ॥
 কহিয়াছিলেন তিনি করিয়া বিনয় ।
 যুধিষ্ঠির ধন্যরাজ আমার তনয় ॥
 অনুগত তাঁর বীর্য্যবন্ত ভ্রাতৃগণ ।
 যাঁহার সহায় কৃষ্ণ কমললোচন ॥
 পৃথিবীতে তাঁহার অসাধ্য কিছু নয় ।
 রাজসূয় যজ্ঞ তাঁর অনায়াসে হয় ॥
 এই রাজসূয় যদি করে ধর্ম্মরাজ ।
 হরিশ্চন্দ্র প্রায় থাকি ইন্দ্রের সমাজ ॥
 তোমার জনক ইহা কহিল আমারে ।
 যে হয় উচিত রাজা করহ বিচারে ॥
 সর্ব্ব যজ্ঞ হৈতে শ্রেষ্ঠ রাজসূয় গণি ।
 বহু বিঘ্ন হয় এতে আমি ভাল জানি ॥
 ছিদ্ৰ পেয়ে যজ্ঞ নাশ যক্ষগণ করে ।
 যজ্ঞ হেতু রাজগণ যুদ্ধ করি মরে ॥
 যেমতে মঙ্গল হয় কর নরপতি ।
 আনারে বিদায় কর যাব দ্বারাবতী ॥
 এত বলি প্রশ্নান করেন মুনিবর ।
 শ্রীকৃষ্ণ দর্শন হেতু দ্বারকা নগর ॥
 সভাপর্বে অনুপম সভার বর্ণন ।
 কাশীরাম দাস কহে শুনে শাধুজন ॥

শ্রীকৃষ্ণকে আনিতে দূত প্রেরণ ।

মুনিমুখে বার্তা শুনি, তবে ধর্ম্ম নৃপমণি,
 মনে মনে করেন চিন্তন ।
 অশ্রু নাহি লয় মনে, কহিলেন ভ্রাতৃগণে,
 কি করিব বলহে এখন ॥
 নারদ বলেন যত, পিতৃ আজ্ঞা যেইমত,
 শুনি হ'ল পুলকিত মন ।
 এ যজ্ঞ কর্তব্য কিনা ভেবে দেখ সর্ব্বজনা,
 কিসে হয় পূর্ণ আকিঞ্চন ॥
 শুনি ভৃত্য মন্ত্ৰিগণ, কহে তবে সর্ব্বজন,
 কেন বৃথা চিন্তিত রাজন ।
 চিন্তা কর কোন হেতু, কর রাজসূয় ক্রতু,
 তুমি হও সর্ব্ব গুণবান ॥
 কিকার্য্য অসাধ্য আছে, কেবা বিরোধিবেপাছে
 নাহি হেরি আছে ত্রিভুবনে ।
 মন্ত্ৰিগণ বাক্য শুনি, বিচারেন নৃপমণি,
 কি কার্য্য করিব এক্ষণে ॥
 যেক্ষ্ম যাহে না শোভে, সেক্ষ্ম করিলে তবে
 সভা মাঝে হইব নিন্দন ।
 পাছে হয় বিড়ম্বনা, অযশ ঘোষে সর্ব্বজনা,
 চিন্তাতে হয়েন নিমগন ॥
 বিশেষে বিমম যজ্ঞ, সব লোক নহে যোগ্য,
 কিরূপেতে হইবে সাধন ।
 কহিয়া সব প্রকাশি, গোবিন্দে আগে জিজ্ঞাসি
 কি কহেন শুনি জনাধিন ॥
 কর্তব্য কি অকর্তব্য, হারি হইলে শ্রব্য,
 করিব এ ব্রত আচরণ ।
 যদি দেন অনুমতি, এ যজ্ঞে হইব কৃতী,
 নতুবা এ বৃথা আকিঞ্চন ॥
 ইহা চিন্তি নরপতি, দূত পাঠাইল তথি,
 কৃবেগে করিতে নিবেদন ।
 সে দূত সত্বর হ'য়ে, দ্বারকা প্রবেশে গিয়ে,
 দাঁড়াল বন্দি চরণ ॥
 কৃষ্ণে করি নরস্কার, একে একে সমাচার,
 জানাইল হরিরে তখন ।

কহে সে বিনয় করি, চল তথা তুমি হরি,
তোমা লাগি চিন্তিত রাজ্ঞন ॥
তোমার দর্শন বিনে, কুন্তী-পুত্র দুঃখী মনে,
রহিয়াছে বিরস বদন ।
এ কথা কহিবা গাত্র, গোবিন্দ তোলেন গাত্র,
যাইবারে করেন মনন ॥
বৈনতেয় আরোহণে, বান ইন্দ্রসেন সনে,
ধর্ম পুঞ্জ দিতে দরশন ।
দিনকর নায় অস্ত্রে, উপনীত ইন্দ্রপ্রস্থে,
হইলেন দেব নারায়ণ ॥
কৃষ্ণ আইলেন পুরে শুনি হর্ষ নৃপবরে,
আগুবাড়ি লইতে তখন ।
ভ্রাতৃ মন্ত্রী পাঠাইল, অগ্র হৈয়া কৃষ্ণে নিল,
মহা স্তখে ভাসে সর্বজন ॥
ধর্ম নমস্কার করি, সম্ভাষণে তবে হরি,
মিষ্ট ভাষে তুমি ভগবান ।
ধর্ম নরপতি তবে, কৃষ্ণে পুজি ভক্তিভাবে,
বসিবারে দিল সিংহাসন ॥
বসিলেন সবে তথা, চন্দ্রের মণ্ডলী যথা,
রূপের তুলনা নাহি হয় ।
শ্রীহরি চরণদ্বয়, যে ভাবে সদা হৃদয়,
ভব মাঝে দুঃখ নাহি রয় ॥

গোবিন্দ-বধিষ্ঠির কথা ।

বলেন গোবিন্দ প্রতি ধর্মের কুমার ।
নারদেরে কহিলেন জনক আমার ॥
রাজসূয় মহাবজ্র দুর্লভ সংসারে ।
যুধিষ্ঠিরে রাজসূয় কহ করিবারে ॥
এই হেতু বজ্র বাঞ্ছা হইল আমার ।
শুন এই কথা কৃষ্ণ কহি সারোদ্ধার ॥
পরম্পর আমারে স্নেহ বলে সবে ।
কেহ গ্রীতে কেহ হিতে কেহ ধনলোভে ॥
যে যত বলেন নাহি লয় মম মনে ।
যতক্ষণ নাহি শুনি তোমার বদনে ॥
বুঝিয়া সন্দেহ প্রভু ভাঙ্গহ আমার ।
করিব কি না করিব যে আজ্ঞা তোমার ॥

গোবিন্দ বলেন তুমি সর্ব গুণবান ।
পৃথিবীর মধ্যে রাজা কে তব সমান ॥
যোগ্য হও রাজা তুমি যজ্ঞ করিবারে ।
এক নিবেদন আমি করিব তোমারে ॥
আমি বাহা কহি তাহা জ্ঞান ভালমতে ।
একলক্ষ রাজা চাহি এ মহাবজ্রেতে ॥
মগধ ঈশ্বর জরাসন্ধ শ্রেষ্ঠ রাজা ।
পৃথিবীর যত রাজা করে তার পূজা ॥
তাহারে না মানে হেন নাহি ক্ষিতিমাঝে
বলেতে বাক্ষিয়া আনে যে জন না ভজে ॥
তাহার সহায় বল দুই রাজগণ ।
শিশুপাল দন্তবজ্র নৃপতি যবন ॥
এমত অনেক যত দুই নরপতি ।
সদাকাল প্রায় থাকে তাহার সংহতি ॥
ইক্ষ্বাকু তাহার বংশে যত রাজগণ ।
জরাসন্ধে না ভজিল যত যত জন ॥
তার ভয়ে নিজ দেশে রহিতে নারিয়া ।
উত্তর দেশেতে সবে গেল পলাইয়া ॥
জরাসন্ধ দুই কন্যা অস্তি প্রাপ্তি বলি ।
কংসের বনিতা দৌহে আমার মাতুলি ॥
স্বামীর কারণে বাপে গোহারি করিল ।
সসৈন্যে মগধপতি মথুরা বেড়িল ॥
অসংখ্য তাহার সৈন্য কে বর্ণিতে পারে ।
ক্ষয় নহে মারিলেক শতেক বংশেরে ॥
রান আমি দুই ভাই করিনু সংহার ।
সেই হেতু যুদ্ধ হইল অষ্টাদশবার ॥
তবে চিন্তে বিচার করিনু সর্বজন ।
মথুরা বসতি আর নহে স্নেহোভন ॥
নিরন্তর দুই কন্যা কহিবেক বাপে ।
পুনঃ জরাসন্ধ রাজা আসিবেক কোপে ॥
এমত বিচারি সবে মথুরা ত্যজিয়া ।
সবে ল'য়ে দ্বারকায় রহিলাম গিয়া ॥
সেই যুদ্ধে না আইল যত রাজগণে ।
বন্দী করি রাখিয়াছে আপন ভবনে ॥
পশুবৎ করি সব রাখিয়াছে রাজা ।
সবাকারে বলি দিবে রুদ্রে করি পূজা ॥

ছিয়ানী সহস্র রাজা আছে বন্দিশালে ।
 তব যজ্ঞ হয় রাজা সব মুক্ত হৈলে ॥
 জরাসন্ধ বিনাশিলে সর্ব্বসিদ্ধি হয় ।
 নিকটকে যজ্ঞ তবে কর মহাশয় ॥
 জরাসন্ধ জঁয়ন্তে না হয় কোন কাজ ।
 তব মারি বশ কর ভূপতি সমাজ ॥
 হইবে অনন্ত জয় সংসার ভিতরে ।
 আমার মন্ত্রণা এই কহিনু তোমাতে ॥
 এতক বলেন যদি কমললোচন ।
 কামর তনয় রাজা, কৃষ্ণের কহেন ॥
 অনুচিত কহিলা যতক মহাশয় ।
 হই না করিলে যজ্ঞ কি প্রকারে হয় ॥
 শান্তি আচরণ আমি করি যে প্রথমে ।
 পৃথিবী হুসাধ্য আরো করি ক্রমে ক্রমে ॥
 পশ্চাতে করিব জরাসন্ধের উপায় ।
 মম মত এই কহিলাম যে তোমায় ॥
 ভীমসেন বলেন না লয় মম মনে ।
 প্রথমে মারিব বৃহদ্রথের নন্দনে ॥
 তারে মারি মুক্ত হবে বহু জ্ঞাতিগণ ।
 যজ্ঞে বিশ্ব করে তবে নাহি কোন জন ॥
 রাজা হুয়ে শান্তি ভজে লক্ষ্মী নাহি পায় ।
 পূর্ব্ব রাজগণ কৰ্ম্ম কহি শুন রায় ॥
 বাহুবলে ভরত শাসিল ভূমণ্ডল ।
 মাক্রাতা নৃপতি কর ত্যজিল সকল ॥
 প্রতাপেতে কার্ত্তবীৰ্য্যে ঘোষে জগজ্জনে ।
 ভগীরথ খ্যাত করি প্রজার পালনে ॥
 শ্রীকৃষ্ণ বলেন রাজা কর অবগতি ।
 সেমতে হইবে হত মগধের পতি ॥
 সৈন্য সাজি তাহারে নারিবে কদাচিত ।
 অসংখ্য দুর্দান্ত সৈন্য যাহার সহিত ॥
 ভীমার্জুন দেহ রাজা আমার সংহতি ।
 উপায়ে করিব হত মগধের পতি ॥
 শুনিয়া কহেন রাজা ধর্ম্মের তনয় ।
 যতক কহিলা মম চিন্তে নাহি লয় ॥
 মহারাজ জরাসন্ধ রাজচক্রবর্তী ।
 যাহারে করেন ভয় ইন্দ্র হরপতি ॥

যার ভয়ে জগন্নাথ মথুরা ত্যজিয়া ।
 পশ্চিম সমুদ্রতীরে রহিলেন গিয়া ॥
 তোমরা উভয়ে চক্ষু, কৃষ্ণ মম প্রাণ ।
 সঙ্কটেতে পাঠাইতে না হয় বিধান ॥
 হেন যজ্ঞে প্রয়োজন নাহিক আমার ।
 সন্ন্যাসী হইয়া পাছে ভ্রমিব সংসার ॥
 এত শুনি তখন কহেন ধনঞ্জয় ।
 কেন হেন না বুঝিয়া বল মহাশয় ॥
 বিনা দুঃখে সঙ্কটেতে নহে কোন কৰ্ম্ম ।
 স্বকৰ্ম্মবিহীন রাজা বুঝা তার জন্ম ॥
 এ উপায়ে কৰ্ম্ম যদি না হয় সাধন ।
 পশ্চাৎ করিবা তাহা যাহা লয় মন ॥
 এতক বলিল যদি ইন্দ্ৰের নন্দন ।
 সাধু বলি প্রশংসা করেন নারায়ণ ॥
 ধর্ম্মরাজ বলেন বলহ নারায়ণ ।
 জরাসন্ধ নাম তার কিসের কারণ ॥
 অত বল ধরে কাহার পাইয়া বর ।
 তোমা হিংসি রক্ষা পায় বিশ্বয় অন্তর ॥
 গোবিন্দ বলেন রাজা কর অবধান ।
 জরাসন্ধ বিবরণ কহি তব স্থান ॥
 মগধ দেশের রাজা নাম বৃহদ্রথ ।
 অগণিত সৈন্যগণ গজ বার্জী রথ ॥
 তেজে সূর্য্য ক্রোধে যম ধনে ধনপতি ।
 রূপে কামদেব রাজা ক্ষমাগুণে ক্ষিতি ॥
 নিরন্তর যজ্ঞ করে অন্য নাহি মন ।
 দুই কন্যা দিল তারে কাশীর রাজন ॥
 পুত্রার্থী পুত্রোপ্তি যজ্ঞ করে মহীপাল ।
 না হইল বংশ তার গেল যুবাকাল ॥
 আপনারে দিকার করিয়া নরপতি ।
 রাজ্য ত্যজি বনে গেল ভার্য্যার সংহতি ॥
 গোতমনন্দন চণ্ডকৌশিক দে ঋষি ।
 পরম তপস্বী তিনি সদা বনবাসী ॥
 বহুদেশ ভ্রমিয়া নগরে নগরে উপনীত ।
 বৃক্ষতলে রাজা তাঁরে দেখে আচম্বিত ॥
 তবে রাজা প্রণমিল মুনির চরণ ।
 মুনি জিজ্ঞাসিল রাজা কোথায় গমন ॥

করযোড়ে ভূমিপতি বলিল বচন ।
 মম দুঃখ অবধান কর তপোধন ॥
 বহু কৰ্ম্ম করিলাম রাজ্যে হ'য়ে রাজা ।
 সমুচিত বিধানতে পালিলাম প্রজা ॥
 ধন জনে আর মন নাহি তপোধন ।
 সব শূন্য দেখি মুনি, পুত্রের কারণ ॥
 এই হেতু রাজ্য ত্যজি যাই বনবাস ।
 তপস্বী করিব গিয়া লইয়া সন্ন্যাস ॥
 রাজার বিনয় শুনি গোঁতম-নন্দন ।
 ধ্যানতে বসিয়া মুনি চিন্তে ততক্ষণ ॥
 হেনকালে দৈবে সেই আত্মব্রক্ষ হৈতে ।
 শূন্য হ'তে এক আত্ম পড়িল ভূমিতে ॥
 আত্ম ল'য়ে মুনিবর হৃদে লাগাইল ।
 হরিষে রাজার করে অর্পিয়া কহিল ॥
 এ ফল খাইতে দেহ প্রধান ভাৰ্য্যারে ।
 গুণবান পুত্র হবে তাহার উদরে ॥
 বাঞ্ছা পূর্ণ হৈল রাজা যাও নিজ ঘর ।
 এত শুনি আনন্দিত হৈল নরবর ॥
 মুনি প্রণামিয়ে রাজা নিজালয়ে গেল ।
 দুই ভাৰ্য্যা সমান দৌহারে বাঁটি দিল ॥
 দুই ভাগ করি দৌহে করিল ভক্ষণ ।
 এককালে গর্ভবতী হৈল দুইজন ॥
 একত্র প্রসব দৌহে হৈল এককালে ।
 আনন্দে নিরখে দৌহে সেই দুই বালে ॥
 এক চৰ্ম্ম নাশা কর্ণ এক পদ কর ।
 অর্দ্ধ অর্দ্ধ অঙ্গ দেখি বিস্ময় অন্তর ॥
 হৃদয়ে হানিয়া কর বিবাদে বলিল ।
 দশ মাস গর্ভব্যথা বৃথা বহা গেল ॥
 সেইক্ষণে ফেলাইয়া দিল দাসীগণ ।
 জরা নামে রাক্ষসী আইল ততক্ষণ ॥
 সদাই শোণিত মাংস আহার যাহার ।
 সংসারের গর্ভপাত শাসন তাহার ॥
 রাজগৃহে গর্ভপাত শুনিয়া ধাইল ।
 অর্দ্ধ অর্দ্ধ অঙ্গ দেখি বিস্ময় মানিল ॥
 আপন নয়নে ইহা কখন না দেখে ।
 দুই হাতে দুইখান লইয়া নিরখে ॥

রহস্ত দেখিয়া দুই সংযোগ করিল ।
 আচম্বিতে দুই অঙ্গ একত্র হইল ॥
 উঙা উঙা করি কান্দে মুখে হাত ভরি ।
 আশ্চর্য্য হইয়া চিত্তে ভাবে নিশাচরী ॥
 না হবে উদর পূর্ণ ইহারে খাইলে ।
 নৃপতি হইবে তুচ্ছ এ পুত্র পাইলে ॥
 এত চিন্তি কোলে করি লইল নন্দন ।
 মেঘের গর্জ্জন জিনি শিশুর নিঃশ্বন ॥
 মনুষ্যের মূর্ত্তি ধরি জরা নিশাচরী ।
 রাজার সম্মুখে গেল পুত্র কোলে করি ॥
 নৃপতিরে কহিল সকল বিবরণ ।
 হের ধর লও রাজা আপন নন্দন ॥
 পুত্র পেয়ে উল্লাসিত হইল নৃপতি ।
 তবে জিজ্ঞাসিল রাজা রাক্ষসীর প্রতি ॥
 কে তুমি কোথায় বাস কি তোমার নাম ।
 কার কন্যা কার ভাৰ্য্যা কোথা তব ধাম ॥
 এত স্নেহ আমারে তোমার কি কারণে ।
 আমারে এমত করে নাহি ত্রিভুবনে ॥
 রাজার বচন শুনি বলে নিশাচরী ।
 আমারে সৃজিল অগ্রে সৃষ্টি অধিকারী ॥
 শিশুর বিনাশে মম হইল সৃজন ।
 সর্ব্ব গৃহে থাকি আমি ভক্ষ্যের কারণ ॥
 পুত্র পৌত্র সহ মোরে যে গৃহস্থ পূজে ।
 বিবিধ বিধানে স্তব্ধ মম বরে ভুঞ্জে ॥
 নিক্ষণ্টকে তাহার বালকগণ বাড়ে ।
 নির্বাণি সে হয়, ব্যাধি তাদের ছাড়ে ॥
 তব গৃহে পূজা রাজা পাই অনুক্ষণ ।
 তেঁই রক্ষা করিলাম তোমার নন্দন ॥
 সমুদ্রে শোষণে রাজা মম এই পেটে ।
 স্নমেরু সদৃশ মাংস খাইলে না আঁটে ॥
 এত বলি রাক্ষসী চলিল নিজ স্থান ।
 পুত্র পেয়ে নরপতি মহা হর্ষ মন ॥
 জাতকৰ্ম্ম বিধিমত করিল রাজন ।
 অনুমান করি নাম দিল বিজগণ ॥
 জরায় সঙ্কিত হেতু নাম জরাসন্ধ ।
 দিনে দিনে বাড়ে যেন শুক্লপক্ষ চন্দ্র ॥

কতদিনে বৃহদ্রথ পুত্রে রাজ্য দিয়া ।
 ভাৰ্যা সহ বনে গেল ব্রহ্মচর্য্য নিয়া ॥
 জরাসন্ধ রাজা হৈল বলে মহাবল ।
 নিজ ভুজবলেতে শাসিল ভূমণ্ডল ॥
 দুই সেনাপতি হংস ডিম্বক তাহার ।
 সর্ব্বত্র অভয় অস্ত্রে অভেদ আকার ॥
 তিন জন মহাবীর অজেয় সংসারে ।
 চতুর্থ জামাতা কংস মহাবল ধরে ॥
 আমা হৈতে ভোজপতি যবে হ'ল হত ।
 তথা হৈতে গদা প্রহারিল বাহ'দ্রথ ॥
 শতেক যোজন গদা এল আচম্বিতে ।
 মথুরা কাঁপিল যেন গিরি বজ্রাঘাতে ॥
 সংগ্রামে সাজিয়া আসে অষ্টাদশ বার ।
 ত্রয়োদশ অক্ষৌহিণী সহ পরিবার ॥
 হংস নামে এক রাজা ছিল সঙ্গে তার ।
 বলভদ্র হাতে তার হইল সংহার ॥
 মরিল মরিল হংস হৈল এই শব্দ ।
 শুনিয়া মগধ লোক হইলেক স্তব্ধ ॥
 ডিম্বক আছিল সেই রাজ্যের রক্ষণ ।
 শুনিল সংগ্রামে হ'ল ভ্রাতার মরণ ॥
 সহিতে নারিল, শোকে হইল অস্থির ।
 ডুবিয়া যমুনা-জলে ত্যজিল শরীর ॥
 জরাসন্ধ সহ তবে হংস গেল ঘর ।
 শুনিল মরিল শোকে ডুবিয়া সোদর ॥
 হেনমতে ডুবিয়া মরিল দুইজন ।
 একমাত্র জরাসন্ধ আছে দুর্জয় ॥
 সংগ্রামে জিনিতে তাঁরে না দেখি ভুবনে ।
 উপায় আছয় এক চিন্তিয়াছি মনে ॥
 মল্লযুদ্ধ বিনা তার না হয় নিধন ।
 বৃকোদর বাহুবলে করিবে সাধন ॥
 আমার হৃদয় যদি জান মহাশয় ।
 আমার বচন তবে করহ প্রত্যয় ॥
 পৌরুষ বিভব যদি বাঞ্ছ নরপতি ।
 ভীমার্জ্জুন দেহ রাজা আমার সংহতি ॥
 কৃষ্ণের বচন শুনি ধর্ম্মের নন্দন ।
 একদৃষ্টে চান ভীমার্জ্জুনের বদন ॥

হৃষ্টমুখ দুই ভাই দেখি নরপতি ।
 কহেন মধুর বাক্যে গোবিন্দের প্রতি ।
 কি কারণে এমত বলিলা যদুরায় ।
 তোমা বিনা পাণ্ডবের কি আছে উপায় ॥
 লক্ষ্মী পরাধ্বুখ যারে সে তোমা না জানে ।
 সহজে পাণ্ডববন্ধু খ্যাত ত্রিভুবনে ॥
 তব নাম নিলে ভয় নাহি ত্রিজগতে ।
 তার কি আপদ বার থাকিবা সংস্বেতে ॥
 এত বলি নরপতি দুই ভাই ল'য়ে ।
 গোবিন্দের চরণে দিলেন সমর্পিয়ে ॥
 মহাভারতের কথা অমৃতের ধার ।
 কাশীরাম দাস কহে রচিয়া পয়ার ॥

মগধরাজ্যে ভীমার্জ্জুন সহিত

শ্রীকৃষ্ণের যাত্রা ।

শুভক্ষণ করিয়া চলেন তিন জন ।
 পদব্রজে ধরি ব্রহ্মচারীর লক্ষণ ॥
 পদ্মসর লজ্জিয়া পর্ব্বত কালকূট ।
 গণ্ডকী ঘর্ঘর বর্ত্ত বিষম সঙ্কট ॥
 সরযু অযোধ্যা আর নগর মিথিলা ।
 ভাগীরথী সরস্বতী যমুনা আইলা ॥
 পার হৈয়া পূর্ব্ব মুখে যান তিন জনে ।
 গেলেন মগধ রাজ্যে তারা কত দিনে ॥
 চৈত্ররথ আদি করি পঞ্চ মহাগিরি ।
 তাহার মধ্যেতে বৈসে গিরি ব্রজপুরী ॥
 অনুপম দেশ সেই দেখিতে সুন্দর ।
 ধন ধান্ত গো মহিষ সহিত নগর ॥
 ভীমার্জ্জুনে বলেন গোবিন্দ মহামতি ।
 এই পঞ্চ গিরি মধ্যে নগর বসতি ॥
 পঞ্চ পর্ব্বতের কথা শুন দুই জন ।
 শত্রু দেখি দ্বার রুদ্ধ হয় ততক্ষণ ।
 আর এক আশ্চর্য্য আছে দুয়ারেতে ।
 তিন গোটা ভেরী শব্দ করে আচম্বিতে ॥
 শত্রু দেখি ভেরী শব্দ করয়ে বখন ।
 সজাগ হইয়া সেনা করয়ে সাজন ॥
 শত্রুবাপী অর্কবৃন্দ এ দুই নাগবর ।
 যার ভয়ে রিপু নাহি প্রবেশে নগর ॥

মহারথীগণ সব রক্ষা করে দ্বার ।
 ইহার উপায় এক করহ বিচার ॥
 অর্জুন বলেন ভেরী রৈল মম ভাগে ।
 শ্রীকৃষ্ণ বলেন নিবারিব দুই নাগে ॥
 ভীম বলিলেন মম পর্বতের ভার ।
 অন্য পথে যাব পুরে না যাইব দ্বার ॥
 এইরূপ বিচার করেন তিনজন ।
 দ্বার ত্যজি করিলেন গিরি আরোহণ ॥
 নাগের কারণ দেব কৃষ্ণ মহামতি ।
 খগপতি স্মরণ করেন শীঘ্রগতি ॥
 আইল ভুজঙ্গরিপু কৃষ্ণের স্মরণে ।
 এ তিন ভুবন কম্পে যাহার গর্জনে ॥
 ভয়েতে ভুজঙ্গ দুই প্রবেশে পাতালে ।
 কৃষ্ণেরে মেলানি মাগি খগপতি চলে ॥
 ভেরী হেতু অর্জুন এড়িলা শব্দভেদী ।
 এক অস্ত্রে তিন ভেরী ফেলিলেন ছেদী ॥
 চৈত্রগিরি পৃষ্ঠে করিলেন আরোহণ ।
 রিপু দেখি গিরিবর করয়ে গর্জনে ॥
 গিরিশৃঙ্গ ধরি ভীম উপাড়িয়া করে ।
 অচল করিল বজ্রমুষ্টির প্রহারে ॥
 পর্বত লজিয়া কৈল নগরে প্রবেশ ।
 সুরপুর সম দেখে জরাসন্ধ দেশ ॥
 সৃগন্ধি কুসুম মাল্য দেখি স্রশোভন ।
 বলে ল'য়ে তিন জন করেন ভূষণ ॥
 পূর্ব দ্বার লজিয়া গেলেন তিন জনা ।
 অন্তঃপুরে যাইতে ব্রাহ্মণে নাহি মানা ॥
 তিন দ্বার লজিয়া গেলেন অন্তঃপুর ।
 যথা আছে মহীপাল জরাসন্ধ শূর ॥
 যজ্ঞদীক্ষা লইয়াছে যজ্ঞেতে তৎপর ।
 উপবাসী ব্রতী হ'য়ে আছে একেশ্বর ॥
 কেবল ব্রাহ্মণগণ আসে তথাকারে ।
 বিনাস্থানে অন্য জন যাইতে না পারে ॥
 তিন দ্বিজ দেখি রাজা উঠি ঘোড়াহাতে ।
 অগ্রসরি আসিয়া লইল কত পথে ॥
 বসিবারে দিল দিব্য কনক আসন ।
 স্বস্তি স্বস্তি বলিয়া বৈসেন তিনজন ॥

তিন জন মূর্তি রাজা করে নিরীক্ষণ ।
 শাল বৃক্ষ কোঁড়া যেন অঙ্গের বরণ ॥
 আজানুলম্বিত বাহু বলের আধার ।
 অস্ত্রচিহ্ন লেখা আছে অঙ্গ সবাকার ॥
 ভূষণ বিবিধ মালা দেখিয়া রাজন ।
 নিন্দা করি বলিতে লাগিল ততক্ষণ ॥
 ব্রতী বিপ্র হ'য়ে কেন হেন অনাচার ।
 সৃগন্ধি চন্দন মাল্য অঙ্গ সবাকার ॥
 মুনিগণ কহে আর আমি জানি ভালে ।
 ব্রাহ্মণ কখন মাল্য নাহি পুরে গলে ॥
 পরিধান বহুবিধ বিচিত্র বসন ।
 বিপ্রদেহে অস্ত্রচিহ্ন কিসের কারণ ॥
 সত্য কহ তোমরা যে হও কোন্ জাতি !
 কি হেতু আইলা বল আমার বসতি ॥
 দ্বিজ বিনা আসে হেথা নাহি অন্যজন ।
 চোররূপে আসিয়াছ লয় মম মন ॥
 চৈত্রগিরি শৃঙ্গ ভাঙ্গিয়া আইলে হেথায় ।
 রাজদ্রোহ পাপভয় নাহিক তোমায়া ॥
 কি হেতু আইলা কোন্ ভিক্ষা অনুসারে ।
 কোন্ বিধিতে করি পূজা সবাকারে ॥
 এত শুনি বাসুদেব বলেন বচন ।
 গভীর নিনাদ যেন শরীর দাহন ॥
 পুষ্পমাল্য সদা রাজা লক্ষ্মীর আশ্রয় ।
 লক্ষ্মীপ্রিয় কশ্ম্মেতে কাহার বাঞ্ছা নয় ॥
 দ্বারে না আইলা হেন বলিলে বচন ।
 শত্রুগৃহ দ্বারেতে না যাই কদাচন ॥
 জরাসন্ধ বলে মম না হয় স্মরণ ।
 কবে শত্রু আমার তোমরা তিনজন ॥
 না হিংসিতে ঘেইজন হিংসা আসি করে ।
 তার সম পাপী নাহি সংসার ভিতরে ॥
 কারো হিংসা নাহি করি আমি মনে জানি ।
 কিমতে তোমার শত্রু কহ দেখি শুনি ॥
 গোবিন্দ বলেন তুমি কহ বিপরীত ।
 তোমার যতেক নিন্দা জগতে বিদিত ॥
 পৃথিবীর রাজা সব বান্ধিয়া আনিলে ।
 পশুবৎ রাখিয়াছ নিজ বন্দীশালে ॥

মহাদেবে বলি দিবা শুনিবু শ্রবণে ।
 বল দেখি হেন কর্ম্ম করে কোন্ জনে ॥
 আপদভঞ্জন আমি ধর্ম্মের রক্ষণ ।
 ক্রাতিহিংসা দেখিতে না পারি কদাচন ॥
 ত্রয়োবিংশ অক্ষৌহিণী অর্টাদশবার ।
 গরি পলাইলা সব করিয়া সংহার ॥
 সেই কৃষ্ণ আমি বহুদেবের নন্দন ।
 পাণ্ডুপুত্র ভীমার্জ্জুন এই দুইজন ॥
 আপনার হিত যদি বাঞ্ছহ রাজন ।
 আমার বচনে রাজ্য ছাড় রাজগণ ॥
 নহে যুদ্ধ কর রাজা আমার সংহতি ।
 দুই কর্ম্মে তোমার যেমন লয় মতি ॥
 শ্রীকৃষ্ণের বচনে জ্বলিল জরাসন্ধ ।
 অশেষ বিশেষে গোবিন্দেরে বলে মন্দ ॥
 পূর্ব্বকথা বিস্মরণ হইল তোমার ।
 যুদ্ধে পলাইয়া গেলে শৃগাল আকার ॥
 পৃথিবী ছাড়িয়া গেলে সমুদ্রে ভিতরে ।
 কত নাহি শুনি পুনঃ আসিতে নগরে ॥
 এখন তোমারে দেখি আপনার দেশে ।
 করিলে অদ্বুত কর্ম্ম বল কি সাহসে ॥
 দর্প করি কহিলে ছাড়িতে রাজগণ ।
 কাহার শরীরে সহে এমত বচন ॥
 ভুজবলে বাঙ্কি আনিলাম রাজগণে ।
 সঙ্কল্প করেছে বলি দিব ত্রিলোচনে ॥
 পূর্ব্বকথা তব বুঝি নাহিক স্মরণে ।
 যাও গোপস্থত লজ্জা নহিল বদনে ॥
 সংগ্রাম মাগিলা কেন না বুঝি কারণ ।
 তোমা ছার সহিত যুঝিবে কোন্ জন ॥
 যেবা ভীমার্জ্জুন দেখি অত্যন্ত বয়স ।
 ইহাদের সহ যুদ্ধে হইবে অযশ ॥
 দারিলে পৌরুষ নাহি হারিলে অযশ ।
 পলাও বালকদ্বয় না কর সাহস ॥
 গোপালের বলে বুঝি করিলা উত্তম ।
 না জানহ জরাসন্ধ কৃতান্তের যম ॥
 এতেক বলিল যদি জরাসন্ধ কোপে ।
 ক্রোধে বীর বৃকোদর অধররোষ্ঠ কাঁপে ॥

গোবিন্দ বলেন মিথ্যা না কর বড়াই ।
 তোমার বিচারে দেখি সম কেহ নাই ॥
 সে কারণে হীনবল দেখি রাজগণে ।
 বলে ধরি মারিবারে চাহ অকারণে ॥
 না করিবা ইচ্ছা যদি আমা সহ রণ ।
 এ দৌহার মধ্যে তব যারে লয় মন ॥
 বালক বলিয়া চিন্তে না ভাবিও তুমি ।
 ক্ষণেকে জানিবে অগ্রে চল যুদ্ধভূমি ॥
 জরাসন্ধ বলে যদি ইচ্ছিলে মরণ ।
 রণ বাঞ্ছা করিলে করিব আমি রণ ॥
 কিরূপে করিবে রণ কহ দেখি শুনি ।
 এত শুনি তাহারে কহেন চক্রপাণি ॥
 বিধির নিয়ম এই ক্ষত্রধর্ম্মে কয় ।
 সৈন্যে সৈন্যে যুদ্ধ কিংবা একা একা হয় ॥
 একাকী করহ যুদ্ধ ইচ্ছা যার মনে ।
 গদাযুদ্ধ মল্লযুদ্ধ যেই লয় মনে ॥
 শুনিয়া বলিছে বৃহদ্রথের কুমার ।
 ভুজবলে মহামত্ত করি অহঙ্কার ॥
 সহজে বালক এই বিশেষ অর্জ্জুন ।
 হীনবল সহ যুদ্ধ না করে নিপুণ ॥
 কোমল বালক প্রায় দেগি যে নয়নে ।
 কিছুমাত্র বৃকোদর লয় মম মনে ॥
 ভীমের সহিত আজি করিব সমর ।
 এত বলি উঠিল মগধ দগুধর ॥
 দুই গোটা গদা রাজা আনিল তথনি ।
 ভীমে দিল এক, এক লইল আপনি ॥
 নগর বাহিরে গেল রঙ্গ ভূমি যথা ।
 ধাইল নগর লোক শুনি যুদ্ধকথা ॥
 কৌতুক দেখেন কৃষ্ণ থাকিয়া অন্তর ।
 নৃপতি যুঝিছে সহ বীর বৃকোদর ॥
 অপূর্ব্ব সংগ্রাম করে ভীম জরাসন্ধ ।
 বিস্তারে রচিয়া কহে ত্রিপদীর ছন্দ ॥
 সভাপর্বে সুধারস জরাসন্ধ বধে ।
 কাশীদাস দেব কহে গোবিন্দের পদে ॥

জরাসন্ধ সহ ভীমের যুদ্ধ ।

অপূর্ব সংগ্রাম, না হয় বিরাম,
হইল মগধ ভীমে ।

গজরাজ নক্রে, বেত্রাস্ত্র শক্রে,
যেমত রাবণ রামে ॥

কেশ বাস সারি, করে গদা ধরি,
তুজন হইল আগে ।

কর্কশ বচন, করিছে ভৎসন,
তুই জন মন্ত রাগে ॥

আরে রে পাণ্ডব, কোথা রে খাণ্ডব,
আইলা মগধ দেশে ।

নিকট মরণ, এই সে কারণ,
দৈবে বাঙ্কি আনি পাশে ॥

শুনিয়া তর্জ্জন, করিয়া গর্জ্জন,
বলিছে কুন্তীর স্তন ।

তোমাতে শমন, করিল মনন,
আমি হ'য়ে এলাম দূতী ॥

ক্রোধে বৃকোদর, কম্পে কলেবর,
যেমন কদলীপাত ।

মণ্ডলী করিয়া, ত্বরিত ফিরিয়া,
দৌহে করে করাঘাত ॥

বিপরীত নাদ, পড়িল প্রমাদ,
শ্রবণে লাগিল তাল ।

দস্ত কড়গড়, শ্বাসে বহে ঝড়,
উড়ি যায় মেঘমালা ॥

করে করে ছাঁদি, পদে পদে বাঙ্কি,
তুই জনে দৌহে টানে ।

ক্ষণে দৌহা ছাড়ি, শিরে শিরে তাড়ি,
হৃদয়ে হৃদয় হানে ॥

উরুতে জঘনে, ছান্দিল সঘনে,
ভূমে গড়াগড়ি যায় ।

শ্রমজল অঙ্গে, রণধূলি সঙ্গে,
ঢাকিল দৌহার গায় ॥

রুধিরে জর্জর, তুই কলেবর,
অস্তুর হইয়া ক্ষণে ॥

ক্রোধে কায় কম্পে, যেন দুই ঝাম্পে,
দৌহাপর দুইজনে ॥

ঘোর নাদ চট, দৌহে বাহুস্ফোট,
মেঘের গর্জ্জনে গর্জে ॥

পদে ভূ বিদারে, চাপিয়া অধরে,
তর্জ্জনী তুলিয়া গর্জে ॥

সে দৌহে দৌহারে, গদার প্রহারে,
হৃদে ভুজ শির পিঠে ।

ঘোরতর রণ, দেখে সর্বজন,
গদাঘাতে অগ্নি উঠে ॥

কেহ নহে উন, ধরি পুনঃ পুনঃ
• হৃদয়ে হৃদয় চাপে ।

ভুজে ভুজে ভিড়ি, ভূমিতলে পড়ি,
পুনঃ দৌহে উঠে লাফে ॥

যেন দ্বি বারণ, বারুণী কারণ,
যুঝয়ে পর্বত মাঝে ।

যেন দ্বি বুঝতে, সুরভীর লোভে,
গোষ্ঠের ভিতর যুঝে ॥

কার্তিক প্রথমে, প্রতিপদ ক্রমে,
অহর্নিশি দৌহে রণে ।

হৈল চতুর্দশী, কহে দাস কাশী,
বিশ্রাম না বায়ু পানে ॥

জরাসন্ধ বধ ।

অহর্নিশি চতুর্দশ দিবস সংগ্রাম ।
নিশ্বাস ছাড়িতে দৌহে না করে বিশ্রাম ॥

অনাহারে শীড়িত দৌহার কলেবর ।
নিস্তেজ হইল বৃহদ্রথের কুণ্ডর ॥

অচল হইল অঙ্গ হরিলেক জ্ঞান ।
তথাপি দণ্ডায়মান ছিল বিদ্যমান ॥

পবননন্দন ভীম মহাপরাক্রম ।
এত যুদ্ধে শরীরে তিলেক নাহি শ্রম ॥

ডাকিয়া বলেন কৃষ্ণ কি দেখহ আর ।
এইকালে শত্রু কেন না কর সংহার ॥

কৃষ্ণের বচনে ক্রোধ করি বৃকোদর ।
পায়ে ধরি ফেলিলেন ভূমির উপর ॥



পুনরপি ধরে তারে কুন্তীর কুমার ।
 দুই পায়ে ধরিয়া ভ্রমায় চক্রাকার ॥
 শতবার ভ্রমাইয়া ফেলে ভূমিতলে ।
 বক্ষঃস্থলে চাপিয়া বসিল মহাবলে ॥
 কণ্ঠে জানু দিয়া, বুকে ব্রজমুষ্টি মারে ।
 গুরুতর গর্জনেতে কাঁপে ধরাপরে ॥
 রাজ্যের যতেক লোক হৈল মৃতপ্রায় ।
 কাহার' বচন কেহ শুনিতে না পায় ॥
 গর্ভবতীর স্ত্রীর গর্ভ পড়িল খসিয়া ।
 হস্তী অশ্ব আদি পশু যায় পলাইয়া ॥
 যথাশক্তি বৃকোদর করেন প্রহার ।
 তথাপি না হয় জরাসন্ধের সংহার ॥
 আশ্চর্য্য দেখিয়া ভীম বলেন কৃষ্ণেরে ।
 যথাশক্তি করিলাম প্রহার ইহারে ॥
 ইহার মরণ আমি না দেখি উপায় ।
 এত শুনি ডাকিয়া কহেন যদুরায় ॥
 পূর্বের সন্ধি কহিয়াছি কেন বিস্মরণ ।
 সেই ছিদ্রে জরাসন্ধ হইবে নিধন ॥
 বৃকোদরে দেখাইয়া দিলেন স্ত্রীনাথ ।
 দুই করে ধরি চিরিলেন বেণাপাত ॥
 দেখিয়া হলেন তুচ্ছ কুন্তীর নন্দন ।
 পুনরপি ধেয়ে যান করিয়া গর্জ্জন ॥
 ব্রজমুষ্টি মারিয়া পাড়েন ভূমিতলে ।
 সিংহ যেন মৃগ ধরি ফেলে অবহেলে ॥
 একপদ পদে চাপি এক পদে কর ।
 হস্তারিয়া টানিলেন বীর বৃকোদর ॥
 মধ্যস্থান চিরিয়া করেন দুইখান ।
 জন্মকাল অঙ্গ প্রাপ্তে হারাইল প্রাণ ॥
 জরাসন্ধ পড়িল সর্ষপ নারায়ণ ।
 আনন্দেতে তিনজনে কৈল আলিঙ্গন ॥
 রাজ্যেতে যতেক লোক প্রমাদ গণিল ।
 জরাসন্ধ-স্মৃত সহদেব-নাম ছিল ॥
 আশ্বাসিয়া জগন্নাথ করেন অভয় ।
 মগধ রাজ্যেতে সেই দণ্ডধর হয় ॥
 বন্দিশালে যতেক আছিল রাজগণ ।
 একে একে সবাকার ঘুচিল বন্ধন ॥

নানারত্নে সবাকারে করিল ভূষণ ।
 করঘোড়ে স্তুতি করি কহে রাজগণ ॥
 সদয় হৃদয় তুমি সেবক-রঞ্জন ।
 দুর্ব্বলের বল গর্ব্বি গৌরব-ভঞ্জন ॥
 অনাথের নাথ তুমি হিংসকের অরি ।
 ধর্ম্মের পালন হেতু মর্ত্তে অবতরি ॥
 কে বর্ণিতে পারে গুণ বেদে অগোচর ।
 সদা যোগ ধ্যানে যারে না পান শঙ্কর ॥
 জরাসন্ধ নৃপবর যত দুঃখ দিল ।
 তোমাতে হেরিয়া হরি সব দূর হৈল ॥
 অভয় পঙ্কজপদ দেখিনু নয়নে ।
 বদনে অমৃত ভাষা শুনিবু শ্রবণে ॥
 বলে জরাসন্ধ প্রভু করিল বন্ধন ।
 এতদিনে বলি দিত সব রাজগণ ॥
 কৃপায় সবারে প্রভু করিলা উদ্ধার ।
 এ কর্ম্ম তোমার প্রভু কিছু নহে ভার ॥
 আজ্ঞা কর আমরা করিব কিবা কার্য্য ।
 গোবিন্দ বলেন সবে যাও নিজ রাজ্য ॥
 এত শুনি রাজগণ করে অঙ্গীকার ।
 প্রণমিয়া দেখে সবে গেল যে যাহার ॥
 তবে জরাসন্ধ রথ আনি নারায়ণ ।
 তিনজনে সে রথে করেন আরোহণ ॥
 অপূর্ব্ব সুন্দর রথ লোকে অগোচর ।
 সেই রথে চড়ি পূর্ব্বের দেব পুরন্দর ॥
 দলিল দানবগণ উমশতবার ।
 যোজন পর্য্যন্ত দৃষ্টি হয় ধ্বজ যার ॥
 ইন্দ্র হৈতে পায় বসু, মগধ ঈশ্বরে ।
 বসু হৈতে বৃহদ্রথ, সে দিল কুমারে ॥
 সেই রথে চড়িয়া চলেন তিনজন ।
 গোবিন্দ গরুড়ে তবে করিলা স্মরণ ॥
 আজ্ঞা করিলেন বসিবারে ধ্বজোপর ।
 খগপতি ধ্বজরথ ঘোষে চরাচর ॥
 শঙ্খনাদ করিয়া চলিলা শীঘ্রগতি ।
 ইন্দ্রপ্রস্থে উপনীত তিন মহামতি ॥
 যুধিষ্ঠির চরণে করিয়া নমস্কার ।
 একে একে কহেন সকল সমাচার ॥

আনন্দেতে যুধিষ্ঠির করি আলিঙ্গন ।
 গোবিন্দে অনেক পূজা করেন তখন ॥
 জরাসন্ধ রথ আর অমূল্য রতন ।
 কৃষ্ণেরে দিলেন রাজা হ'য়ে হৃষ্টমন ॥
 সভাপর্বে স্বধারস জরাসন্ধ বধে ।
 কাশীরাম দাস কহে গোবিন্দের পদে ॥

— — —
 অর্জুনের দ্বিধিজয় ।

করি কৃতাজলি, পার্থ মহাবলী,
 কহেন রাজার আগে ।
 আজ্ঞা কর রায়, করিব উপায়,
 রাজসূয় যজ্ঞভাগে ॥
 অতুল কাশ্মুক, গাভীব ধনুক,
 অক্ষয় তুণ যুগল ।
 রথ কপিধ্বজ, দেব দভানুজ,
 চারি তুরঙ্গম বল ॥
 অপ্রাপ্য সংসারে, দেব বাঞ্ছা করে,
 হেলাতে আমারে মেলে ।
 এ সবার গুণ, যশ উপার্জন,
 শাসিব রাজার দলে ॥
 অগম্য যে পথ, কুবের পালিত,
 উত্তরে যাইব আমি ।
 শুনিয়া বচন, স্নেহ আলিঙ্গন,
 করেন পাণ্ডব স্বামী ॥
 করি শুভক্ষণ, আনি দ্বিজগণ,
 যে বেদ বেদাঙ্গ জানে ।
 মঙ্গল বচনে, মাধব স্মরণে,
 মঙ্গল করে বিধানে ॥
 রথ গজ বাজী, সেনাগণ সাজি,
 চলিল কটক সাথে ।
 পূর্বদিকে ভীম, নকুল পশ্চিম,
 দক্ষিণ কর্ণিষ্ঠ ভ্রাতা ॥
 অর্জুনের সেনা, শ্বেত পীত নানা,
 বিবিধ বাজনা বাজে ।
 শঙ্খের বাজন, গজের গর্জ্জন,
 শূনি কম্প ক্ষিতিমাঝে ॥

• প্রথমে প্রবেশ, কুলিন্দের দেশ,
 হেলায় জিনিল তারে ।
 কালকূট বর্ষা জিনিয়া আনন্দ,
 স্তম্ভল নৃপবরে ॥
 শাকল স্বদীপে, প্রতিবিন্দ নৃপে,
 জিনিল ক্ষণেক রণে ।
 প্রাগ্দেশ ধাম, ভগদত্ত নাম,
 বিখ্যাত রাজা ভুবনে ॥
 তার যত সেনা, না যায় গণনা,
 কিরাত কাননবাসী ।
 বিপরীত মুখ, ধারণ ধনুক,
 গুঞ্জাহার মালা ভূষি ॥
 করি কেশ গুটি, বান্ধা উর্দ্ধ বুটী,
 বেষ্টিত বক্ষের লতা ।
 পরম হরিষে, ধাইল রণে সে,
 শুনিয়া সংগ্রাম কথা ॥
 ঘোর ডাক পাড়ে, নানা অস্ত্র ছাড়ে,
 হইল উভয়ে রণ ।
 ভগদত্ত রাজ, পুরন্দরান্নাছ,
 মুখামুখী দুইজন ॥
 দৌহে ধনুর্ধর, ফেলে নানা শর,
 যাহার যতেক শিক্ষা ।
 মারুত অনল, সূর্য্য বহু জল,
 বিবিধ মন্ত্রেতে দীক্ষা ।
 অষ্ট অহর্নিশি, দৌহে উপবাসী,
 বিশ্রাম না করে ক্ষণে ।
 দেখি ভগদত্ত, বলে মহামত্ত,
 হাসিয়া বলে অর্জুনে ॥
 নিবর্ত্তহ রণ, ইন্দের নন্দন,
 তুমি হও সখা স্তত ।
 তোমার জনক, ত্রিদশ পালক,
 সখা মম পুরুষত ॥
 মনে ছিল ভ্রম, তোমার বিক্রম,
 জানিলাম এতদিনে ।
 কিসের কারণ, কর তুমি রণ,
 হেথা বা আইলে কেনে ॥

বলেন বিজয়,	ধর্মের তনয়,	পর্বত কৈলাস,	কুবেরের বাস,
কুরুকুলে হন রাজা ।		যক্ষ রক্ষ কোটি কোটি ।	
করিবেন ক্রতু,	চাহি এই হেতু,	মমুষ্য কিন্নর,	হইল সমর,
দিব তাঁরে কিছু পূজা,		হলেন জয়ী কিরীটি ॥	
য দ মোর প্রতি,	হইয়াছ প্রীতি,	ইন্দ্রের কোঙর,	ইন্দ্র সম শর,
তবে নিবেদন করি ।		মারিলেক বহু যক্ষ ।	
ক্ষম মম দোষ,	দেহ কিছু কোষ,	পলাইল ডরে,	কহিল কুবেরে,
প্রাগ্দেশ অধিকারী ॥		পুরে পশিল বিপক্ষ ॥	
বিবিধ পর্বতে,	নৃপ শতে শতে,	শুনি বৈশ্রবণ,	ল'য়ে বহু ধন,
কতেক লইব নাম ।		পূজিল পাণ্ডুর স্তুতে ।	
দিয়া ধনচয়,	কেহ মিলে তায়,	স্নেহভাবে তায়,	করিল বিদায়,
কেহ বা করে সংগ্রাম ॥		পার্শ্ব বানী তথা হৈতে ॥	
উলুকের পতি,	বৃহন্ত নৃপতি,	নগর হাটক,	নিবাসী গুহাক,
করিল অনেক রণ ।		জিনি পাইলেন ধন ।	
মোদাপুর ধাম,	দেবক স্তন্যদাম,	ল'য়ে রত্ন ধন,	চলেন অর্জুন,
তিনি দেন বহু ধন ॥		হ'য়ে আনন্দিত মন ॥	
রাজা সেনাসিন্ধু,	দিল রত্ন সিন্ধু,	মানস সে সর,	তথা বীরবর,
পৌরব পর্বত রাজা ।		দেখি হইলেন স্তম্ভী ।	
লোহিতমণ্ডল,	রাজা মহাবল,	অমরনগরী,	অঙ্গরী কিন্নরী,
করিল অনেক পূজা ॥		কোটি কোটি শশিমুখী ॥	
ত্রিগর্তমণ্ডলে	জিনি বীর হেলে,	জিতেদ্রিয় দ্বার,	পার্শ্ব মহাবীর,
সিংহপুরে সিংহরাজ ।		নাহি চান কার' পানে ।	
বাহ্লীক নারদ,	নৃপতি কামদ,	সেই সরোবাসী,	ছিল বহু ঋষি,
বৈসে কামগিরি মাঝ ॥		আশীষ করে অর্জুনে ॥	
অপূর্ব সে দেশ,	নানা বর্ণ অশ্ব,	তথা হৈতে চলে,	বান কুতূহলে,
শুক ময়ূরের রঙ্গে ।		চলে অতি শীঘ্রগামী ।	
কৌতুকে অর্জুন,	নিল অশ্বগণ,	সংগ্রামে প্রচণ্ড,	তেজেতে নার্তগু
বিবিধ রতন সঙ্গে ॥		জিনিয়া ভারতভূনি ॥	
নৃপতি জীবন,	কৈল মহারণ,	তাহার উত্তর,	যান বীরবর,
হারিয়া ভজিল আসি ।		হরিবর্ষ নামে খণ্ড ।	
ভুবনে অপূর্ব,	দিল বহু দ্রব্য,	দেখি দ্বারপাল,	ধায় পালে পাল,
নানা বর্ণে রাশি রাশি ॥		হাতে করি লৌহদণ্ড ॥	
তবে একে একে,	জিনিয়া সবাকৈ,	দেখিয়া মানুষে,	সর্বজন হাসে,
উঠিল হেমন্তগিরি ।		অতি অপরূপ বাসি ।	
তাহে যত ছিল,	হেলায় জিনিল,	বিশ্ময় অন্তরে,	কহে অর্জুনেরে,
গন্ধর্ব দানবপুরী ॥		ভুমি যে বড় সাহসী ॥	

মানব শরীরে, আইলে এখানে,
কছু নাহি দেখি শুনি ।
নিবর্তহ তুমি, অগম্য এ ভূমি,
কাহার শক্তি জিনি ॥
ভারত দিগন্ত, আইলা অত্যন্ত,
তুমি কি ভ্রান্ত হইলা ।
এ পুর উত্তর, কুরু নগর,
এথা কি হেতু আইলা ॥
দেখিতে না পাবে, কি যুদ্ধ করিবে
নাহি নরলোকে গতি ।
শুনিয়া অর্জুন, , বিস্মিত বদন,
বলেন দ্বারীর প্রতি ॥
ধর্ম্য নরবর, ক্ষত্রিয় ঈশ্বর,
তঁাহার আমি কিঙ্কর ।
তোমা না লজ্জিব, পুরে না পশিব,
কিছু দেহ মোরে কর ॥
শুনি ততক্ষণ, দ্বারপালগণ,
অনেক রতন দিল ।
লইয়া অর্জুন, গেলেন তখন,
দক্ষিণ মুখে চলিল ॥
আসিবার কালে, বহু মহীপালে,
জিনিয়া নিলেন কর ।
বাণ কোলাহলে, চতুরঙ্গ দলে,
চলিল নিজ নগর ॥
মণি মরকত, কনক রজত,
মুকুতা প্রবাল রাশি ।
নানা বর্ণ বাস, অশ্ব গো মহিষ,
ল'য়ে কত দাস দাসী ॥
জয় জয় নাদে, শঙ্খের নিনাদে,
প্রবেশে ইন্দ্রপ্রস্থতে ।
ইন্দ্রের আত্মজ, ত্যজিয়া সে সাজ,
গেলেন ধর্ম্য অগ্রেতে ॥
ভূমিতলে পড়ি, ছুই কর যুড়ি,
দাণ্ডাইল কত দূরে ।
করিয়া কোমল, কহেন সকল,
ধর্ম্যরাজ যুধিষ্ঠিরে ॥

তোমার প্রতাপে, উত্তরের নৃপে,
সবে আনিতাম বশে ।
সবে দিল কর, দেখ নৃপবর,
পাইনু যাহা যে দেশে ॥
হরিষে রাজন, করি আলিঙ্গন,
তুষিলেন যুহুভাষে ।
আনিলেক যাহা, কোষে রাখি তাহা,
পার্থ গেলেন নিবাসে ॥
বীর ধনঞ্জয়, করি দ্বিগুণ,
বিজয় ধরেন নাম ।
কাশীদাস ভণে, যেই জন শুনে,
তার পুরে মনস্কাম ॥

— — —
শ্রীকৃষ্ণের ইন্দ্রপ্রস্থে আগমন ।

শরদ কমল পত্র, অরুণ যুগল নেত্র,
শ্রুতিমূলে মকর কুণ্ডল ।
বিকসিত মুখপদ্ম, কোটি সুধাকর সদা,
গুণধর অরুণ মণ্ডল ॥
তনুরুচি নীলাম্বুজ, আজানুলম্বিত ভুজ,
ঘোরতর তিমির বিনাশ ।
মস্তকে মুকুট শোভা, শত দিবাকর প্রভা,
কনক বরণ পীতবাস ॥
যুগ্মপদ কোকনদ, অখিল অভয় পদ,
ভুবন ভরিয়া যার বাস ।
যেই পদ অহর্নিশ, ধ্যানে ধ্যায় অজ ঈশ,
শুক ধ্রুব নারদ প্রহ্লাদ ॥
বক্র বক কেশী কংস, দুষ্কৃত জন দর্প ধ্বংস,
বৃষ্ণিবংশে সফরী ফলিল ।
স্বভক্ত কুমুদ ইন্দু, পাণ্ডবগণের বন্ধু,
নিজরূপে সৃজিলা অখিল ॥
চড়িয়া গরুড়শয্য, অগণিত অশ্ব গজ,
চতুরঙ্গ দলে যত্নবলে ।
ধর্ম্যরাজ প্রীতি হেতু, লইয়া রতন সেতু,
আইলেন মহা কোলাহলে ॥
পাঞ্চজন্ম নাদ শুনি, নগরে হইল ধ্বনি,
হরি আইলেন ইন্দ্রপ্রস্থে ।

শুনি ধর্ম অধিকারী, পাঠাইল অগ্রসরি,
 ভ্রাতৃ মন্ত্রিগণ আস্তে ব্যস্তে ॥
 ভীম পার্থ অনুভ্রজি, গোবিন্দে ষড়ঙ্গ পূজি,
 লইয়া গেলেন নিজধাম ।
 ধর্মের নন্দনে দেখি, শ্রীকৃষ্ণ দূরেতে থাকি,
 ভূমে লুটি করেন প্রণাম ॥
 অসংখ্য অমূল্য ধন, করিলেন বিতরণ,
 অশ্বগজ শৃঙ্গী অগণিত ।
 ধর্ম আনন্দিত হৈয়া, কৃষ্ণে আলিঙ্গন দিয়া,
 পূজিলেন যেমন বিহিত ॥
 পাণ্ডব-নক্ষত্র মাঝ, কৃষ্ণ যেন দ্বিজরাজ,
 বসিয়া সভায় সর্ববর্জন ।
 বসিয়া গোবিন্দ পাশে, যুধিষ্ঠির যুত্বভাষে,
 কহিছেন বিনয় বচন ॥
 তব অনুগ্রহ বলে, এ ভারত ভূমণ্ডলে,
 না রহিল অসাহ্য আমার ।
 আমি না করিতে যত্ন, মিলিল অনেক রত্ন,
 নাহি স্থল থুইতে ভাণ্ডার ॥
 নিশ্চয় আমারে যদি, কৃপা আছে গুণনিধি,
 সর্ব দ্রব্য রাখি কোন স্থলে ।
 শুনিয়া তোমার গুণে, ভূষিব অমর লোকে,
 দ্বিজহস্তে সমর্পি সকলে ॥
 পিতৃ আজ্ঞা হৈতে তার, স্বর্গ কাম নাহি করি
 তব পদান্বজে মাগি ভিক্ষা ।
 ওহে প্রভু মহাভুজে, শুনি তব মুখান্বজে,
 লইব যজ্ঞের আমি দীক্ষা ॥
 যদি লয় তব মন, আজ্ঞা কর জনার্দন,
 নিমন্ত্রিয়া আনি নৃপবর ।
 রাজার বিনয় শুনি, কোমল গভীর বাণী,
 আশ্বাসি কহেন গদাধর ॥
 এ মহীমণ্ডল মাঝ, যত আছে মহারাজ,
 তব গুণে বণ হবে সবে ।
 আনার পরম ভাগ্য, নিষ্কণ্টকে কর যজ্ঞ,
 রাজসূয় তোমারে সম্ভবে ॥
 আমি হৈতে যেই হয়, আজ্ঞা কর মহাশয়,
 আর যত আছে যতুগণ ।

ভ্রাতৃ মন্ত্রী বন্ধুমাঝে, যে কর্ম যাহার সাজে,
 স্থানে স্থানে করি আয়োজন ॥
 গোবিন্দের আজ্ঞা পেয়ে, ভূপতি মানন্দ হ'য়ে
 কৃতাজলি করেন স্তবন ।
 তখনি জানি যে আমি, যখন আইলা তুমি,
 মম বাঞ্ছা হইল সাধন ॥
 তোমাতে যে ভক্তি ঋদ্ধি, তত্ত্ব বাঞ্ছা কর সিদ্ধি
 তুমি ভক্তজনে কৃপাবান ।
 কাশীদাস বলে যদি, তরিবা এ ভবনদী,
 ভজ সাধু দেব ভগবান ॥

রাজসূয় যজ্ঞ প্রদর্শন ।

তবে যুধিষ্ঠির রাজা হয়ে হৃষ্টমন ।
 সহদেবে ডাকি আজ্ঞা করেন তখন ॥
 ধৌম্য পুরোহিত স্থানে জিজ্ঞাসহ আগে ।
 রাজসূয় যজ্ঞেতে যতেক দ্রব্য লাগে ॥
 যে কিছু কহেন ধৌম্য কর সমাবেশ ।
 দ্বিগুণ করিয়া দ্রব্য করহ বিশেষ ।
 দ্বিজ ক্ষত্র বৈশ্য শূদ্র এই চারি জাতি ।
 নিমন্ত্রিতে দূতগণ যাউক ঝটিতি ॥
 ইন্দ্রসেন বৃষক সারথি দম আদি ।
 তিন জন সংযোগে করহ ভক্ষ্যবিধি ॥
 চর্ব্ব চুষ্য লেহ পেয় কর বহুতর ।
 রস গন্ধ আদি যত রস মনোহর ॥
 যখন যে চাহে তাহা না করিবে আন ।
 শীত্ৰগতি নিয়োজন কর স্থানে স্থান ॥
 দ্বিজগণে নিমন্ত্রিতে সত্যবতী-সুত ।
 রাজ্যে রাজ্যে প্রেরণ করুন নিজ দূত ॥
 সহদেবে অনুজ্ঞা করেন নরপতি ।
 পুনরপি কৃষ্ণ অগ্রে জিজ্ঞাসে যুক্তি ॥
 আপনি বুঝিয়া আজ্ঞা কর নারায়ণ ।
 কোন্ কোন্ জনেরে করিব নিমন্ত্রণ ॥
 শ্রীকৃষ্ণ বলেন হরিশ্চন্দ্রের যে যাগ ।
 তাহা হৈতে বিশেষ করহ মহাভাগ ॥
 তাঁর যজ্ঞে আইল যে পৃথিবী রাজন্ ।
 ত্রিভুবন লোক তুমি কর নিমন্ত্রণ ॥

ইন্দ্র যম বরুণ কুবের আদি স্তরে ।
 আর যত দেবগণ বৈসে স্তরপুরে ॥
 পাতালেতে নাগরাজ শেষ বিষধর ।
 পৃথিবীতে বৈসে যত রাজ রাজ্যেশ্বর ॥
 যুধিষ্ঠির বলিলেন কর অবধান ।
 কোন্ দূত নিমন্ত্রিতে যাবে কোন্ স্থান ॥
 গোবিন্দ বলেন নাহি অশ্রের শক্তি ।
 দেব নিমন্ত্রিতে যাবে পার্থ মহারথী ॥
 অগ্নিদত্ত রথ যেই কপিধ্বজ নাম ।
 শ্বেত চারি অশ্ব যার লোকে অনুপম ॥
 সে রথের অগম্য নাহিক ত্রিভুবনে ।
 তিনলোকে ভ্রমিবারে পারে একদিনে ॥
 সেই রথে চড়ি পার্থ করহ গমন ।
 উত্তর দিকেতে গিয়া কর নিমন্ত্রণ ॥
 পর্বতে যে আছে রাজা কানন ভিতরে ।
 মনুষ্যের কি সাধ্য যাইতে পক্ষী নারে ॥
 সে সকল রাজারে করিবে নিমন্ত্রণ ।
 কৈলাস পর্বতে যাবে যথা বৈশ্রবণ ॥
 তাঁরে নিমন্ত্রিয়া তথা উপদেশ লবে ।
 মনুষ্য অগম্য স্বর্গ কেমনে যাইবে ॥
 ইন্দ্রসহ ইন্দ্রপুরে যত দেবগণ ।
 দেবঋষি ব্রহ্মঋষি বৈসে যত জন ॥
 সবে নিমন্ত্রিয়া যাও বরুণের পুরী ।
 তথা হৈতে যাও যথা মৃত্যু অধিকারী ॥
 তবে ধর্ম্মে আসিবেক ত্রৈলোক্যমণ্ডল ।
 বিশেষ তোমারে স্নেহ করে আখণ্ডল ॥
 ঋতিমাত্র যজ্ঞে করিবেন আগমন ।
 ইন্দ্র আইলে না আসে নাহি হেন জন ॥
 যারে দেখ তাহারে করিবে নিমন্ত্রণ ।
 লক্ষা গিয়া বিভীষণে করিবে বরণ ॥
 পরম বৈষ্ণব হয় রাক্ষসের পতি ।
 মম ভক্ত অনুরক্ত ধার্ম্মিক স্তমতি ॥
 বার্তা পেয়ে সেইক্ষণে পাঠাইবে চর ।
 দূতযুখে নিমন্ত্রিলে আসিবে সস্তর ॥
 তথাপি যাইবে তুমি অশ্রু নাহি কাজ ।
 ইন্দ্রের সৃদৃশ গণি রাক্ষসের রাজ ॥

নিমন্ত্রিয়া তুমি তারে আইস সস্তর ।
 আর যত ছুটপণা করে নৃপবর ॥
 নিমন্ত্রণ পেয়ে যে না আসিবে হেথায় ।
 বন্ধন করিয়া শীঘ্র আনিবেক তায় ॥
 আর তিন দিকেতে যাউক দূতগণ ।
 মহীপালগণেরে করুক নিমন্ত্রণ ॥
 এতেক বলেন যদি দেব দামোদর ।
 শীঘ্রগামী দূতগণে ডাকেন সস্তর ॥
 রাজগণে লিখিলেন যজ্ঞ বিবরণ ।
 দ্বিজ ক্ষত্র বৈশ্য শূদ্র আছে যত জন ॥
 নিজ নিজ রাজ্য হৈতে সকলে আসিবে ।
 রাজসূয় যজ্ঞে আসি উৎসব দেখিবে ॥
 এইরূপে তিন দিকে পাঠাইয়া দূত ।
 উত্তরে করেন যাত্রা স্বয়ং ইন্দ্রসুত ॥
 মহাভারতের কথা অমৃত সমান ।
 কাশীরাম দাস কহে শুনে পুণ্যবান ॥

রাজহুয় যজ্ঞ আরম্ভ ।

পাইয়া রাজার আজ্ঞা মদ্র-সুতাসুত ।
 আনাইল শিল্পিগণ পাঠাইয়া দূত ॥
 দেবের মন্দির স্বর্ণে রঞ্জিতে নির্ম্মিত ।
 হেম রত্ন মুকুতায় করিল মণ্ডিত ॥
 এক এক পুর মধ্যে শত শত ঘর ।
 তাহাতে রাখিল ভোজ্য পের বহুতর ॥
 আসন বসন শয্যা খুল গৃহে গৃহে ।
 বাগী কূপ জলপূর্ণ গন্ধে মন মোহে ॥
 কনক রজত পাত্রে করিতে ভোজন ।
 এক পুরে দূত নিয়োজিল শত জন ॥
 লক্ষ লক্ষ গৃহ আদি মনোহর স্থল ।
 নানা বৃক্ষ রোপিল সহিত ফুল ফল ॥
 দিব্য দিব্য গৃহ কৈল চারিজাতি ক্রম ।
 অপূর্ব নির্ম্মাণ কৈল লোকে মনোরম ॥
 হস্তী উষ্ট্র বৃষভ শকট লক্ষ লক্ষ ।
 বৃহৎ নৌকায় আসে যত দ্রব্য ভক্ষ্য ॥
 রাত্রি দিবা সায়ং প্রাতঃ নাহিক বিশ্রাম ।
 অনুক্ষণ আসিতেছে দ্রব্য অবিরাম ॥

ময় বিরচিত সভা অপূর্ব নির্মাণ ।
 সুরাসুর মুনি করে যাহার বাখান ॥
 তথিমধ্যে ধর্মরাজ যজ্ঞ আরম্ভিল ।
 দ্বিজ মুনিগণ সব দীক্ষা করাইল ॥
 আপনি ব্রহ্মহু করিলেন বৈশ্যায়ন ।
 সামগ হইল ধনঞ্জয় তপোধন ॥
 হইলেন হোতা পৈল আর দ্বিজগণ ।
 অন্ত অন্ত কর্মে অন্ত মুনি নিয়োজন ॥
 নকুলেরে কহিলেন ধর্ম নরপতি ।
 হস্তিনানগরে তুমি যাও শীঘ্রগতি ॥
 ভীষ্ম দ্রোণ জ্যেষ্ঠতাত বিদুর সহিত ।
 কুপ অশ্বখামা দুর্যোধন সমুহত ॥
 বাহ্লীক সঞ্জয় ভুরিশ্রবা সোমদত্ত ।
 শত ভাই কর্ণ সহ রাজা জয়দ্রথ ॥
 গান্ধারী প্রভৃতি রাজপত্নী সমুদয় ।
 আর যে আইসে স্নেহ করিয়া আমায় ॥
 শীঘ্রগতি গিয়া তুমি আনহ সবারে ।
 চলিল নকুল বীর হস্তিনানগরে ॥
 যজ্ঞের সংবাদ জানাইল সবাকারে ।
 বাল বৃদ্ধ নারী আদি যত কুরুপুরে ॥
 অন্তর্চিত হইয়া চলিল সর্বজন ।
 দ্বিজ ক্ষত্র বৈশ্য শূদ্র আদি প্রজাগণ ॥
 রাজসূয় যজ্ঞ শুনি আনন্দিত হৈয়া ।
 চলিল সকল লোক হস্তিনা ছাড়িয়া ॥
 হস্তী রথ অশ্ব পত্তি করিয়া সাজন ।
 চতুরঙ্গ দলেতে চলিল কুরুগণ ॥
 ইন্দ্রপ্রস্থে প্রবেশিল নকুল সহিত ।
 দেখি যুধিষ্ঠির জিজ্ঞাসিল হিতাহিত ॥
 ভীষ্ম দ্রোণ বিদুর বাহ্লীক অন্ধরাজে ।
 অগ্রসরি আনিলেন আপন সমাজে ॥
 সবারে কহেন পার্থ বিনয় বচন ।
 এ কার্য্য তোমার হেন কহে জনে জন ॥
 পিতামহে বলিলেন ধর্মের তনয় ।
 আপনি বিধান বুঝি কর মহাশয় ॥
 যুধিষ্ঠির ভীষ্ম সহ করিয়া বিচার ।
 উপযুক্ত বুঝিয়া দিলেন কর্মভার ॥

কর্তব্যাকর্তব্য ভীষ্ম দ্রোণে অধিকার ।
 দুর্যোধনে সমর্পিল সকল ভাণ্ডার ॥
 ভক্ষ্য ভোজ্য অধিকার দেন দুঃশাসনে ।
 ব্রাহ্মণ পূজার ভার গুরুর নন্দনে ॥
 রাজগণে অর্চিবৈ আপনি ধনঞ্জয় ।
 দ্বিজেরে দক্ষিণা দিতে কুপ মহাশয় ॥
 দান দিতে দিলেন কর্ণের অধিকার ।
 আপনি নিলেন কৃষ্ণ পরিচর্যা ভার ॥
 ধৃতরাষ্ট্র সোমদত্ত প্রদীপ-কোণ্ডর ।
 তিনজন গৃহকর্তা হৈল সর্বেশ্বর ॥
 সভা রাখিবারে দ্বারী কৈল নিয়োজন ।
 পূর্বদ্বারে নিয়োজিল মহারথিগণ ॥
 সহস্র সহস্র রথী সঙ্গে তরবার ।
 মহাবীর ইন্দ্রসেন রাখে পূর্বদ্বার ॥
 উত্তর দ্বারেতে অনিরুদ্ধে নিয়োজিল ।
 যোদ্ধা যাটি সহস্র তাহার সঙ্গে দিল ॥
 সাত্যকি দক্ষিণ দ্বারে কৈল নিয়োজন ।
 বিংশতি সহস্র রথী তাহার ভিড়ন ॥
 পশ্চিম দ্বারেতে বীর ধৃতরাষ্ট্র-সুত ।
 তার সঙ্গে দিল রথী যুগল অযুত ॥
 বলাবল বুঝিবারে রহে বৃকোদর ।
 এক লক্ষ রথী সঙ্গে ভ্রমে নিরন্তর ॥
 রাজগণ আগমন জ্ঞাত করিবারে ।
 অধিকার দিল দুই মাদ্রীর কুদারে ॥
 এইমত সবাকারে করি নিয়োজন ।
 আরম্ভ করেন যজ্ঞ ধর্মের নন্দন ॥
 দূত দ্বারা নিমন্ত্রণ পেয়ে রাজগণ ।
 সসৈন্তে করিল তবে তথা আগমন ॥
 দ্বিজ ক্ষত্র বৈশ্য শূদ্র ল'য়ে চারিজাতি ।
 স্ব স্ব রাজ্য হইতে আইল নরপতি ॥
 নানা বর্ণে নানা রত্ন যে রাজ্যে যে হয় ।
 পাণ্ডবের প্রীতি হেতু সঙ্গে করি লয় ॥
 কেহ কেহ নিজ নিজ পৌরুষ কারণ ।
 ধর্মযজ্ঞ বুঝি কেহ নিল বহু ধন ॥
 হস্তী অশ্ব বৃষভ শকট নৌকা পুরি ।
 নানাবর্ণে কত রত্ন লিখিতে না পারি ॥

ধত পীত লোহিত অমূল্য যত শিলা ।
 ণিক বৈদুৰ্য্যমণি মরকত নীলা ॥
 ষাল মুকতা হীরা স্ববর্ণ বিশাল ।
 ণা বর্ণ রসন বিবিধ বর্ণ শাল ॥
 নীটজ লোমজ নানাবর্ণে বিরচিত ।
 স্ত্রী অশ্ব রথ পত্তি গাভী অগণিত ॥
 তুর্দোল করি নিল দিব্যনারীগণ
 মাল শ্যামল অঙ্গ কুরঙ্গ-লোচন ॥
 গুরু চন্দন কাষ্ঠ কুঙ্কম কস্তুরী ।
 নাবর্ণ পক্ষী নিল পিঞ্জরেতে পূরি ॥
 ইমত কর ল'য়ে যত রাজগণ ।
 তমুখে শুনি মাত্র করিল গমন ॥
 তরে হিমাদ্রি পূর্ব্ব সমুদ্র অবধি ।
 ক্ষিণেতে লক্ষা পশ্চিমেতে সিন্ধু নদী ॥
 বানিশি পথ বহে নাহিক বিচার ।
 র্বলোক পৃথিবীর হৈল একাকার ॥
 ল স্থল উচ্চ নীচ নাহি দেখি ক্ষিতি ।
 বারাত্রি অবিশ্রাম লোক গতাগতি ॥
 হৃদিক হইতে আইল রাজগণ ।
 ভাঙ্গারে উপনীত হৈল সর্ব্বজন ॥
 ষাকারে অভ্যর্থনা করি ধনঞ্জয় ।
 ষাযোগ্য রহিবারে দিলেন আলয় ॥
 মাদ্রি সমুদ্র আদি যত দ্বিজ বৈসে ।
 ণনে না যায় কত অহরিশি আইসে ॥
 জসূয় যজ্ঞ বার্তা শুনিয়া শ্রবণে ।
 ণিতে আইল কত বিনা নিমন্ত্রণে ॥
 লবাসী স্থলবাসী পর্ব্বত-নিবাসী ।
 ক্ষ লক্ষ আইল তপস্বী সিদ্ধ ঋষি ॥
 গণপুত্র অশ্বখমা পূজে দ্বিজগণে ।
 ব্য গৃহ রহিবারে দিল সর্ব্বজনে ॥
 ক কোটি দ্বিজ অশ্বখমা-পরিবার ।
 জগণে পূজে সবে দিয়া উপহার ॥
 নেক আইল ক্ষত্র বহু বৈশ্যগণ ।
 নেক আইল শূদ্র শ্রেষ্ঠ যত জন ॥
 শাসন সহিত অনেক পরিবার ।
 কন করিল কোটি কোটি সুপকার ॥

করেন পরিবেশন বহু সুপকার ।
 গৃহে গৃহে স্থানে স্থানে রক্ষন ব্যাপার ॥
 স্থানে স্থানে ক্ষণে ক্ষণে ভ্রমে দুঃশাসন ।
 সামগ্রী যোগায় যত অনুচরগণ ॥
 পায়স পিষ্টক অন্ন দ্ব্যত দুগ্ধ দধি ।
 মনোহর পঞ্চাশ ব্যঞ্জন যথাবিধি ॥
 চারি জাতি পৃথক পৃথক সবে ভুঞ্জে ।
 স্ববর্ণের পাতে ভুঞ্জে যত নৃপ দ্বিজে ॥
 খাও খাও লও লও এইমাত্র শুনি ।
 কার' মুখে নাহি শুনি না পাইনু ধ্বনি ॥
 বিচিত্র পালঙ্ক শয্যা বসিতে আসন ।
 কুঙ্কম কস্তুরী মাল্য অগুরু চন্দন ॥
 কপূর তাম্বুল আর যার যাহে প্রীত ।
 কোথা হৈতে কেবা আনি দেয় আচম্বিত ॥
 স্বর্গে ইন্দ্র সহিত যতেক দেবগণ ।
 পাতালে ভুজঙ্গরাজ আর বিভীষণ ॥
 দেব দৈত্য দানব গন্ধর্ব্ব যক্ষ রক্ষ ।
 সিদ্ধ সাধ্য ভুজঙ্গ পিশাচ প্রেতপক্ষ ॥
 কিন্নর বানর নর যত বৈসে ক্ষিতি ।
 যজ্ঞের সদনে সবে আসে দিবারাতি ॥
 সময় বুঝিয়া কৃষ্ণ কহেন বচন ।
 রাজ অভিষেক কৰ্ম্ম কর মুনিগণ ॥
 শ্রীকৃষ্ণের বচনে উঠিল মুনিগণ ।
 নানা তীর্থজল ল'য়ে ধোম্য দ্বৈপায়ন ॥
 অসিত দেবল জামদগ্ন্য পরাশর ।
 স্নানমন্ত্র পড়ে আর যত দ্বিজবর ॥
 স্নান করাইল ব্যাস শুভক্ষণ জানি ।
 অস্নান বসন দিল চিত্ররথ আনি ॥
 শিরেতে ধবল ছত্র সাত্যকি ধরিল ।
 চেদীর ঈশ্বর ল'য়ে পাগ যোগাইল ॥
 বৃকোদর পার্থ দৌহে করেন ব্যজন ।
 চামর তুলায় দুই মাদ্রীর নন্দন ॥
 অবন্তীর রাজা চর্ম্ম পাছুকা লইল ।
 খড়্গ ছুরি লয়ে শল্য অগ্রে দাণ্ডাইল ॥
 চেকিতান শর ভূণ লইয়া বামেতে ।
 কাশীর ভূপাল ধনু ল'য়ে দক্ষিণেতে ॥

নারদাদি মুনি মুখে বেদ উচ্চারণ ।
 দ্বিজগণ স্বস্তি শব্দ পরশে গগন ॥
 গন্ধৰ্ব্বতে গীত গায় নাচয়ে অম্বরী ।
 পাঞ্চজন্ম পূরিলেন আপনি শ্রীহরি ॥
 শব্দের নিনাদ গিয়া গগন পূরিল ।
 যত যত জন ছিল ঢলিয়া পড়িল ॥
 বায়ুদেব পাণ্ডবেরা পাঞ্চাল-নন্দন ।
 সাত্যকি সহিত এই ছাড়ি অকুজ ॥
 শঙ্কনাদে মোহ হ'য়ে পড়িল ঢলিয়া ।
 ধন্বপুত্র নিবারণ করেন দেখিয়া ॥
 দ্বৈপায়ন আদি মুনি ধোম পুরোহিত ।
 অভিষেক করিলেন ঋদের বিহিত ॥
 সভাপর্ব সুধারস রাজসূয় কথা ।
 কাশীরাম দাস কহে ভারতে যে গাঁথা ॥

অৰ্জুনের নিমন্ত্রণ করিতে যাত্রা ।

জন্মোজয় বলে শুনিলাম সাধারণ ।
 কোন্ দিক হৈতে এল কোন্ কোনজন ॥
 কত সৈন্য এল তারা কি কর লইয়া ।
 পিতামহে কোনরূপে ভেটিল আসিয়া ॥
 দেব নিমন্ত্রিতে পার্থ করিলেন গতি ।
 কিরূপে আইল তথা দেব পশুপতি ॥
 বিস্তারিয়া কহ মুনি ভাঙ্গ মনোধন্ব ।
 পিতামহ চরিত্র অসৌম্য মকরন্দ ॥
 মুনি বলে নরপতি কর অবধান ।
 কিছু অল্প শুন কহি প্রধান প্রধান ॥
 যতেক পর্বত-পৃষ্ঠে যত রাজা বৈসে ॥
 সব নিমন্ত্রিয়ে যান পর্বত কৈলাসে ॥
 কুবেরেরে কহেন সকল বিবরণ ।
 ধর্ম রাজসূয় যজ্ঞ করিবে গমন ॥
 কুবের স্বীকার করে অৰ্জুন-বচনে ।
 যাইব তোমার যজ্ঞ সহ নিজগণে ॥
 কুবেরের বাক্যে প্রীত হইয়া অৰ্জুন ।
 সবিনয়ে কৃতাজ্জলি কহিছেন পুনঃ ॥
 ইন্দ্রের নিকটে যাব করিতে বরণ ।
 কোন্ পথে যাব, সঙ্গে দেহ জ্ঞাতজন ॥

কুবের করিল আজ্ঞা চিত্রসেন প্রতি ।
 অৰ্জুনের সঙ্গে যাও যথা সুরপতি ॥
 আজ্ঞামাত্র চিত্রসেন চলে শীঘ্রগতি ।
 কপিধ্বজ রথে বৈসে হইয়া মারথি ॥
 সেখান হইতে যান ইন্দ্রের নন্দন ।
 কতদূরে দেখিলেন হরের ভবন ॥
 জিজ্ঞাসেন ধনঞ্জয় এ কাহার পুরী ।
 চিত্রসেন বলে হেথা বৈসে ত্রিপুরারী ॥
 যজ্ঞ হেতু নিমন্ত্রণ কর ত্রিলোচনে ।
 সর্ব কার্য্য সিদ্ধ হবে হরের গমনে ॥
 এত শুনি অৰ্জুন নামিল রথ হৈতে ।
 উপনীত হইলেন হরের অগ্রেতে ॥
 হরের করেন স্তুতি কুন্তীর নন্দন ।
 হর বলিলেন বর মাগ যাহে মন ॥
 অৰ্জুন বলেন দেব ধর্ম্মের নন্দন ।
 তাঁর রাজসূয় যজ্ঞে করিবা গমন ॥
 হাসিয়া পার্বতী হর করেন স্বীকার ।
 এই চলিলাম আমি যজ্ঞেতে তোমার ॥
 শঙ্কর বলেন গিয়া হইব সহায় ।
 নির্বিঘ্নে তোমার যজ্ঞ সাঙ্গ যেন হয় ॥
 পার্বতী বলেন যাব যজ্ঞের সদনে ।
 যজ্ঞেতে আসিবে যত বৈসে ত্রিভুবনে ॥
 সব সুখী হইবেক প্রসাদে আমার ।
 অন্নপূর্ণা নাম মম বিখ্যাত সংসার ॥
 এই নাম ল'য়ে তব সুপ্কারগণ ।
 অন্ন দ্রব্যে সুতৃপ্ত করুক বহুজন ॥
 হর পার্বতীর বর পেয়ে ধনঞ্জয় ।
 প্রণমিয়া চলিলেন সানন্দ হৃদয় ॥
 চিত্রসেন বাহে রথ পবন গমনে ॥
 ক্ষণমাত্র উপনীত ইন্দ্রের ভবনে ॥
 প্রণাম করেন পার্শ্ব ভূমিষ্ঠ হইয়া ।
 ইন্দ্র পার্শ্বে আলিঙ্গন দিলেন উঠিয়া ॥
 আপনার কোলে বসাইয়া দেবরাজ ।
 জিজ্ঞাসেন কহ তাত কি তোমার কাজ ॥
 অৰ্জুন বলেন দেব তোমাতে গোচর ।
 রাজসূয় করিয়াছেন ধর্ম্ম নরবর ॥

সেই যজ্ঞে অধিষ্ঠান হইয়া আপনি ।
 আর যত স্বর্গপুরে বৈসে সিদ্ধ মুনি ॥
 ইন্দ্র বলিলেন যজ্ঞে করি আগুসার ।
 তুমি না আসিতে পূর্বের করেছি বিচার ॥
 এই দেখ স্তম্ভজ যতেক দেবগণ ।
 গারি মেঘ অষ্ট হস্তী সকল পবন ॥
 যর্গের যতেক দ্রব্য পৃথিবী ভুল্লভ ।
 তব যজ্ঞ হেতু দেখ সাজাইল সব ॥
 এই আমি চলিলাম যজ্ঞের সদন ।
 তুমি যাও অশ্বজনে কর নিমন্ত্রণ ॥
 অশ্বযুগে শুনি পার্থ আনন্দিত মন ।
 প্রণমিয়া অশ্বদিকে করেন গমন ॥
 পৃথিবী দক্ষিণে সূর্য্যস্থতের ভবন ।
 তথাকারে চলিলেন ইন্দ্রের নন্দন ॥
 ত্র্যম্বক বহে রথ পবনের গতি ।
 হুর্ন্তেকে উত্তরিল যথা প্রেতপতি ॥
 প্রণমিয়া বসিলেন অর্জুন সভায় ।
 শীঘ্র করিয়া যম জিজ্ঞাসেন তায় ॥
 কান্ হেতু হেথায় তোমার আগমন ।
 করিব প্রিয় তব ইন্দ্রের নন্দন ॥
 অর্জুন বলেন দেব কর অবধান ।
 রাজসূয় যজ্ঞেতে হইবে অধিষ্ঠান ॥
 তোমার পুরীতে নিবসয়ে যত জন ।
 বাকারে ল'য়ে যজ্ঞে করিবা গমন ॥
 শীকার করেন যম পার্থের বচনে ।
 নরপি জিজ্ঞাসেন অর্জুন শমনে ॥
 রিদ কহেন তবে সভার কথন ।
 বসে এখানে মর্ত্তে মরেশ্বতজন ॥
 নিম্নাছি প্রত্যেক পিতার বিবরণ ।
 এই বার্তা পেয়ে রাজসূয় আরম্ভন ॥
 এখন সে সব জনে নাহি দেখি কেনে ।
 পিতা আদি আমার আছেন কোনখানে ॥
 গিয়া বলেন যম তবে অর্জুনেজ্ঞে ।
 মরিল তাহারে দেখিবা কি প্রকারে ॥
 গবে মূর্ত্তে কোথাও নাহিক দরশন ।
 গিয়া বিস্ময়াপন্ন হৈলেন অর্জুন ॥

যমে নিমন্ত্রিয়া তথা পাইয়া মেলানি ।
 বরুণ আলায়ে যান বীর চুড়ামণি ॥
 পশ্চিম দিকেতে জনপতির আলায় ।
 তথাকারে চলিলেন বীর ধনঞ্জয় ॥
 বরুণেরে কহেন যজ্ঞের বিবরণ ।
 ধর্ম্ম যজ্ঞস্থানে তুমি করিবা গমন ॥
 তোমার পুরেতে আর যত জন বৈসে ।
 সবাকৈ লইয়া সঙ্গে যাবে মম বাসে ॥
 বরুণ বলিল যজ্ঞে করিব গমন ।
 যজ্ঞেতে লইব পুরে আছে যত জন ॥
 কেবল দানব দৈত্য নাহি অধিকার ।
 যত যত জন আছে আলায়ে আমার ॥
 তাহা সব লইবারে যদি আছে মন ।
 আপনি তথায় গিয়া কর নিমন্ত্রণ ॥
 বরুণের বচনে গেলেন ধনঞ্জয় ।
 কতদূরে ভেটিল দানবরাজ ময় ॥
 ময় জিজ্ঞাসিলে পার্থ কহিল সকল ।
 পূর্ব উপকার স্মরি স্বীকার করিল ॥
 এখানে নিবসে দৈত্য যতেক দানব ।
 বলেন আমার যজ্ঞে ল'য়ে যাবে সব ॥
 এত শুনি ময় তারে বলিল বচন ।
 সবারে লইয়া যজ্ঞে করিব গমন ॥
 তুমি চলি যাও, যথা আছে প্রয়োজন ।
 শুনিয়া অর্জুন করিলেন আলিঙ্গন ॥
 তথা হৈতে যান পার্থ পৃথিবী দক্ষিণে ।
 লঙ্কাপুরে নিমন্ত্রিতে রাজা বিভীষণে ॥
 ইন্দ্র যমপুরী যেন বিচিত্র নিশ্চান ।
 রাক্ষসের লঙ্কাপুরী তাহার সমান ॥
 সিংহাসনে বসেছিল রাক্ষস ঈশ্বর ।
 প্রণাম করেন গিয়া ইন্দ্রের কোণ্ডর ॥
 জিজ্ঞাসেন বিভীষণ তুমি কোন জন ।
 প্রত্যক্ষ সকল কথা কহেন অর্জুন ॥
 রাজসূয় যজ্ঞ করেছেন যুধিষ্ঠির ।
 তোমা নিমন্ত্রিতে কহিলেন যদুবীর ॥
 অর্জুনের মুখে শুনি হৃষ্টচিত্ত হইয়া ।
 বসাইল ধনঞ্জয়ে আলিঙ্গন দিয়া ॥

তব যজ্ঞে যাইব দেখিব নারায়ণ ।
সঙ্গেতে লইব পুরে বৈসে যত জন ॥
বিভীষণে নিমন্ত্রিয়া ইন্দ্রের কুমার ।
ইন্দ্রপ্রস্থে ফিরিয়া গেলেন আরবার ॥
রাজগণ নিমন্ত্রিতে দূতগণ গেল ।
শ্রুতমাত্র নৃপগণে সকল আইল ॥
দূতবাক্য হেলা করি না আসে যে জন ।
অর্জুন আনেন তারে করিয়া বন্ধন ॥
সভাপর্ব স্থধারস রাজসূয় কথা ॥
কাশীরাম দাস কহে স্থধাসিন্ধু গাঁথা ॥

পাতালে পার্শ্বের যাত্রা ।

অর্জুনেরে জিজ্ঞাসেন দেব নারায়ণ ।
বল কারে কারে করিলা হে নিমন্ত্রণ ॥
শুনিয়া অর্জুন নিবেদিলেন যতেক ।
পুস্তক বাহুল্য হয় লিখিলে ততেক ॥
করিলেন কুবের আদিকে নিমন্ত্রণ ।
প্রত্যেক বৃত্তান্ত সব কহেন অর্জুন ॥
গোবিন্দ বলেন যাও পাতাল ভুবন ।
শেষ নাগরাজে গিয়া কর নিমন্ত্রণ ॥
স্বর্গে ইন্দ্র দেবরাজ পাতালে বাসুকী ।
তোমা বিনা অন্তে যায় এমন না দেখি ॥
বাসুকী আইলে যজ্ঞ হইবে সম্পূর্ণ ।
বিলম্ব না কর সখা যাও তুমি পুনঃ ॥
গোবিন্দের বচনে বিলম্ব না করিয়া ।
পাতালে গেলেন পার্শ্ব রথে আরোহিয়া ॥
উপস্থিত হইলেন নাগের আশ্রয় ।
চৌদিকে বেষ্টিত ফণী শেষ মহাশয় ॥
দশ শত ফণা ধরে মস্তক উপর ।
তিন শত ফণাতে শোভিত চরাচর ॥
কূর্ম্মপৃষ্ঠে উপবিষ্ট বেষ্টিত রতন ।
উজ্জ্বল করিয়া সবে পাতাল ভুবন ॥
নাগরাজে প্রণাম করেন ধনঞ্জয় ।
করঘোড় করিয়া কহেন সবিনয় ॥
শেষ জিজ্ঞাসেন কেন তব আগমন ।
প্রত্যক্ষ কহেন পার্শ্ব সর্ব বিবরণ ॥

রাজসূয় নিমিত্ত তোমার নিমন্ত্রণ ।
স্বররাজ সহিত আসিবে সর্বজন ॥
ব্রহ্মা শিব ইন্দ্র আদি যত দিকপতি ।
সেই যজ্ঞে অধিষ্ঠান হবেন সম্প্রতি ॥
সেই হেতু আইলাম তোমার ভবন ।
রাজসূয় মহাযজ্ঞে করিবা গমন ॥
হাসিয়া কহেন শেষ শুন ধনঞ্জয় ।
তব যজ্ঞে আছেন গোবিন্দ মহাশয় ॥
হর্ভা কর্তা সেই প্রভু বিধি বিধাতার ।
সর্ব যজ্ঞ ফল পায় দর্শনে যাহার ॥
যথা কৃষ্ণ তথায় অছয়ে সর্বজন ।
ব্রহ্মা আদি শিব যত দিকপালগণ ॥
অকারণ আমা সবাকারে নিমন্ত্রণ ।
সেই কৃষ্ণে ভালমতে করহ অর্চন ॥
সকল হইবে তুষ্ট তাঁরে তুষ্ট কৈলে ।
সুখ পায় শাখা, জল দিলে বৃক্ষমূলে ॥
অর্জুন বলেন দেব কর অবধান ।
যতেক কহিলা তুমি বেদের প্রমাণ ॥
নিজ বশ নহি সবে তাঁর মায়াবন্ধ ।
জানিয়া শুনিয়া পুনঃ হয় মায়াবন্ধ ॥
পুনঃ নাগরাজ বলে অর্জুনে চাহিয়া ।
আইলে আমারে নিতে কিছু না জানিয়া ॥
মস্তক উপরে আমি ধরি যে সংসার ।
আমি গেলে যজ্ঞে কে ধরিবে ক্ষিতিভার ॥
অর্জুন বলেন কৃষ্ণ কহেন আমারে ।
যজ্ঞপূর্ণ হবে তুমি গেলে তথাকারে ॥
ক্ষিতিভার হেতু যদি করহ বিচার ।
তুমি যাও আমি লব পৃথিবীর ভার ॥
এত শুনি বিস্ময় মানিয়া বিষধর ।
হাসিয়া অর্জুন প্রতি করিল উত্তর ॥
পৃথিবী ধরিবে হেন করিলে স্বীকার ।
পৃথিবী ছাড়িছু বাক্য পাল আপনার ॥
এত শুনি ধনঞ্জয় লইয়া গাণ্ডীব ।
করঘোড়ে প্রণমিয়া শিবদাতা শিব ॥
ভক্তিভাবে কৃষ্ণনাম করিয়া স্মরণ ।
শিরে দ্রোণাচার্য্য পদ করিয়া বন্দন ॥

অদ্ভুত স্তম্ভন অস্ত্র ভুগ হৈতে লৈয়া ।
 যুড়েন গাণ্ডীবে ক্ষিতি অস্ত্রে বসাইয়া ॥
 ধরেন ধরণী শেষ স্বতন্ত্র হইল ।
 দেখিয়া সকল নাগ অদ্ভুত মানিল ॥
 তবে শেষ যত নাগ লইয়া সংহতি ।
 রাজসূয় যজ্ঞস্থানে গেল শীঘ্রগতি ॥
 বাসুকী অনন্ত আর তক্ষক কোঁরব ।
 ধৃতরাষ্ট্র নহব কর্কট জরদগব ॥
 কোপন কালীয় একপর্ণ ধনঞ্জয় ।
 অজ্যক উগ্রক দুষ্ক রাষ্ট্র মহাশয় ॥
 পুত্র পৌত্র সহিত চলিল লক্ষ লক্ষ ।
 দেখিয়া সকল লোক মানিল অশক্য ॥
 পাঁচ সাত শির কার' ঘট সপ্ত শত ।
 সহস্র মস্তক কার' আকার পর্বত ॥
 নিজ পরিবারে মিলি চলে ফণীরাজ ।
 হেথায় সুরেন্দ্রালায়ে দেবের সমাজ ॥
 ঐরাবত আরোহণ বজ্র শোভে করে ।
 মাতলি ধরিছে ছত্র মস্তক উপরে ॥
 অষ্টবহু নবগ্রহ অশ্বিনীকুমার ।
 দ্বাদশ আদিত্য রুদ্রে একাদশ আর ॥
 উনপঞ্চাশ বায়ু সপ্তবিংশ হুতাশন ।
 যজ্ঞ মন্ত্র পুরোধা দক্ষিণা দণ্ড ক্ষণ ॥
 যোগ তিথি করণ নক্ষত্র রাশিগণ ।
 চারিমেঘ বিদ্যুৎ সহিত সৈন্যগণ ॥
 গন্ধর্ব্ব কিন্নর যত অঙ্গরী অঙ্গর ।
 দেবঋষি ব্রহ্মঋষি চলিল বিস্তর ॥
 বশিষ্ঠ পৌলস্ত্য ভৃগু পুলহ অঙ্গিরা ।
 পরাশর ক্রতু দক্ষ লোমশ সুধীরা ॥
 অসিতদেবল কোণ্ড শূক সনাতন ।
 মার্কণ্ড মাণ্ডব্য ধ্রুব জয়ন্ত কোপন ॥
 ইত্যাদি অনেক ঋষি ইন্দ্রপুরে থাকে ।
 ইন্দ্রসহ যজ্ঞস্থানে চলে লাখে লাখে ॥
 চড়িয়া পুষ্পক রথে ধনের ঈশ্বর ।
 সঙ্গিতে চলিল যক্ষ গন্ধর্ব্ব কিন্নর ॥
 ফলকর্ণ ফলোদক চিত্রক লোত্রক ।
 লিখনে না যায় যত চলিল গুহক ॥

য়তাচী উর্ব্বশী চিত্রা রজ্জা চিত্রসেনী ।
 চারুনেত্রা মিত্রকেনী বৃন্দবৃন্দা মোহিনী ॥
 চিত্ররেখা অলম্বা সুরভী নমাচী ।
 পোনিকা কদম্বা অশ্মা শূদ্রা রুচি শুচি ॥
 লক্ষ লক্ষ বিদ্যাধরী নৃত্য গীত নাদে ।
 কুবেরের সঙ্গে সবে চলিল আহ্লাদে ॥
 যজ্ঞ দেখিবারে চলে যত মহীধর ।
 হিমাঙ্গি কৈলাস শ্বেত নীল গিরিবর ॥
 কালগিরি হেমকূট মন্দর মৈনাক ।
 চিত্রগিরি রামগিরি গোবর্দ্ধন শাখ ॥
 চিত্রকূট বিষ্ণু গন্ধমাদন স্তবল ।
 ঋষ্যশৃঙ্গ শতশৃঙ্গ মহেন্দ্র ধবল ॥
 রৈবতক যত গিরি গিরি মুনি শিল ।
 কামগিরি খণ্ডগিরি গিরিরাজ নীল ॥
 লক্ষ লক্ষ পর্বত দেবের রূপ ধরি ।
 যক্ষরাজ সহ গেল যজ্ঞ অনুসরি ॥
 বরুণ চলিল নিজ অমাত্য সহিত ।
 মূর্ত্তিমন্ত সপ্তসিন্ধু যতেক সরিৎ ॥
 গঙ্গা সরস্বতী শোণ দিনকর স্ততা ।
 চিত্রপালা প্রেতা বৈতরণী পুণ্যযুতা ॥
 চন্দ্রভাগা গোদাবরী সরযু লোহিতা ।
 দেবনদী মহানদী মুদারী সহিতা ॥
 ভৈরবী ভারবী নদী ভদ্রা বহুমতী ।
 মেঘবতী গোমতী আর যে সৌরবতী ॥
 নর্মদা অজয় ব্রাহ্মী ব্রহ্মপুত্র অংশ ।
 তমূল কমলা বিষ কোলামুক বংশ ॥
 গণ্ডকী নর্মদা যল্লু সিন্ধু করতোয়া ।
 স্বর্ণরেখা পদ্মাবতী শত লোকত্রয়া ॥
 বুঝবুমী কালিন্দী দামোদর গিরিপুরী ।
 সিন্ধু ও কাবেরী ভদ্রা নদী গোদাবরী ॥
 ইত্যাদি অনেক নদী নদ সরোবর ।
 বাপ্পী হ্রদ তড়াগ ধরিয়া কলেবর ॥
 যজ্ঞস্থানে গেল সবে বরুণ সংহতি ।
 মহিষ বাহনেতে চলিল প্রেতপতি ॥
 পিতৃগণ দূতগণ দণ্ড যত্ন পাশ ।
 আইল অমরবর্গ যুড়িয়া আকাশ ॥

অদ্ভুত দ্বাপর যুগে হৈল যজ্ঞরাজ ।
 না হইল কভু যাহা অবনীর্ মাঝ ॥
 মনু আদি করি রাজা না যায় লিখন ।
 যযাতি নহুং রঘু মাঙ্কাতা ভ্রমণ ॥
 ইত্যাদি অনেক হৈল চন্দ্র সূর্য্যকূলে ।
 রাজন্য অশ্বমেধ করিল বহলে ॥
 উদ্দেশ্যেতে যেই দেবে করে আরাধন ।
 কর ল'য়ে আইলেন সেই দেবগণ ॥
 মহেশ পার্বতী দৌহে করেন গমন ।
 অলক্ষিতে রূপ নাহি দেখে কোনজন ॥
 নক্ষিণে ত্রিশূল শিরে শোভে জটাজাল ।
 চরণ পরশে দাড়ি বামকরে তাল ॥
 এইরূপে সদাশিব সবাকারে রাখে ।
 যতদূর যজ্ঞস্থল সব ঠাঞি থাকে ॥
 বত বত জন এল যজ্ঞের সদনে ।
 ছায়াৰূপে অন্নদা তোষেন সর্ব্বজনে ॥
 যার যেই বাঞ্ছা তারে আপনি যোগায় ।
 যে দ্রব্য তাহার ইচ্ছা সেইক্ষণে পায় ॥
 অশ্ব আরোহণে করে খর করবাল ।
 উনকোটি দামা ল'য়ে এল ক্ষেত্রপাল ॥
 শতকোটি দৈত্য ল'য়ে এল দৈত্য ময় ।
 ছয় সহোদর এল বিনতাতনয় ॥
 দেব দৈত্য নাগ যক্ষ এল সর্ব্বজনে ।
 প্রজাপতি আইলেন হংস আরোহণে ॥
 অন্তরীক্ষে থাকিয়া দেখেন চতুর্মুখ ।
 প্রজাপতিগণ সহ যজ্ঞের কৌতুক ॥
 মহাভারতের কথা অমৃত সমান ।
 কাশীরাম দাস কহে শুনে পুণ্যবান ॥

— — —
 ভ্রূপদ রাজার আগমন ।

দুত্মুখে বার্তা পেয়ে পাঞ্চালাধিকারী ।
 হুহিতা হইবে মম রাষ্ট্র পাটেশ্বরী ॥
 ধৃষ্টদ্যুম্ন শিখণ্ডী হরিষ বড় চিত ।
 বজ্র অঙ্গ দ্রব্য সব সাজায় ত্বরিত ॥
 অনেক আইল দাস দাসী সমুদয় ।
 সহস্রেক দাসী নিল মনোরম কায ॥

যুগল সহস্র বাজী গতি বায়ু সম ।
 বহু বহু দ্রব্য নিল বাছিয়া উত্তম ॥
 সর্ব্ব রাজ্য দিব হেন বিচারিল মনে ।
 সহ দারা চলে রাজা যজ্ঞের সদনে ॥
 চতুরঙ্গ দলে আর প্রজা চারি জাতি ।
 নানা বাণ শব্দেতে স্তম্ভিত বনুমতী ॥
 ইন্দ্রপ্রস্থে উপনীত হৈল পূর্ব্বদ্বারে ।
 বেত্র দিয়া ইন্দ্রসেন রাখিল তাহারে ॥
 রহ রহ ক্ষণেক পাঞ্চাল অধিকারী ।
 রাজাজ্ঞা পাইলে দ্বার ছাড়িবারে পারি ॥
 এক্ষণে আসিবে সহদেব ধনুর্ধর ।
 তার হাতে বার্তা দিব রাজার গোচর ॥
 ইন্দ্রসেন বচনে রহিল নৃপবর ।
 হেনকালে আইলেন মাদ্রীর কোঙর ॥
 ভ্রূপদে দেখিয়া গেল রাজার গোচর ।
 ধর্ম্মরাজে জানাইল শিরে দিয়া কর ॥
 বহু রত্ন আনিল অনেক দাসী দাস ।
 অশ্ব হস্তী উট খর নানাবর্ণ বাস ॥
 আজ্ঞা পেলে আসিয়া করিবে দরশন ।
 শুনিয়া দিলেন আজ্ঞা ধর্ম্মের নন্দন ॥
 হস্তী অশ্ব পশু আদি যত রত্নধন ।
 চুর্য্যোধন ভাগুরীকে কর সমর্পণ ॥
 দাস দাসী সমর্পহ দ্রৌপদীর স্থানে ।
 পুত্র সহ হেথা ল'য়ে আইস রাজনে ॥
 আজ্ঞা পেয়ে সহদেব করিল তেমনি ।
 যেইমত কহিয়াছিলেন নৃপমণি ॥
 সপুত্র ভিতরে গেল পাঞ্চাল ঈশ্বর ।
 সঙ্গিতে চলিল জনকত নৃপবর ॥
 ঘটোৎকচ মহাবীর হিড়িম্বা-ভনয় ।
 যজ্ঞের পাইয়া বার্তা মানন্দ হৃদয় ॥
 হিড়িম্বক বনেতে তাহার অধিকার ।
 তিন লক্ষ রাক্ষস তাহার পরিবার ॥
 হয় হস্তী রথেতে করিয়া আরোহণ ।
 বজ্র হেতু নানা রত্ন করিয়া সাজন ॥
 নানা বাদ্য উপনীত যজ্ঞের সদন ।
 অদ্ভুত রাক্ষসী মায়া করিয়া রচন ॥

ধবল মাতঙ্গ পৃষ্ঠে করি আরোহণ ।
 ঐরাবত পৃষ্ঠে যেন সহস্রলোচন ॥
 মাথায় মুকুট মণি রত্নেতে মণ্ডিত ।
 সারি সারি শ্বেত ছত্র শোভে চতুর্ভিত ॥
 কৃষ্ণ শ্বেত চামর ঢুলায় শত শত ।
 পার্শ্বতীয় হস্তী অশ্ব নানাবর্ণ রথ ॥
 উত্তর দ্বারেতে উপনীত ভীমসুত ।
 চতুর্দিকে হুড়াহুড়ি দেখিয়া অদ্ভুত ॥
 কেহ বলে ইন্দ্র চন্দ্র কিবা প্রেতপতি ।
 অরুণ বরুণ কিবা কোন্ মহামতি ॥
 কেহ বলে দেবরাজ এ যদি হইত ।
 সহস্রলোচন তবে অঙ্গেতে থাকিত ॥
 কেহ বলে এ যদি হইত শমন ।
 গজ না হইয়া হৈত মহিষবাহন ॥
 বরুণ হইলে হৈত বাহন মকর ।
 মপ্ত অশ্ব রথ হৈত হৈলে দিবাকর ॥
 এত বলি লোক সব করিছে বিচার ।
 গজ হৈতে নামিলেক হিড়িম্বা কুমার ॥
 প্রবেশ হইতে তারে রাখিল দ্বারেতে ।
 জিজ্ঞাসিল কে তুমি আইলা কোথা হ'তে ॥
 পরিচয় দেহ, বার্তা জানাই রাজারে ।
 রাজাজ্ঞা পাইলে পাবে যাইতে ভিতরে ॥
 ঘটোৎকচ বলে আমি ভীষ্মের অঙ্গজ ।
 হিড়িম্বার গর্ভে জন্ম নাম ঘটোৎকচ ॥
 এত শুনি অনিরুদ্ধ কৈল সম্ভাষণ ।
 রহিতে উত্তম স্থান দিল ততক্ষণ ॥
 ধর্ম আজ্ঞা করিলেন আন শীঘ্রগতি ।
 জননী পাঠাও তার যথায় পার্শ্বতী ॥
 যত দ্রব্য আনিল সমর্প ছুর্যোধনে ।
 আজ্ঞা পেয়ে সহদেব গেল ততক্ষণে ॥
 হিড়িম্বারে পাঠাইল স্ত্রীগণ ভিতর ।
 ঘটোৎকচে ল'য়ে গেল রাজার গোচর ॥
 হিড়িম্বা দেখিয়া চমকিত অন্তঃপুরী ।
 রূপেতে নিন্দিত যত স্বর্গ বিদ্যাধরী ॥
 অলঙ্কারে বিভূষিতা অনিন্দিত অঙ্গ ।
 বনা মেঘে স্থির যেন তড়িত তরঙ্গ ॥

কুন্তীর চরণে গিয়া প্রণাম করিল ।
 আশীর্বাদ করি কুন্তী বসিতে বলিল ॥
 যথায় দ্রৌপদী ভদ্রা রত্ন সিংহাসনে ।
 হিড়িম্বা বসিল গিয়া তার মধ্যস্থানে ॥
 অহঙ্কারে দ্রৌপদীরে সম্ভাষ না কৈল ।
 দেখিয়া পার্শ্বতী দেবী অন্তরে কুপিল ॥
 কৃষ্ণ বলে নহে দূর খলের প্রকৃতি ।
 আপনি প্রকাশ হয় যার যেই রীতি ॥
 কি আহার কি আচার কোথায় শয়ন ।
 কোথায় থাকিস তোর না জানি কারণ ॥
 পূর্বে শুনিয়াছি আমি তোর বিবরণ ।
 তোর সহোদরে ভীম করিল নিধন ॥
 ভ্রাতৃবৈরী জনে কেহ না দেখে নয়নে ।
 কামাতুর হয়ে তো ভজিলি হেন জনে ॥
 সতত ভ্রমিস্ তুই যথা লয় মন ।
 একে কু-প্রকৃতি আর নাহিক বারণ ॥
 স্থানে স্থানে বেড়াস্ ভ্রমরে যেন গধু ।
 সমামধ্যে বসিলি হইয়া কুলবধু ॥
 মর্যাদা থাকিতে কেন না যাস্ উঠিয়া ।
 আপন সদৃশ স্থানে তুমি বৈস গিয়া ॥
 কুপিল হিড়িম্বা দ্রৌপদীর বাক্যজালে ।
 দুই-চক্ষু রক্তবর্ণ কৃষ্ণা প্রতি বলে ॥
 অকারণে পাঞ্চালি করিস্ অহঙ্কার ।
 পরে নিন্দ, নাহি দেখ ছিদ্র আপনার ॥
 তোমার জনকে পূর্বে জানে সর্বজন ।
 বান্ধিয়া আনিয়া পার্থ করিল লাঞ্ছনা ॥
 যেই জন করিলেক এত অপমান ।
 কোন্ লাজে হেন জনে দিল কন্যাদান ॥
 আমি যে ভজিছু ভীমে দৈবের নির্বন্ধ ।
 পশ্চাৎ আমার ভাই করিলেক দ্বন্দ্ব ॥
 সহিতে না পারি মৈল করি বীরকর্ম ।
 বীরধর্ম করিল লোকেতে অনুপম ॥
 শত্রুরে যে ভজে তারে বলি ক্লীবজন্ম ।
 সংসারে বিখ্যাত তোর জনকের কর্ম ॥
 আমার সপত্নী তুমি, আমি না তোমার ।
 তোর বিবাহের অগ্রে বিবাহ আমার ॥

জেন কুন্তী ঠাকুরাণীর নন্দন ।
 পুত্র আছি বধু ত্রয়োদশ জন ॥
 স্বৰ্গ্য ভূঞ্জহ অৰ্দ্ধ তুমি স্বতন্তুরা ।
 দশ জনেতে অৰ্দ্ধ নাহি দেখি মোরা ॥
 খাপি আমারে দেখি অঙ্গ হৈল জ্বরা ।
 হেতু নিন্দিস্ মোরে বলি স্বতন্তুরা ॥
 মম হিড়িম্বক ধনের ঈশ্বর ।
 ভগ্নহে থাকিলে নাহি যে স্বতন্তুর ॥
 ল্যকালে কন্যা রক্ষা করয়ে জনকে ।
 রাঁকে যৌবনকালে স্বামী সদা রাখে ॥
 যকালে পুত্র রাখে আছে নিরূপণ ।
 শম আমার পুত্র পৃথিবী পূজন ॥
 তুলের রাজ্য মণ্ডে হইয়া ঈশ্বর ।
 হবলে শাসিল যতেক নিশাচর ॥
 মরু অবধি বৈসে যতেক রাক্ষস ।
 কেশ্বর মম পুত্র সব কৈল বশ ॥
 জম্বু যজ্ঞবর্তী লোকমুখে শুনি ।
 তক রাক্ষসগণ করে কাণাকাণি ॥
 তক রাক্ষস বৈরী পাণ্ডুপুত্রগণ ।
 সবে যজ্ঞ নষ্ট করিব এখন ॥
 মুখে শুনিল কুচক্রী যত জন ।
 করি সবারে করিল বন্ধন ॥
 গৌহপাশে বান্ধিয়া রাখিল কারাগারে ।
 বৎ সারিয়া যজ্ঞ না আইসে ঘরে ॥
 যত পৃথিবীতে বৈসে নিশাচর ।
 যারে জিনিয়া বলে আনিলেক কর ॥
 তেক হিড়িম্বা যদি কৈল কটুত্তর ।
 হিতে লাগিলা কৃষ্ণা কুপিত অন্তর ॥
 নঃ পুনঃ যতেক কহিস পুত্রকথা ।
 ভ্রের করহ গৰ্ব্ব খাও পুত্রমাথা ॥
 গের একাঘী অস্ত্র বজ্রের সমান ।
 যত যাত্তে তোর পুত্র ত্যজিবেক প্রাণ ॥
 ভ্রের শুনিয়া শাপ হিড়িম্বা কুপিল ।
 হুঁকা হয়ে হিড়িম্বা কুণ্ডারে শাপ দিল ॥
 নদোষে আমার পুত্রে দিলে তুমি শাপ ।
 মিও পুত্রের শোকে পাবে বড় তাপ ॥

যুদ্ধ করি মরে ক্ষত্র যায় স্বৰ্গবাস ।
 বিনা যুদ্ধে তোর পঞ্চপুত্র হবে নাশ ॥
 এত বলি ক্রোধ করি হিড়িম্বা চলিল ।
 আপনি উঠিয়া কুন্তী দৌহে শান্তাইল ॥
 মহাভারতের কথা স্বধামিন্ধু প্রায় ।
 পাঁচলী প্রবন্ধে কাশীরাম দাস গায় ॥

বিভীষণের অপমান ।

পার্থমুখে বার্তা পেয়ে রাক্ষস ঈশ্বর ।
 হরষিতে রোমাঞ্চিত হৈল কলেবর ॥
 যেই কথা অনুক্ষণ কহে মুনিগণ ।
 বসুদেব-গৃহে জন্মিলেন নারায়ণ ॥
 নিরন্তর চিত্ত ব্যাগ্র য়ারে দেখিবারে ।
 আপনি ডাকেন তিনি দয়া করি মোরে ॥
 সৰ্ব্ব তত্ত্ব অন্তর্যামী ডকতবৎসল ।
 অনুগত জনে দেন মনোমত ফল ॥
 তাঁর অনুগত আমি বুঝিই কারণ ।
 করিলেন নিজ ভক্ত বলিয়া স্মরণ ॥
 এত ভাবি বিভীষণ হৃদচিহ্ন হৈয়া ।
 যতেক স্নহদগণে আনিল ডাকিয়া ॥
 শীঘ্রগতি সজ্জা কর নিজ পরিবারে ।
 আমার সহিত চল কৃষ্ণে ভেটিবারে ॥
 দিব্য রত্ন আছে যত আমার ভাণ্ডারে ।
 বহু ধন রত্ন লও দিব দামোদরে ॥
 এত বলি রথে আরোহিল লক্ষেশ্বর ।
 সঙ্গেতে চলিল লক্ষ লক্ষ নিশাচর ॥
 বাজায় বিবিধ বাগ রাক্ষসী বাজনা ।
 শত শত শ্বেতছত্র না যায় গণনা ॥
 দক্ষিণ বারেতে উত্তরিল বিভীষণ ।
 মিশামিশি হইল রাক্ষস নরগণ ॥
 বিকৃতি আকার সব নিশাচরগণ ।
 বিস্ময় মানিয়া সবে করে নিরীক্ষণ ॥
 দুই তিন মুখ কার অশ্বপ্রায় মুখ ।
 বক্রদন্ত দেখি নাসা চক্ষু যেন কুপ ॥
 রথ হতে নামিল ভূমিতে বিভীষণ ।
 যজ্ঞস্থান দেখি হৈল বিস্ময় বদন ॥

আদি অন্ত নাহি লোক চতুর্দিকে বেড়ি ।
 উচ্চ নীচ জল স্থল আছে লোক যুড়ি ॥
 কোথায় দেখয়ে একপদ নরগণ ।
 দীর্ঘ কর্ণ কোথা দেখে বিকর্ণ বদন ॥
 কোথায় অমরগণ নানা ক্রীড়া করে ।
 রাক্ষস দানব দৈত্য অনেক বিহরে ॥
 সিদ্ধ সাধ্য ঋষি যোগী অনেক ব্রাহ্মণ ।
 বিবিধ বাহনে কোথা যমদূতগণ ॥
 কোটি কোটি অশ্ব হস্তী কোটি কোটি রথ ।
 স্থানে স্থানে নৃত্য গীত হয় অবিরত ॥
 অপূর্ব দেখিয়া সবে ভাবে মনে মন ।
 এ হেন অদ্ভুত চক্ষে না দেখি কখন ॥
 যে দেব দানবে বৈরী আছয়ে সদায় ।
 হেন দেব দানবেতে একত্র খেলায় ॥
 যে কণী গরুড়ে কভু নাহি হয় দেখা ।
 একত্র খেলায় যেন ছিল পূর্ব সখা ॥
 রাক্ষস মানুষে করে পাইলে ভক্ষণ ।
 মনুষ্যের আজ্ঞা বহে নিশাচরগণ ॥
 অদ্ভুত মানিয়া রাজা মুখে দিল হাত ।
 জানিল এ সব মায়া করেন শ্রীনাথ ॥
 দুই ভিতে দেখে রাজা অনিন্দে অঁখি ।
 তিন ভুবনের লোক এক ঠাঁই দেখি ॥
 কে কারে আনিয়া দেয় নাহিক নির্বন্ধ ।
 আসন ভোজন পানে সবার আনন্দ ॥
 পরিবার লোক তার রাখিয়া সে রথ ।
 ঠেলাঠেলি পদব্রজে গেল কত পথ ॥
 অগ্রে আর গম্য নহে যাইতে কাহারে ।
 থাকুক অন্তের কাজ পিপীলিকা নারে ॥
 কতদূর আছে দ্বার নাহি চলে দৃষ্টি ।
 রাজগণ দাণ্ডাইয়া আছে পৃষ্ঠাপৃষ্ঠি ॥
 দুই ভিতে দ্বারগণ মারিতেছে বাড়ি ।
 একদৃষ্টে আছে সবে দুই কর যুড়ি ॥
 পথ না পাইয়া দাণ্ডাইল বিভীষণ ।
 অন্তর্যামী সব জানিলেন নারায়ণ ॥
 কে আইল কে খাইল কেবা নাহি পায় ।
 প্রতিজনে জিজ্ঞাসা করেন যদুপ্রায় ॥

দূরে থাকি দেখিল রাক্ষস অধিপতি ।
 দিব্যচক্ষে জানিলেন এই লক্ষ্মীপতি ॥
 অক্টাঙ্গ লোটায়ে স্তুতি করে কর যুড়ে ।
 বারিধারা নয়নেতে অবিশ্রান্ত পড়ে ॥
 দেখিয়া নিকটে তার গিয়া নারায়ণ ।
 দুই হাতে ধরিয়া দিলেন আলিঙ্গন ॥
 স্তুতি করে বিভীষণ যুড়ি দুই কর ।
 আনন্দে চক্ষুর জল ঝরে নিরন্তর ॥
 নানা রত্ন ছিনিয়া ফেলেন ভূমিতলে ।
 পুনঃ পুনঃ ধরি পড়ে চরণ-কমলে ॥
 যতেক আনিল রাজা বিবিধ রতন ।
 গোবিন্দের অগ্রে ল'য়ে দিল ততক্ষণ ॥
 করযোড় করি বলে রাক্ষসের রাজ ।
 আজ্ঞা কর জগন্নাথ করিব কি কাজ ॥
 গোবিন্দ বলেন আসিয়াছ কোন্ কাজে ।
 মম সঙ্গে চলহ ভেটাই ধর্ম্মরাজে ॥
 বিভীষণ বলে কস্মি সম্পূর্ণ হইল ।
 তোমার পদারবিন্দ নয়ন দেখিল ॥
 তোমার পদারবিন্দে দৃঢ় আলিঙ্গন ।
 পিতামহ বাঞ্ছিত যে অন্য কোনজন ॥
 লক্ষ্মীর দুর্লভ মোরে করিলা প্রসাদ ।
 চিরকাল বিচ্ছেদের খাণ্ডল বিষাদ ॥
 সম্পূর্ণ মানস মম সিদ্ধ হৈল কাজ ।
 এখন কি করিব আজ্ঞা কর দেবরাজ ॥
 গোবিন্দ বলেন যে করিল আবাহন ।
 যার দূত সঙ্গে পূর্বের পাঠাইলে ধন ॥
 যার নিমন্ত্রণে তুমি আইলা হেথায় ।
 চলহ ভেটাই সেই ঠাকুরে তোমায় ॥
 বিভীষণ কহিল বলিল দূতগণ ।
 পাণ্ডবের যজ্ঞে অধিষ্ঠান নারায়ণ ॥
 তব দ্রোহী হইবে না দিলে তারে কর ।
 অন্য কি তোমার নামে দিব কলেবর ॥
 জগতের ঠাকুর তোমায় আমি জানি ।
 তোমার ঠাকুর আছে আমি নাহি মানি ॥
 যে ইউক মোর প্রভু তোমা বিনা নাই ।
 প্রয়োজন নাহি মম অন্যজন ঠাঁই ॥

বিন্দ বলেন ধর্মপুত্র যুধিষ্ঠির ।
 । দরশনে হয় নিষ্পাপ শরীর ॥
 চাপে ঘাঁহারে ইন্দ্র আদি কর দিল ।
 । দিয়া ফণীন্দ্র শরণ আসি নিল ॥
 হেরে উত্তর কুরু, পূর্বের জলনিধি ।
 স্চমেতে আমি, দক্ষিণেতে তোমা আদি ॥
 হি দিল না আইল নাহি হেন জন ।
 ক্ষাতে নয়নে তুমি দেখহ এখন ॥
 যত গন্ধর্ব যক্ষ রক্ষ কপি ফণী ।
 যত আইল যত বৈসয়ে অবনী ॥
 টাঙ্গী সহস্র দ্বিজ নিত্য গৃহে ভুঞ্জে ।
 শ ত্রিশ সেবক সেবয়ে এক দ্বিজে ॥
 হেরেতা সহস্র দশেক সদা সেবে ।
 ছেন যতেক দ্বিজ কে অন্ত করিবে ॥
 নে স্থানে রক্ষন হতেছে অবিরাম ।
 ক লক্ষ ব্রাহ্মণ ভুঞ্জয়ে এক স্থান ॥
 ক লক্ষ দ্বিজ যবে করেন ভোজন ।
 কবার শজ্ঞানাদ করয়ে তখন ॥
 নমতে মুহুর্মুহি হয় শজ্ঞানধনি ।
 হৃদিকে শঙ্করবে কিছুই না শুনি ॥
 ন পদ্য অযুত মাতঙ্গ দীর্ঘদন্ত ।
 ন পদ্যযুত রথ প্রত্যক্ষ অনন্ত ॥
 ক নৃপতির পতি কে পারে গণিতে ।
 রিজাতি যতেক নিবসে পৃথিবীতে ॥
 কৈক রক্ষনে ভুঞ্জে অকৈক আমান ।
 হার শক্তি তাহা করিতে বর্ণন ॥
 কজন অসন্তোষ নাহিক ইহাতে ।
 ও খাও লও লও ধনি চারিভিতে ॥
 যম্যাদি যত হৈল পৃথিবীর পতি ।
 ন কর্ম করিবারে কাহার শক্তি ॥
 হদূর পর্যন্ত নিবসে যত প্রাণী ।
 ন জন নাহি যুধিষ্ঠিরে নাহি জানি ॥
 রণে স্থমতি হয় নিষ্পাপ দর্শনে ।
 গামে পরমাগতি আমার সমানে ॥
 নজনে নাহি জানে তোমা হেন জন ।
 গতি চল মাথে করাব দর্শন ॥

বিভীষণ বলে প্রভু কহিলা প্রমাণ ।
 মম নিবেদন কিছু কর অবধান ॥
 পূর্বের পিতামহ মুখে শুনিয়াছি আমি ।
 অনন্ত ব্রহ্মাণ্ড তুমি সবার স্বামী ॥
 ব্রহ্ম ইন্দ্রপদ তব কটাক্ষেতে হয় ।
 এ কর্ম অসাধ্য নহে তোমার সহায় ॥
 মম পূর্ব বৃত্তান্ত জানহ গদাধর ।
 তপস্যা করিয়া আমি মাগিলাম বর ॥
 স্মরিব তোমার নাম সেবিব তোমারে ।
 তব পদ বিনা শির না নোঙাব কারে ॥
 যথায় লইয়া যাবে তথায় যাইব ।
 কদাচিত্ অন্তজনে মান্য না করিব ॥
 এত বলি বিভীষণ চলিল সংহতি ।
 পশ্চাত্তানে বিভীষণ অগ্রেতে শ্রীপতি ॥
 চট চট শব্দেতে চৌদিকে পড়ে ছাট ।
 গোবিন্দেরে দেখিয়া ছাড়িয়া দিল বাট ॥
 দ্বারের নিকটে উত্তরিল নারায়ণে ।
 পশিতে সাত্যকি নিবারিল বিভীষণে ॥
 গোবিন্দ বলেন দ্বারে না রাখ ইহারে ।
 স্বদেশ যাবেন শীঘ্র ভেটিয়া রাজারে ॥
 সাত্যকি কহিল প্রভু জানহ আপনি ।
 আত্মা বিনা যাইতে না পারে বজ্রপাণি ॥
 হের দেখ জগন্নাথ দ্বারেতে বারিত ।
 যত রাজ-রাজ্যেশ্বর বৈসে বামভিত ॥
 অগণিত সৈন্য যার ধনে নাহি অন্ত ।
 রাজকর ল'য়ে আছে মাসেক পর্য্যন্ত ॥
 শ্রেণীমন্ত সুকুমার নীলধ্বজ রাজা ।
 একপদ কলিঙ্গ নৈষধ মহাতেজা ॥
 কিক্ষিঙ্ক্যা ঈশ্বর দেখ সিন্ধুকুলবাসী ।
 গোশৃঙ্গ ভূষণ আর রুজি দন্তকেশী ॥
 এ সবার রঙ্গে রাজা শত পঞ্চ শত ।
 কোটি কোটি গজবাজী কোটি কোটি রথ ।
 নানা রত্ন ধন নিজ পরিবার লৈয়া ।
 দ্বারেতে আছয়ে দেখ বারিত হইয়া ॥
 ত্রিশ সহস্র নৃপতি আছে এই দ্বারে ।
 জন কত রাজামাত্র গিয়াছে ভিতরে ॥

পুরুজিং নামে রাজা পাণ্ডব মাতুল ।
 রাজ আজ্ঞা পেয়ে তবে লইল নকুল ॥
 তাঁর সঙ্গে গেল জনকর্ত নৃপবর ।
 দেখিয়া বড়ই ক্রুদ্ধ হৈল বৃকোদর ॥
 মাতুলে রাখিয়া আর যত রাজগণে ।
 ধাক্কা মারি বাহির করিল ততক্ষণে ॥
 আজ্ঞা বিনা ছাড়িতে নারিব কদাচন ।
 আজ্ঞা আনি ল'য়ে যাও রাজা বিভীষণ ॥
 এত শুনি ক্রুদ্ধ হৈয়া গেলেন গোবিন্দ ।
 দুই চক্ষু দেখি যেন রক্ত অরবিন্দ ॥
 তথা হৈতে গেলেন সহিত লক্ষ্যপতি ।
 পূর্বদ্বারে উপনীত আপনি শ্রীপতি ॥
 মহাবীর ঘটোৎকচ হিড়িম্বা কুমার ।
 তিন লক্ষ রাক্ষসে রক্ষা করে দ্বার ॥
 কৃষ্ণেরে দেখিয়া সবে পথ ছাড়ি দিল ।
 বেত্র দিয়া বিভীষণে দ্বারে রহাইল ॥
 গোবিন্দ বলেন ইনি লক্ষ্যর ঈশ্বর ।
 ব্রহ্মার প্রপৌত্র রাবণের সহোদর ॥
 ঘটোৎকচ বলে শুন দেব চক্রপাণি ।
 আমি কি করিব তুমি জানহ আপনি ॥
 জন কত রাজ্যমাত্র গিয়াছে ভিতরে ।
 বাইশ সহস্র রাজা আছে এই দ্বারে ॥
 ব্রহ্মার প্রপৌত্র দেব অনেক এসেছে ।
 দুই তিন মাস দ্বারে রহিয়া গিয়াছে ॥
 বহু নাগগণ সঙ্গে শেষ বিষধর ॥
 পাতাল ছাড়িয়া মর্ত্যে রহে নিরন্তর ।
 সহস্র বদন শোভে নাগ অধিকারী ।
 এইখানে তিনি রহিলেন দিন চারি ॥
 এই দেখ রাজগণ দাণ্ডাইয়া আছে ।
 একদৃষ্টে বুকে হস্ত নাহি চায় পাছে ॥
 গিরিভ্রজে সুরপতি জ্বালাসকল স্তব ।
 জয়সেন মহারাজ বুগল অযুত ॥
 নব কোটি রথ নবকোটি মত্ত হাতী ।
 ষষ্ঠ কোটি তুরঙ্গম অসংখ্য পদাতি ॥
 নানা রত্ন আনিল বিবিধ যানে করি ।
 হস্তিনী গর্দভ উট শকট উপরি ॥

অহর্নিশি নৌকা বহে সংখ্যা নাই জানি ।
 যার নৌকা ত্রিশ ক্রোশ ঢাকে গঙ্গাপানি ।
 বিংশতি সহস্র রাজা সংহতি করিয়া ।
 দ্বারেতে আছয়ে দেখ বাহির হইয়া ॥
 শিশুপাল রাজা দেখ চৌদীর ঈশ্বর ।
 যাহার সহিত পঞ্চ শত নৃপবর ॥
 নানা যান করিয়া বিবিধ রত্ন লৈয়া ।
 দ্বারেতে আছয়ে দেখ বারিত হইয়া ॥
 দীর্ঘজজ্ঞ রাজা দেখ অযোধ্যার পতি ।
 তিনকোটি রথ সঙ্গে তিনকোটি হাতী ॥
 সপ্তদশ নরপতি সংহতি করিয়া ।
 কর ল'য়ে দ্বারে আছে বারিতহইয়া ॥
 কাশীরাজ দেখ এই কাশীর ঈশ্বর ।
 কোশলের রাজা বৃহদ্রথ নৃপবর ॥
 বহু রাজা সুপার্ব কোশিক শ্রুত রাজা ।
 মদ্রসেন চন্দ্রসেন পার্শ্ব মহাতেজা ॥
 সুবর্ণ স্মিত্র রাজা স্মুক শমুক ।
 মণিমন্ত দণ্ডধর নৃপতি মুকুট ॥
 পুণ্ডরীক্ষ বাসুদেব জরদগব আদি ।
 করিল মেদিনী ব্যাপ্ত সমুদ্র অবধি ॥
 এ সবার সঙ্গে রাজা শত সপ্ত শত ।
 লিখনে না যায় যত গজবাজী রথ ॥
 যে দেশে যে রত্ন জন্মে তাহা কর লৈয়া ।
 দ্বারেতে আছয়ে দেখ বারিত হইয়া ॥
 উপরুদ্ধ অত্যন্ত হয়েন যেই জন ।
 রাজারে জানায় গিয়া তার বিবরণ ॥
 তবে যদি ধর্ম্মরাজ দেন অনুমতি ।
 যারে আজ্ঞা দেন সেই জন করে গতি ॥
 মুহূর্ত্তেকে রহি মাত্র দরশন পায় ।
 শীঘ্রগতি পুনঃ আনি রাখয়ে হেথায় ॥
 রাজার শঙ্কর দেখ দ্রুপদ নৃপতি ।
 দিনেক রহিল পরিজনের সংহতি ॥
 আজ আজ্ঞা পাইয়া ছাড়িল দ্রুপদেরে ।
 তার সঙ্গে কত রাজা পশিল ভিতরে ॥
 সেই হেতু পিতা মোরে করিলেন ক্রোধ ।
 শঙ্করের কিছু না রাখিল উপরোধ ॥

হির করিয়া যে দিলেন রাজগণে ।
 রীগণে বহু ক্রোধ করিলেন মনে ॥
 কেই ইন্দ্রসেন ছিল এই দ্বারে দ্বারী ।
 এই দোষে তাহারে দিলেন দূর করি ॥
 ষথিলেন দ্বারে মোরে অনেক কহিয়া ।
 মাজা বিনা ইন্দ্র এলে না দিবে ছাড়িয়া ॥
 এই হেতু জগন্নাথ ভয় লাগে মনে ।
 মাজা বিনা কিমতে ছাড়িব বিভীষণে ॥
 গগি হেথা আন রাজ অনুমতি হরি ।
 জানাইতে রাজারে নাহিক শক্তি ধরি ॥
 নকুল আইসে কিন্ম অনুজ তাহার ।
 বার্তা জানাইতে এ দৌহার অধিকার ॥
 বুঝিয়া আপনি কর যে হয় বিচার ।
 ক্রণেক থাকহ নহে যাও অন্য দ্বার ॥
 এত শুনি কৃষ্ণ তারে নিন্দিয়া অপার ।
 ক্রোধ করি চলিলেন উত্তর দুয়ার ॥
 বিভীষণে লইয়া গেলেন গদাধর ।
 কতদূরে দেখিলেন ভীম অনুচর ॥
 চারি গোটা নৃপতিরে করিয়া বন্ধন ।
 কেশে ধরি লইয়া যাইছে চারিজন ॥
 জিজ্ঞাসেন মাধব তোমরা কোন্ জন ।
 এ চারি জনারে কেন করিলে বন্ধন ॥
 দূতগণ বলে মোরা ভীমের কিস্কর ।
 দুষ্কর্ম কৈল এই চারি নরবর ॥
 শ্বেত আর লোহিতমণ্ডল নরপতি ।
 অবধানে জগন্নাথ কর অবগতি ॥
 এ দৌহার দেশ প্রভু সমুদ্রের তীরে ।
 পার্থ জিনি কর সহ আনিল দৌহারে ॥
 এখন না বলিয়া যাইতেছিল দেশে ।
 অর্ক পথ হৈতে ধরিয়া আনিষু কেশে ॥
 হের দেখ জগন্নাথ এই দুই জনে ।
 উপহাস করিল দুই দরিদ্র ব্রাহ্মণে ॥
 এই হেতু চারিজনে আনিষু বাঁধিয়া ।
 আজ্ঞা করিলেন ভীম শূলে দেহ নিয়া ॥
 এত শুনি কৃষ্ণ ফিরাইয়া চারিজনে ।
 বৃকোদর কোথা জিজ্ঞাসেন দূতগণে ॥

অগ্রে অগ্রে যায় দূত পিছে গদাধর ।
 কতদূরে দেখেন আইসে বৃকোদর ॥
 এক লক্ষ রথী সহ ভ্রমে সর্বস্থল ।
 চরগণে খুঁজিছে যে কোথাকার বল ॥
 ভীমের নিকটে উত্তরিল নারায়ণ ।
 কহিলেন মুক্ত কর দেহ চারিজন ॥
 কর্ম হেতু এ সবারে কৈলা আবাহন ।
 অনাদর এখন করহ কি কারণ ॥
 কর্ম যদি করিবে হইয়া মহাতেজা ।
 ক্ষুদ্রে লোকে নিমন্ত্রিলে করিবেক পূজা ॥
 দুষ্ক শিষ্ট অনেক এসেছে কর্মস্থলে ।
 কর্মে বহু বিঘ্ন হয় ক্ষমা না করিলে ॥
 বৃকোদর বলে শুন দৈবকী-নন্দন ।
 দোষমত শাস্তি যদি না পায় দুর্জয়ন ॥
 আর সব ক্রমে ক্রমে সেই পথ লয় ।
 কহ ইথে কর্ম পূর্ণ কোনমতে হয় ॥
 দুষ্কে ক্ষমা করিতে না পারি কদাচন ।
 দুষ্কাচারী না ছাড়ে আপন দুষ্কপণ ॥
 দুষ্কজনে নিজ তেজ যদি না দেখায় ।
 উপহাস করে আর কর্ম ধ্বংস পায় ॥
 ইহায় আশ্রয় পূর্বে পরিচয় কোথা ।
 তেজ হৈতে যত দেখ আসিয়াছে হেথা ॥
 পুনশ্চ কহেন কৃষ্ণ কমললোচন ।
 শুন শুন ভীমসেন আমার বচন ॥
 তোমার শাস্তির শব্দে ত্রৈলোক্য পূরিল ।
 তেঁই দেখি তিনলোক একত্র মিলিল ॥
 শাস্তি আচরিতে তুগি এ কর্ম করিলে ।
 কহ ভীম সন্তুষ্ট হইবে কি ভালে ॥
 অন্য কর্ম নহে এই রাজসূয় পাত্র ।
 এক লক্ষ রাজা আসি হ'য়েছে একত্র ॥
 নাহি জান ইতিমধ্যে আছে ভাল মন্দ ।
 একচক্র হ'য়ে যদি সবে করে দন্দ ॥
 কহ মোরে তখন উপায় কি করিবে ।
 প্রমাদ ঘটবে আর যজ্ঞ নষ্ট হবে ॥
 পৃথিবীর লোক সব করিলে বিরোধ ।
 কত কত জনে তুমি করিবে প্রবোধ ॥

পাতালে রহিল গিয়া পার্থ ধনুর্ধর ।
 দ্বন্দ্ব করিবারে তুমি সবে একেশ্বর ॥
 কৃষ্ণের বচন শুনি বলে বৃকোদর ।
 তব যোগ্য কথা নহে দেব দামোদর ॥
 এক লক্ষ রাজা যে বলিলে নারায়ণ ।
 প্রত্যক্ষেতে আমি দেখিলাম সর্বজন ॥
 অজায়ুথ লাগে যেন ব্যাঘ্রের নয়নে ।
 সেইমত রাজগণ লাগে মম মনে ॥
 দ্বন্দ্ব করিবারে সবে হয় একদিকে ।
 কাহার' নাহিক দায় রৈল মম ভাগে ॥
 সসৈন্তে আগত এক লক্ষ নৃপবর ।
 মুহূর্ত্তেকে দলিবারে পারি একেশ্বর ॥
 মনুষ্য কি গণি যদি তিনলোক হয় ।
 একেশ্বর সবাকারে করি পরাজয় ॥
 যার জয় ইচ্ছা দেব তোমা হেন জনে ।
 তারে পরাজয় করে নাহি ত্রিভুবনে ॥
 গোবিন্দ বলেন সব সম্ভবে তোমারে ।
 তোমা' সহ বিরোধ করিতে কেবা পারে ॥
 ইহা সবাকারে ছাড় আমার বচনে ।
 এবে দ্বন্দ্ব করহ যে করে দুষ্টিগণে ॥
 এত বলি মুক্ত করি দেন চারিজন ।
 তথা হৈতে লইয়া গেলেন বিভীষণে ॥
 যাইতে যাইতে কৃষ্ণ কন বিভীষণে ।
 বহু রাজা দেখিয়াছ শুনেছ শ্রবণে ॥
 এমন সম্পদ কি হয়েছে কোন জনে ।
 আমা হেন জনে রাখে যার দারীগণে ॥
 তিন ভুবনের লোক একত্র মিলিল ।
 ইন্দ্র আদি করিয়া যাহারে কর দিল ॥
 বিভীষণ বলে দেব এ নহে অদ্বুত ।
 ইহা হৈতে রাজসূয় হ'য়েছে বহুত ॥
 হরিশ্চন্দ্র মহারাজ এ যজ্ঞ করিল ।
 সপ্তম দ্বীপের লোক একত্র হইল ॥
 আর আর যত রাজা পৃথিবীতে ছিল ।
 ইন্দ্র আদি দেবে জিনি নানা যজ্ঞ কৈল ॥
 একমাত্র পাণ্ডবের বাখানি বিশেষ ।
 আপনি এতেক স্নেহ কর হৃষীকেশ ॥

ব্রহ্মা আদি ধ্যায় প্রভু তোমা দেখিবারে ।
 এ বড় আশ্চর্য্য তুমি ভ্রম দ্বারে দ্বারে ॥
 তোমার চরিত্রে প্রভু কি বলিতে পারি ।
 নহুযে করিলা ইন্দ্র বলি দূর করি ॥
 ব্রহ্মকীট পদ প্রভু তোমার সমান ।
 যারে যাহা কর তাহা কে করিবে আন ॥
 ইন্দ্র আদি পদ প্রভু না করি গণন ।
 তব পদে ভক্তি যার সেই মহাজন ॥
 ভক্তিতে পাণ্ডব বশ করিয়াছে তোমা ।
 তেঁই দ্বারে দ্বারী রাখে তারে কর ক্ষমা ॥
 কি কারণে জগন্নাথ এত পর্য্যটন ।
 দ্বারে দ্বারে ভ্রম প্রভু কোন প্রয়োজন ॥
 দৈবেতে এ দারীগণ না ছাড়ে আমারে ।
 মম প্রয়োজন কিছু নাহিক ভিতরে ॥
 মানস হইল পূর্ণ সিদ্ধ হৈল কার্য্য ।
 আজ্ঞা কৈলে মহাপ্রভু যাই নিজ রাজ্য ॥
 তার বাক্য শুনিয়া বলেন চক্রধর ।
 আর কত তোমারে কহিব লঙ্কেশ্বর ॥
 সর্ব ধর্ম্ম জান তুমি বিচারে পণ্ডিত ।
 তুমি হেন কথা কহ না হয় উচিত ॥
 নিমন্ত্ৰণে এলে যার না যাবে ভেটিয়া ।
 রাজা জিজ্ঞাসিলে আমি কি বলিব গিয়া ॥
 হেন অপকীর্ত্তি মম চাহ কি কারণ ।
 ক্ষণেকে করিয়া যাও রাজ সন্দর্শন ॥
 এইরূপে দৌহে হয় কথোপকথন ।
 উত্তর দ্বারেতে উত্তরিল দুইজন ॥
 উত্তর দুয়ারে দ্বারী কামের নন্দন ।
 গোবিন্দে দেখিয়া আসি করিল বন্দন ॥
 শ্রীকৃষ্ণ বলেন যাই রাজার গোচর ।
 ধর্ম্মরাজে ভেটাইব রাক্ষস ঈশ্বর ॥
 অনিরুদ্ধ বলে দেব রহ মুহূর্ত্তেক ।
 এইক্ষণে মাদ্রীর তনয় আসিবেক ॥
 তাঁর হাতে জানাইব রাজার গোচর ।
 আজ্ঞা পেলে ল'য়ে যাও রাক্ষস ঈশ্বর ॥
 গোবিন্দ বলেন তুমি না জান ইহারে ।
 ক্ষণেক উচিত নহে রাখিতে দুয়ারে ॥

বাণের সহোদর লক্ষা অধিপতি ।
 প্রাকসের রাজা যে ব্রহ্মার হয় নাতি ॥
 এত শুনি হাসি বলে কামের নন্দন ।
 কেন হেন কহ দেব জানিয়া কারণ ॥
 অবধানে দেখ দেব যতেক নৃপতি ।
 অনেক দিবস হৈল দ্বারে কৈল স্থিতি ॥
 প্রাগ্দেশ অধিপতি রাজা ভগদত্ত ।
 নব কোটি রথ সঙ্গে কোটি গজ মত্ত ॥
 নানা রত্ন কর দেখ সংহতি করিয়া ।
 বহুদিন দ্বারে আছে বারিত হইয়া ॥
 বাহ্লীক বৃহস্তু আর হৃদেব কুন্তল ।
 সিংহরাজ স্মশ্রুয়া সহিত বৃহদল ॥
 কামদেব কামেশ্বর রাজা কামসিন্ধু ।
 ত্রিগুণ্ত দ্বিরদশির মহাজলসিন্ধু ॥
 এ সবার সঙ্গে রাজা শত পঞ্চশত ।
 ত্রিশকোটি মত্ত হস্তী ত্রিশকোটি রথ ॥
 যে দেশে নাহিক শক্তি বিহঙ্গ যাইতে ।
 সে সকল রাজা দেব দেখহ সাক্ষাতে ॥
 নানারত্ন কর ল'য়ে দ্বারে বসি আছে ।
 বৎসর অধিক হৈল কেহ নাহি পুছে ॥
 পুত্র পৌত্র ব্রহ্মার এয়েছে কতজন ।
 প্রপৌত্র আইল যত কে করে গণন ॥
 ইন্দ্র চন্দ্র অনল কৃতান্ত দিনকর ।
 ব্রহ্মধামি দেবধামি আইল বিস্তর ॥
 চিত্ররথ গন্ধর্ব্ব তুম্বুরু হাहा হুহু ।
 বিশ্বাবস্তু আদি সহ বিদ্যাধর বহু ॥
 যক্ষরাজ সহ এল কত লব নাম ।
 আসিয়াছে আসিতেছে নাহিক বিশ্রাম ॥
 দুই একদিন সবে রহি হেথা গেছে ।
 রাজ আজ্ঞা মাত্র তরে দুই এক আছে ॥
 বিনা আজ্ঞা ছাড়ি দিলে দুঃখ পায় পাছে ।
 রাজদ্রোহী কশ্মেতে অনেক বিঘ্ন আছে ॥
 দোষ গুণ বুঝিতে ভীমের অধিকার ।
 ভীম ক্রোধ করিলে যে নাহিক নিস্তার ॥
 বুঝিয়া করহ দেব যে হয় বিচার ।
 কি শক্তি আমার আজ্ঞা বিনা ছাড়ি দ্বার ॥

এত শুনি কৃষ্ণ তারে নিন্দিয়া অপার ।
 ক্রোধ করি চলিলেন পশ্চিম দুয়ার ॥
 গোবিন্দ বলেন রাজা দেখ বিঘ্নমান ।
 পৌত্র হ'য়ে আমার না করিল সম্মান ॥
 নাহিক উহার দোষ কশ্ম এইরূপে ।
 ইন্দ্র যম ভয় করে ভীমের প্রতাপে ॥
 অল্প দোষে দেয় দণ্ড ক্রোধ নিরন্তর ।
 শ্রুতমাত্র দেয় শাস্তি নাহি পরাপর ॥
 চলহ পশ্চিম দ্বারে আছে দুর্ঘ্যোধন ।
 আমা দেখি কদাচ না করিবে বারণ ॥
 আর কহি বিভীষণ না হও বিস্মৃতি ।
 যখন দেখিবে তুমি ধর্ম্ম নরপতি ॥
 ভূমিষ্ঠ হইয়া তুমি প্রণাম করিবে ।
 নৃপতির আজ্ঞা হ'লে তখনি উঠিবে ॥
 বিভীষণ কহে প্রভু নহে কদাচন ।
 নিবেদন করিয়াছি মম বিবরণ ॥
 পূর্ব্ব হৈতে তব পদে বিক্রান্ত শরীর ।
 তব পদ বিনা অন্তে না নোঙাব শির ॥
 এত শুনি গোবিন্দ ভাবেন মনে মন ।
 করিয়াছি কুকশ্ম আনিয়া বিভীষণ ॥
 বিভীষণ যদি দণ্ডবৎ না করয় ।
 সভাতে পাইবে লজ্জা ধর্ম্মের তনয় ॥
 এত চিন্তি জগন্নাথ করেন বিচার ।
 ব্রহ্মা আদি তপ করে এরা কোন্ ছার ॥
 যজ্ঞারম্ভ কৈল রাজা আমার বচনে ।
 আমি যজ্ঞেশ্বর বলি জানে সর্ব্বজনে ॥
 এত চিন্তি জগন্নাথ সহ বিভীষণ ।
 পশ্চিম দ্বারেতে যান যথা দুর্ঘ্যোধন ॥
 দুর্ঘ্যোধন নৃপতির দুই অধিকার ।
 দ্রব্যের ভাণ্ডারী আর রক্ষা করে দ্বার ॥
 লক্ষ লক্ষ ভাণ্ডার সমান গিরিবর ।
 কনক রজত মুক্তা প্রবাল পাথর ॥
 অমূল্য কীটজ চাঁর লোমজ বসন ।
 কস্তুরী দশন হস্তী শৃঙ্গী অগণন ॥
 চতুর্দিক হইতে আসিছে ঘনে ঘন ।
 আঘাত প্রাণে যেন হয় বরিষণ ॥

দরিদ্র ভিক্ষুক আর ভট্ট আদি যত ।
 দিতেছে সকল দ্রব্য বিদূর সম্মত ॥
 যত দ্রব্য আসে তত দিতেছে সকল ।
 পুনঃ পুনঃ আসে যেন জোয়ারের জল ॥
 কত জনে কত দেয় নাহি পরিমাণ ।
 অদরিদ্রা কৈল পৃথী দিয়া বহু দান ॥
 উনশত ভাই সহ নিজ পরিবার ।
 দুর্ঘ্যোধন দ্বারী রাখে পশ্চিম দুয়ার ॥
 গোবিন্দে নিরখিয়া বলে দুর্ঘ্যোধন ।
 কহ কোন্ হেতু দাণ্ডাইলা নারায়ণ ॥
 গোবিন্দ বলেন ইনি লঙ্কার ঈশ্বর ।
 যাইতে নিবারে কেন তোমার কিঙ্কর ॥
 দুর্ঘ্যোধন বলে কৃষ্ণ নাহি তার দোষ ।
 আপনি জানহ তুমি ভীমের আক্রোশ ॥
 আসিবা মাত্রেতে ল'য়ে চাহ ভেটিবারে ।
 আজ্ঞা বিনা কিমতে দ্বারীতে দ্বার ছাড়ে ॥
 এইক্ষণে আসিবেক মাদ্রীর নন্দন ।
 ক্ষণমাত্র হেথায় বৈসহ নারায়ণ ॥
 এত বলি দুর্ঘ্যোধন দিল সিংহাসন ।
 দুই সিংহাসনে বসিলেন দুইজন ॥
 কে বুঝিতে পারে জগন্নাথের চরিত ।
 অখিল ব্রহ্মাণ্ড যাঁর মায়ায় মোহিত ॥
 ধন্য রাজা ইন্দ্রদ্যুম্ন জন্ম শুভক্ষণে ।
 হেন প্রভু বশ কৈল আপনার গুণে ॥
 ধন্য ধন্য অশ্বমেধ কৈল শত শত ।
 কটোর তপস্যা রাজা ধন্য কৈল কত ॥
 কেহ যজ্ঞ ব্রত করে বৈভব কারণ ।
 ইন্দ্রপদ বাঞ্ছে কেহ কুবের তপন ॥
 তিনলোক মধ্যে ইন্দ্রদ্যুম্নেরে বাখানি ।
 কত ইন্দ্রপদ যার কশ্মের নিছনি ॥
 যাহার যশের গুণে পূরিল সংসার ।
 ক্ষিতিমধ্যে খণ্ডাইল যম অধিকার ॥
 যাবৎ ব্রহ্মাণ্ড আর যাবৎ ধরণী ।
 করিল অদ্ভুত কীর্ত্তি নিস্তারিতে প্রাণী ॥
 গোহত্যা স্ত্রীহত্যা আদি করে যে নারকী ।
 অবহেলে স্বর্গে যায় কৃষ্ণমুখ দেখি ॥

জন্মে জন্মে কাশী আদি নানা তীর্থ সেবে ।
 তপ ক্লেশ যজ্ঞ ব্রত সদা করে যবে ॥
 পঞ্চ পাতকীতে যদি কৃষ্ণমুখ দেখে ।
 সে কোটি কল্পের পাপ শরীরে না থাকে ॥
 জগন্নাথ মুখপদ্ম যে করে দর্শন ।
 জগন্নাথ নাম যেবা করয়ে স্মরণ ॥
 পৃথিবীর মধ্যে তার সফল জীবন ।
 কাশীরাম প্রণময় তাঁহার চরণ ॥

সর্বলোক মুচ্ছ ১ ।

জন্মেজয় ভূপতি মুনিরে জিজ্ঞাসিল ।
 কহ দেখি তদন্তরে কি প্রসঙ্গ হৈল ॥
 মুনি বলে শুন পরীক্ষিতের নন্দন ।
 বিভীষণ সহ বসিলেন নারায়ণ ॥
 পরিশ্রম হয়েছিল পদব্রজে চলি ।
 চতুর্দিকে বিশেষ লোকের ঠেলাঠেলি ॥
 চৌদিকে অযুত ক্রোশ সভা পরিসর ।
 ভ্রমিয়া দৌহার শ্রান্ত হৈল কলেবর ॥
 সিংহাসন উপরে বসিল দুইজন ।
 হেনকালে তথা আসে মাদ্রীর নন্দন ॥
 গোবিন্দে দেখিয়া বীর কৈল নমস্কার ।
 ডাকি কৃষ্ণ জিজ্ঞাসেন সব সমাচার ॥
 দুই তিন দিন নাহি রাজ সম্ভাষণ ।
 কহ দেখি সহদেব সব বিবরণ ॥
 সহদেব বলেন শুনহ দামোদর ।
 তুমি গেলে আসিবেন যতেক অমর ॥
 সকলের হইয়াছে রাজ দরশন ।
 তোমাতে দেখিতে যে আছয়ে সর্বজন ॥
 দেববৃন্দ লইয়া আছেন দেবরাজ ।
 তুমি গেলে ভেটিবেক দেবের সমাজ ॥
 এত শুনি উঠিলেন ত্রীবৎসলাঞ্ছন ।
 তাঁহার সহিত গেল নিকষানন্দন ॥
 সভামধ্যে প্রবেশ করেন নারায়ণ ।
 গোবিন্দে দেখিয়া উঠিল সর্বজন ॥
 মণ্ডলী করিয়াছিল বেদীর উপরে ।
 কৃষ্ণে দৃষ্টি করিয়া পড়িছে বায়ুভরে ॥

দূরে পড়িল করিয়া কুতাজ্জলি ।
 বাতাঘাতে যেন পড়িল কদলী ॥
 তাতা গন্ধর্ব আর অঙ্গর কিম্বর ।
 বক্ষ্যামি ব্রহ্মবাক্ষি রক্ষ খগবর ॥
 কজন বিনা আর যে ছিল যথায় ।
 তদূরে পড়ে সবে হ'য়ে নতাকায় ॥
 তক সোপান পর ধর্মের নন্দন ।
 কশং সোপানে উঠেন নারায়ণ ॥
 স্বরূপ প্রকাশ করেন জনার্দন ।
 রূপ দেখিয়া মুগ্ধ হৈল পদ্মাসন ॥
 হস্ত মস্তকে শোভে সহস্র নয়ন ।
 হস্ত নুকুট মণি কিরীট ভূষণ ॥
 অশ্রবণে শোভে সহস্র কুণ্ডল ।
 অশ্রবণে রবি সহস্র মণ্ডল ॥
 বদন আয়ুধ শোভে সহস্রেক করে ।
 অশ্রবণে শোভে কত শশধরে ॥
 অশ্রবণে যেন সূর্য্যের উদয় ।
 বহুস কৌমুভমণি শোভিত হৃদয় ॥
 নদোলে আজানুলম্বিত বনমালা ।
 তাম্বর শোভে যেন মেঘোতে চপলা ॥
 জা-চক্র-গদা পদ্ম শাস্ত্র আর ধনু ।
 নাবর্ণ মণিময় বিভূষিত তনু ॥
 হস্ত সহস্র শস্ত্র আছে করযোড়ে ।
 তনু মুখে কত তারা স্তুতিবাণী পড়ে ॥
 বিশ্বরূপ বিশ্বপতি দেখে দেবগণ ।
 মকিত হৈয়া সবে হৈল অচেতন ॥
 মন্ত্ররাক্ষে থাকি ধাতা বিশ্বরূপ দেখি ।
 নিমিষেক চাহিলেক মেলি অষ্ট অংগি ॥
 অজ্ঞান হইয়া ধাতা আপনা পামরে ।
 করযোড় করিয়া পড়িল কতদূরে ॥
 মুকাইয়া ছিল শিব যোগীবর হ'য়ে ।
 চরণে পড়িল বিশ্বরূপ নিরখিয়ে ॥
 ইন্দ্র বস কুবের বরণ ভূতাসন ।
 উদ্ভূত দূর্য্য খগ নাগ গ্রহ রাশিগণ ॥
 যেই যথা আছিল সে সব গেল পড়ি ।
 অচেতন হ'য়ে সবে যায় গড়াগড়ি ॥

সকল পড়িল যদি করি প্রণিপাত ।
 যুধিষ্ঠিরে চাহি কন দেব জগন্নাথ ॥
 করযোড় করিয়া বলেন ভগবান ।
 পূর্ব্বভিতে মহারাজ কর অবধান ॥
 কমণ্ডলু জপমালা যায় গড়াগড়ি ।
 পড়িয়াছে চতুর্মুখ অষ্ট ভুজ যুড়ি ॥
 তাহার পশ্চাতে দেখ প্রজাপতিগণ ।
 কর্দম কশ্যপ আদি আর যত জন ॥
 ব্রহ্মার দক্ষিণে দেখ যোগী মহাদেব ।
 ত্রিলোচন পঞ্চানন প্রণমে মহেশ ॥
 কাভিক গণেশ দেখ তাহার পশ্চাৎ ।
 তব গুণে নমস্কারে ধন্য তুমি তাত ॥
 সহস্র নয়নে বহে ধারা অর্গণন ।
 হের দেখ প্রণমিছে সহস্রলোচন ॥
 দ্বাদশ আদিত্য আর দেব শশধর ।
 কুজ বৃধ আর গুরু শুক্র শনৈশ্চর ॥
 রাহু কেতু অগ্নি তারা বহু অষ্টজন ।
 মেঘ বার তিথি যোগ ঋষি যক্ষগণ ॥
 দেববাক্ষি ব্রহ্মবাক্ষি রাজবাক্ষিগণ ।
 প্রণাম করিছে সবে তোমার চরণ ॥
 যাম্যভিতে মহারাজ কর অবগতি ।
 প্রণাম করিছে পড়ি মৃত্যু-অধিপতি ॥
 পশ্চিমেতে অবধান কর নৃপবর ।
 করযোড়ে পড়িয়াছে জলের ঈশ্বর ॥
 হের দেখ মহারাজ সহস্র সোদর ।
 সহস্র মস্তক ধরে শেষ বিশ্বধর ॥
 প্রণাম করিছে তোমা ভূমিতলে পড়ি ।
 সহস্র মস্তকে ধূলি যায় গড়াগড়ি ॥
 উত্তরেতে মহারাজ অবধান কর ।
 প্রণাম করিছে তোমা বক্ষের ঈশ্বর ॥
 ধবল গন্ধর্ব অশ্ব দিয়া চারি শত ।
 হের দেখ প্রণাম করিছে চিত্ররথ ॥
 গন্ধর্ব কিম্বর বক্ষ অঙ্গরী অঙ্গর ।
 গড়াগড়ি যায় দেখ ভূমির উপর ॥
 তার বাম ভাগে দেখ রাক্ষসেব শ্রেষ্ঠ ।
 শ্রীরামের মিত্র হয় রাবণ কনিষ্ঠ ॥

হের অবধান কর কুন্তীর কোণ্ডর ।
 ছয় সহোদর দেখ খগের ঈশ্বর ॥
 ভীষ্ম দ্রোণ দেখ ধৃতরাষ্ট্র জ্যেষ্ঠতাত ।
 উগ্রসেন যজ্ঞসেন শল্য মদ্রনাথ ॥
 বসুদেব বাসুদেব আদি যত জন ।
 তব পদে প্রণাম করিছে সর্বজন ॥
 পৃথিবীতে নাহি রাজা তোমার তুলনা ।
 কে কহিতে পারে তব গুণের বর্ণনা ॥
 ব্রহ্মাণ্ড পূরিল রাজা তব কীৰ্ত্তি যশ ।
 তব গুণে মহারাজ হইলাম বশ ॥
 কৃষ্ণের ঈশ্বর শুনি রাজা যুধিষ্ঠির ।
 ভয়েতে আকুল হয় কম্পিত শরীর ॥
 নয়ন যুগলে পড়ে বারি ধারা নীর ।
 মুহুর্মুহু অচেতন হয় কুরুবীর ॥
 সধৈর্য্যে বলেন রাজা গদগদ বচন ।
 অকিঞ্চন জনে প্রভু এত কি কারণ ॥
 তোমার চরণে মম অসংখ্য প্রণাম ।
 অবধানে নিবেদন শুন ঘনশ্যাম ॥
 তড়িত জড়িত পীত কৌষবাস সাজে ।
 শ্রীবৎস কৌস্তুভ বিভূষিত অঙ্গমাঝে ॥
 শ্রবণে পরষে চক্ষু পুণ্ডরীকপাত ।
 বিষ্ণু বিশ্বরূপ প্রভু সর্বলোকনাথ ॥
 সংসারে আছয়ে যত পুণ্য-আত্মা জন ।
 সতত বন্দয়ে প্রভু তোমার চরণ ॥
 সে সবার তব পদ বন্দিবারে আশা ।
 আকাঙ্ক্ষায় মাগিবারে না করি ভরসা ॥
 যদি বর দিবা এই করি নিবেদন ।
 অনুক্ষণ বন্দি ঘেন তোমার চরণ ॥
 গোবিন্দ বলেন রাজা সব ক্ষম তুমি ।
 ভক্তিমূলে তোমাতে বিক্রীত আছি আমি ॥
 আমার নিয়মে বর্তে আমাতে ভকত ।
 বলি যে তাহাতে আমি করি এইমত ॥
 ব্রহ্মা আদি দেবরাজ সম নহে তার ।
 প্রত্যক্ষ দেখহ যত চরণে তোমার ॥
 তব তুল্য প্রিয় মম নাইক ভুবনে ।
 আমিও প্রণাম করি ভক্তের চরণে ॥

এত বলি জগন্নাথ পড়িয়া ধরণী ।
 করপুটে কহিতে লাগিল স্তুতিবাণী ॥
 মোহিলেন মায়ায় পুনশ্চ নারায়ণ ।
 যতেক দেখিল সব হৈল পাসরণ ।
 মাতুল-নন্দন হেন দেখিয়া অচ্যুতে ।
 সহদেবে কৈল আজ্ঞা বলহ উঠিতে ॥
 সহদেব ডাকি বলে উঠ নারায়ণ ।
 আজ্ঞা হৈল, নিবেদন কর প্রয়োজন ॥
 আজ্ঞা পেয়ে গোবিন্দ উঠেন ততক্ষণ ।
 বুকে হাত দিয়া কৃষ্ণ কহেন বচন ॥
 বহুদিন আইল যে দেব খগনাথ ।
 আজ্ঞা হৈল যায় সব ল'য়ে যজ্ঞভাগ ॥
 ভারতমণ্ডলে বৈসে যত নরপতি ।
 বহুদিন হৈল সব দ্বারে করে স্থিতি ॥
 ইতিমধ্যে অবিলম্বে যা'ক নিজদেশ ।
 বিদায় করহ শীঘ্র নাগরাজ শেষ ॥
 যজ্ঞস্থানে নাগরাজ আছে সাত দিন ।
 সপ্তদিন হৈল সখা অন্নজলহীন ॥
 বুঝিয়া স্থাঝিয়া নাগ কৈল অবিচার ।
 সখার উপরে দিল ধরণীর ভার ॥
 এতেক কহেন যদি দেব জগৎপতি ।
 লজ্জায় মলিন মুখ শেষ অধিপতি ॥
 অনুমতি করিলেন ধর্ম্মের নন্দন ।
 যার যেই ভাগ ল'য়ে করিল গমন ॥
 পুণ্যকথা ভারতের শুনিলে পবিত্র ।
 রাজসূয় যজ্ঞকথা অদ্ভুত-চরিত্র ॥
 ভুবনে বিখ্যাত সে ব্যাস মহামুনি ।
 বিচিত্র তাঁহার কীৰ্ত্তি যজ্ঞের কাহিনী ॥
 কাশীরাম দাস কহে রচিয়া পয়ার ।
 যাহার শ্রবণে হয় পাপের সংহার ॥

সভায় রাজগণের প্রবেশ ।

ধর্ম্মরাজ আজ্ঞা তবে কৈল ততক্ষণ ।
 চারি দ্বারে আছয়ে যতেক রাজগণ ॥
 সভামধ্যে সবাকারে আইস লইয়া ।
 যত রত্ন ভাণ্ডারেতে সব সমর্পিয়া ॥

জ্ঞা মাত্র আইলেন যত রাজগণ ।
 ঐরাজে প্রণাম করিল সর্বজন ॥
 দিতে করেন আজ্ঞা ধর্ম্মের নন্দন ।
 ॥যোগ্য স্থানেতে বসিল সর্বজন ॥
 থিবার রাজগণ বসিল যখন ।
 হ্রসভা হৈতে শোভা হইল তখন ॥
 রদ দেখিয়া সভা হৃদয়ে ভাবিয়া ।
 হিলেন ব্যাসদেবে একান্তে বসিয়া ॥
 তেক দেখহ বসিয়াছে রাজগণ ।
 ॥গ্না যুদ্ধ করি সবে হইবে নিধন ॥
 ॥ল্লদিনে খণ্ডিবেক পৃথিবীর ভার ।
 ॥রম্পর মারি সবে হইবে সংহার ॥
 ৱদের মুখে এত শুনিয়া বচন ।
 বস্ময় মানিয়া চিত্তে চিন্তে তপোধন ॥
 ইবে অদ্রুত হেন বিচারিল মনে ।
 ইজন বিনা না জানিল অন্য জনে ॥

শিশুগাল বধ ।

শুনি বলে শুন পরীক্ষিতের নন্দন ।
 ষ্ঠাময় রাজসূয় যজ্ঞের কথন ॥
 যুধিষ্ঠির সমাপন করিলেন যাগ ।
 ভুক্ত করিলেন দিয়া যার যেই ভাগ ॥
 দাক্ষাতে লইল পূজা দেব পিতৃ ভূপে ।
 দাক্ষিণে দক্ষিণা দিতে কহিলেন কূপে ॥
 যে রাজ্যে হৈতে আইল যত দ্বিজগণ ।
 সে রাজ্যের রাজা আনিয়াছিল যত ধন ॥
 দ্বিগুণ করিয়া তার দক্ষিণা যে দিল ।
 আনন্দেতে দ্বিজগণ দেশেতে চলিল ॥
 এক দ্বিজ দুই চারি লইয়া রাখাল ।
 দেশেতে চালায়ে দিল যার যেই পাল ॥
 কেহ অশ্ব গজ পৃষ্ঠে কেহ চড়ি রথে ।
 রত্নের শকট চালাইয়া দিল সাথে ॥
 দক্ষিণা পাইয়া দ্বিজগণ গেল দেশে ।
 গঙ্গাপুত্র বলিছেন ধর্ম্মপুত্র পাশে ॥
 বহুদূর হইতে আইল রাজগণে ।
 বৎসর হইল পূর্ণ তোমার ভবনে ॥

সবাকার পূজা কর বিবিধ বিধানে ।
 যজ্ঞপূর্ণ হৈল সবে যাউক ভবনে ॥
 যথাযোগ্য জানি রাজা পূজ ক্রমে ক্রমে ।
 শ্রেষ্ঠজন জানি অগ্রে পূজহ প্রথমে ॥
 এত শুনি যুধিষ্ঠির ভীষ্মের বচন ।
 ভাল বলি সহদেবে করেন স্মরণ ॥
 আজ্ঞা মাত্র সহদেব তখনি আইল ।
 অর্ঘ্যপাত্র লইয়া সন্মুখে দাণ্ডাইল ॥
 যুধিষ্ঠির জিজ্ঞাসেন শুন পিতামহ ।
 কাহারে পূজিব অগ্রে শ্রেষ্ঠ কেবা কহ ॥
 ভীষ্ম বলে বৃষ্ণিবংশে বিষ্ণু অবতার ॥
 উদ্দেশে মহেন্দ্র আদি পূজা করে যার ॥
 সর্ব অগ্রে অর্ঘ্য দেহ চরণে তাঁহার ।
 তারাগণ মধ্যে যেন চন্দ্রের আকার ॥
 ভকতবৎসল সেই কৃপা অবতার ।
 তাঁর অগ্রে অর্ঘ্য পায় নাহি হেন আর ॥
 তবে অর্ঘ্য দেহ বীর রাজগণ শিরে ।
 এত শুনি আনন্দিত সহদেব বীরে ॥
 অর্ঘ্য দিয়া গোবিন্দ-চরণ পূজা করে ।
 হৃদেচিহ্ন হ'য়ে কৃষ্ণ লইলেন করে ॥
 কৃষ্ণে পূজি আনন্দিত পাণ্ডুপুত্রগণ ।
 সহিতে নারিল দামুঘোষের নন্দন ॥
 জ্বলন্ত অনলে যেন দ্রুত দিল ঢালি ।
 ভীষ্ম আদি সবাকারে ক্রোধে পাড়ে গালি ॥
 রাজসূয় যজ্ঞপূর্ণ কৈল কুরুবর ।
 দেখিয়া কৃষ্ণের পূজা চেদৌর ঈশ্বর ॥
 ক্রোধেতে অবশ অঙ্গ বলে বার বার ।
 ওহে ভীষ্ম এ তোমার কিমত বিচার ॥
 সভাতে আছয়ে যত রাজা হুয়ার ।
 পৃথিবীর যত রাজা দ্বারেতে তোমার ॥
 রাজসূয় যজ্ঞে অগ্রে পূজিবেক রাজা ।
 কোন্ রাজপুত্র কৃষ্ণ, তাঁর কৈন পূজা ॥
 কোন্ রূপে পূজাযোগ্য হয় দামোদর ।
 কহ শুনি ওহে ভীষ্ম সভার ভিতর ॥
 বড় দেখি পূজা যদি চাহ করিবারে ।
 দ্রুপদেরে ছাড়ি কেন পূজহ ইহারে ॥

বিশেষ আছেন বস্তুদেব মহামতি ।
 পিতা স্থিতে পুঞ্জ পূজা কহ কোন্ রীতি ॥
 যদি বা পূজিবে ইথে আচার্য্যের ক্রমে ।
 দ্রোণ ত্যজি কৃষ্ণে কেন পূজিলা প্রথমে ॥
 যত্বপি বলিয়া ঋষি পূজিবে রাজন ।
 গোপালে পূজহ কেন ত্যজি দ্বৈপায়ন ॥
 রাজক্রমে পূজিবারে চাহ নৃপবর ।
 দুর্যোধন ত্যজ কেন পূজ দামোদর ॥
 যোদ্ধাগণ পূজিবারে যদি ছিল মন ।
 কর্ণবীর ছাড়ি কেন পূজ নারায়ণ ॥
 প্রিয় শিষ্য শ্রীরামের কর্ণ মহাবীর ।
 ভুজবলে শাসিত নৃপতি পৃথিবীর ॥
 অশ্বখামা কৃপসেন ভীষ্মক নৃপতি ।
 আমা আদি করি রাজা আছে মহামতি ॥
 গণিলা কাহার মধ্যে এই গোপালেরে ।
 কি বুঝিয়া অর্ঘ্য দিল সভার ভিতরে ॥
 প্রিয়বন্ধু বলি যদি কৃষ্ণে কৈলে পূজা ।
 তবে কেন আপনি আনিলা সর্বরাজা ॥
 ক্ষত্রিয় মধ্যেতে এই পৃথিবী ভিতরে ।
 এমন অনায়াসে কহ কভু নাহি করে ॥
 ধর্ম্ববাঞ্ছা করিয়াছে ধর্ম্মের নন্দন ।
 ধর্ম্মকর্ম্ম হেতু সবে করিল গমন ॥
 নিমন্ত্রিয়া আনিয়া করহ অপমান ।
 এই হৈতে ধর্ম্ম তোর হৈল সমাধান ॥
 হে গোপাল তোমার বদনে নাহি লাজ ।
 কেমনে লইলা অর্ঘ্য এ সবার মাঝ ॥
 স্বান্ যেন হবি খায় পাইয়া নির্জনে ।
 কোন তেজে অমান্য করিলা রাজগণে ॥
 এ সভায় তব পূজা হৈল বড় শোভা ।
 নপুংসক জনের হৈল যেন বিভা ॥
 অন্ধস্থানে অন্ধ যেন জিজ্ঞাসয়ে পথ ।
 সভামাঝে তব পূজা হৈল সেই মত ॥
 দুর্ঘট ভীষ্ম দুর্ঘট কৃষ্ণ দুর্ঘট এ রাজন ।
 দুর্ঘটের সভায় নাহি রহি কদাচন ॥
 যেই ছার সভায় সৃজনে অপমান ।
 ক্ষণমাত্র তথায় না রহে জ্ঞানবান ॥

এত বলি উঠিয়া চলিল শিশুপাল ।
 সঙ্গেতে চলিল দুর্ঘট কতেক ভূপাল ॥
 শীঘ্রগতি যুধিষ্ঠির ত্যজি সিংহাসন ।
 শিশুপাল প্রতি কহে মধুর বচন ॥
 এ কর্ম্ম তোমার যোগ্য নহে চেদিশ্বর ।
 যজ্ঞ হৈতে ল'য়ে যাও যত নৃপবর ॥
 কি কারণে নিন্দা কর গঙ্গার নন্দনে ।
 আপনি দেখহ বড় বড় রাজগণে ॥
 কৃষ্ণের পূজায় কার' নাহি অপমান ।
 মুনিগণ যত সবে আনন্দ বিধান ॥
 পিতামহ জানেন যে গোবিন্দের তত্ত্ব ।
 প্রথমে পূজিয়া তাঁর রাখেন মহত্ব ॥
 ভীষ্ম বলিছেন শুন ধর্ম্ম গুণাধার ।
 শান্তিযোগ্য নহে দামুঘোষের কুমার ॥
 কৃষ্ণপূজা করিবারে নিন্দে যেইজন ।
 সে জনারে মান্য নাহি করো কদাচন ॥
 দুর্ঘটবুদ্ধি শিশুপাল অল্প জ্ঞানবান ।
 রাজগণ মধ্যে তোমা না লিখিবা নাম ॥
 পূজা করে কৃষ্ণপদ ত্রৈলোক্য অবধি ।
 আমি কিসে গণ্য যারে পূজা করে বিধি ॥
 বহু বহু জ্ঞানবুদ্ধ লোক মুখে শুনি ।
 কৃষ্ণের মহিমা নাহি জানে পদ্মযোনি ॥
 জন্ম হৈতে ইহার মহিমা অগোচর ।
 আমি কি বলিব সব খ্যাত চরাচর ॥
 বিপ্রমধ্যে পূজা পায় জ্ঞানী বুদ্ধগণ ।
 ক্ষত্রমধ্যে বলবান করি যে পূজন ॥
 বৈশ্যমধ্যে পূজা করে অগ্রে বহুধনে ।
 শূদ্র মধ্যে পূজা পায় বয়োধিক জনে ॥
 যত ক্ষত্রগণ আছে সভার ভিতরে ।
 কোন্ জন জ্ঞাত নহে আছে দামোদরে ॥
 কোন্ রূপে কৃষ্ণ ন্যূন এ সভার মাঝ ।
 কুলে বলে কৃষ্ণ তুল্য আছে কোন্ রাজ ॥
 দান যজ্ঞ ধর্ম্ম আর কীর্তি সম্পদেতে ।
 সংসারের যত গুণ আছেয়ে কৃষ্ণেতে ॥
 সংসারের যত কর্ম্ম যে জন করয় ।
 গোবিন্দেরে সমর্পিলে সর্ব সিদ্ধ হয় ॥

প্রকৃতি আকৃতি কৃষ্ণ আদি সনাতন ।
 রীভূতে আত্মারূপে আছে যেই জন ॥
 কাশ পৃথিবী তেজ সলিল মরুত ।
 সারে যতেক সব কৃষ্ণে প্রতিষ্ঠিত ॥
 লব্ধি শিশুপাল কিছু নাহি জানে ।
 মপূজা নিন্দা করে তথির কারণে ॥
 তেক বলিল যদি গঙ্গার নন্দন ।
 হৃদে বলিতে লাগিল ততক্ষণ ॥
 প্রেমের পরাক্রম যেই নারায়ণ ।
 হন প্রভু পূজিবারে নিন্দে যেই জন ॥
 তাহার মস্তকে আমি বামপদ দিয়া ।
 এ সভার মধ্যে তেঁই বলিব ডাকিয়া ॥
 গজচর্যা বুদ্ধি বলে অধিক কে আছে ।
 কৃষ্ণ হৈতে এ সবার মধ্যে আগে পাছে ॥
 এতক বলিল যদি মাদ্রীর নন্দন ।
 হৃদে দিলে যেমন জ্বলিল হতাশন ॥
 শিশুপাল আদি করি যত নৃপগণ ।
 ক্রোধভরে গর্জিয়া উঠিল ততক্ষণ ॥
 ক্রোধ নাশ কর আর মারহ পাণ্ডব ।
 রক্ষিবংশ মার আর মারহ মাধব ॥
 এত বলি রাজগণ মহা কোলাহলে ।
 প্রলয় সময়ে যেন সমুদ্রে উথলে ॥
 রাজগণ আড়ম্বর গৈ ধর্ম্মরায় ।
 ভীয়ে বেলেন কহ ইহার উপায় ॥
 ইহার বিধান আজ্ঞা কর মহাশয় ।
 রাজগণ রক্ষা পায় যজ্ঞপূর্ণ হয় ॥
 ভীয়ে বলিলেন রাজা না করিও ভয় ।
 প্রথমে করেছি আমি ইহার উপায় ॥
 গোবিন্দের আরাধনা করে যেইজনে ।
 তাহার কাহারে ভয় এ তিন ভুবনে ॥
 এই সব ক্রুদ্ধ যত দেখহ রাজন ।
 ইথে সিংহ প্রায় দেখি দৈবকীনন্দন ॥
 যতক্ষণ সিংহ নিদ্রা হইতে না উঠে ।
 গর্জয়ে শৃগালগণ তাহার নিকটে ॥
 যতক্ষণ গোবিন্দ না করে অবধান ।
 ততক্ষণ গর্জিবেক এ সব অজ্ঞান ॥

শিশুপালের বুদ্ধিতে পর্জেক যত জন ।
 তাহারাইবে শীঘ্র যমের সদন ॥
 আমি দেখি পতঙ্গ বিক্রম যত করে ।
 ক্ষণমাত্রে ভস্ম হয় পরশি অগ্নিরে ॥
 উৎপত্তি প্রলয় স্থিতি যাহার স্বভাব ।
 মূঢ় শিশুপাল কিছু না জানে সে ভাব ॥
 ভীষ্মের বচন শুনি দামোঘোষস্বত ।
 কটুবাণে নিন্দা করি বলিল বহুত ॥
 বুদ্ধ বলি লজ্জা নাহি কুলঙ্গার ওরে ।
 বিভীষিকা প্রায় ভয় দেখাও সবারে ॥
 বুদ্ধ হৈলে লোক প্রায় মতিচ্ছন্ন হয় ।
 ধর্ম্মচ্যুত কথা তাই কহ দুরাশয় ॥
 কুরুগণ মধ্যে তোমা দেখি এইমত ।
 অন্ধ যেন অন্ধজনে জিজ্ঞাসয়ে পথ ॥
 কৃষ্ণের বড়াই না করহ বহুতর ।
 তাহার মহিমা যে কাহার অগোচর ॥
 তার অগ্রে কহ নাহি জানে যেইজন ।
 স্ত্রীলিঙ্গ পুতনা দুটা করিল নিধন ॥
 কাষ্ঠের শকটখান দিল ফেলাইয়া ।
 পুরাতন দুই বৃক্ষ ফেলিল ভাঙ্গিয়া ॥
 বুধ অশ্ব মারিয়া হইল অহঙ্কার ।
 ইন্দ্রজাল করি কংসে করিল সংহার ॥
 মণ্ডুদিন গোবর্দ্ধন ধরিল বলয় ।
 এ সব তোমার চিন্তে মোর চিন্তে নয় ॥
 বল্লীকের ছত্র প্রায় লাগে মম মনে ॥
 বড় বলি কহিল অবোধ গোপগণে ॥
 সাধুজন সঙ্গে তোর নাহিক মিলন ।
 শুন আমি কহি যে কহিল সাধুজন ॥
 স্ত্রীলিঙ্গ গো দ্বিজ আর অন্ন খাই যার ।
 এইজনে কদাচিত না করি গ্রহার ॥
 স্ত্রীলিঙ্গ পুতনা মারি বুধ মারে মাঠে ।
 কংসেরে মারিল যার অর্দ্ধ অন্ন পেটে ॥
 তোর কশ্মে পাণ্ডবের বড় হবে তাপ ।
 ধর্ম্মচ্যুত হৈলি তুই দুষ্কর্ম্মমতি পাপ ॥
 আপনারে ধর্ম্মজ্ঞ বলিস্ লোক মাঝ ।
 ইহার যতেক কশ্ম্ম শুন সর্ব্ব রাজ ॥

কাশীরাজ অম্বা যেই শাস্ত্রে ব'রেছিল ।
 এই দুষ্ক গিয়া তারে হরিয়া আনিল ॥
 বার্তা জানি পুনঃ তারে করিল বর্জন ।
 শালুরাজ শুনি তারে না কৈল গ্রহণ ॥
 তবে কন্যা প্রবেশিল অনল ভিতর ।
 স্ত্রী বধিয়া মহাপানী খ্যাত চরাচর ॥
 আরে ভীষ্ম তোর ভাই স্বধর্ম্মেতে ছিল ।
 সুপথে বিচিত্রবীর্য্য জন্ম গোড়াইল ॥
 সে মরিল নিজ ভার্য্যা দিয়া অন্ত্রজনে ।
 তুমি দুরাচার জন্মাইলে পুত্রগণে ॥
 ব্রহ্মচারী আপনারে বলাইস্ লোকে ।
 হেন ব্রহ্মচার্য্য করে বহু নপুংসকে ॥
 কোনরূপে তব শ্রেয় নাহি দেখি আমি ।
 দান যজ্ঞ ব্রত ব্যর্থ কর অধোগামী ॥
 বেদপাঠ ধ্যান ব্রত যোগ যাগ দান ।
 ইহা সবে নাহি হয় অপত্য সমান ॥
 সর্ব্বদোষ কুলাঙ্গার আছে তোর স্থান ।
 অনপত্য বৃদ্ধ আর কুপথ বিধান ॥
 পূর্ব্ব শুনিয়াছি যে হংসের বিবরণ ।
 তাহার সদৃশ ভীষ্ম তোর আচরণ ॥
 হংসযুথ মধ্যে যেন বৃদ্ধ হংস থাকে ।
 ধর্ম্ম কর ধর্ম্মাচার বলে সর্ব্বলোকে ॥
 অহর্নিশি বুধগণে ধর্ম্ম কথা কয় ।
 ধার্ম্মিক জানিয়া সবে তার বাক্য লয় ॥
 হংসগণ যায় যদি আহার কারণে ।
 সবে কিছু কিছু আনে তাহার ভোজনে ॥
 আপন আপন ডিম্ব রাখিয়া তথায় ।
 বিশ্বাস করিয়া সবে চরিয়া বেড়ায় ॥
 ক্রমে ক্রমে ডিম্ব সব করিল ভক্ষণ ।
 দেখি শোকাকুল হৈল সব হংসগণ ॥
 এক হংস বুদ্ধিমন্ত তাহাতে আছিল ।
 বৃদ্ধ হংস ডিম্ব খায় প্রকারে জানিল ॥
 ক্রোধে সব হংস তারে করিল নিধন ।
 সেই হংস মত ভীষ্ম তব আচরণ ॥
 বৃদ্ধ হংসে হংস যেন করিল নিধন ।
 সেইরূপ তোমারে মারিবে রাজগণ ॥

আরে ভীষ্ম জ্ঞান হারাইলে বৃদ্ধকালে ।
 যে গোপজাতির নিন্দা করয়ে সকলে ॥
 বৃদ্ধ হ'য়ে তারে তুই করিস স্তবন ।
 ধিক ক্ষত্র ভীষ্ম নাম ধর অকারণ ।
 জরাসন্ধ রাজা ছিল রাজচক্রবর্তী ।
 কদাচিত না যুঝিল ইহার সংহতি ॥
 গোপজাতি বলি যুগা কৈল নরবর ।
 তার ভয়ে রহেছিল সমুদ্র-ভিতর ॥
 কপটে মারিল জরাসন্ধ নৃপবরে ।
 দ্বিজরূপে গেল দুষ্ক পুরীর ভিতরে ॥
 ইহার জাতির আমি না পাই নির্ণয় ।
 কভু ক্ষত্র কভু গোপ কভু দ্বিজ হয় ॥
 কহ ভীষ্ম এই যদি হয় জগৎপতি ।
 তবে কেন ক্ষণে ক্ষণে হয় নানা জাতি ॥
 এই সে আশ্চর্য্য বোধ হইতেছে মনে ।
 ধর্ম্ম অসম্ভব করে তোমার বচনে ॥
 দুর্দৈব হইবে যার তুমি বুদ্ধিদাতা ।
 তোর বুদ্ধিদোষে রাজসূয় হৈল বৃথা ॥
 শিশুপাল ভীষ্মে কটু বলিল অপার ।
 শুনি ক্রোধে জ্বলিলেন পবন-কুমার ॥
 তুই চক্ষু রক্তবর্ণ দন্ত কটমটি ।
 সর্ব্বাঙ্গ ঘামিল ক্রোধে ললাটে ক্রকুটি ॥
 রক্তমুখ বিকৃতি অধরে দন্ত চাপ ।
 সিংহাসন হইতে উঠিল দিয়া লাফ ॥
 যুগান্তের যম যেন সংহারিতে সৃষ্টি ।
 শিশুপাল উপরে ধাইল ক্রোধদৃষ্টি ॥
 বহু তর মিষ্ট ভাষে ভীষ্মে নিবারিল ।
 সমুদ্র তরঙ্গ যেন কূলে লুকাইল ॥
 না পারিল ভীষ্মহস্ত করিতে মোচন ।
 জলে নিবারিল যেন দীপ্ত হতাশন ॥
 দুষ্ক শিশুপাল তবে অল্প জ্ঞান করি ।
 ক্ষুদ্র যুগ দেখি যেন হাসয়ে কেশরী ॥
 ডাকি বলে আরে রে রহিলি কি কারণ ।
 হস্ত ছাড়' ভীষ্ম কেন কর নিবারণ ॥
 কোতুক দেখহ যত নৃপতি সকলে ।
 পতঙ্গের মত যেন দহিবে অনলে ॥

ভীমে নিবারিয়া কহে গঙ্গার নন্দন ।
 এই শিশুপালের শুনহ বিবরণ ॥
 চন্দ্ররাজগৃহে জন্ম হইল যখন ।
 গরিগোটা হস্ত আর হৈল ত্রিলোচন ॥
 স্নানমাত্র ডাকিলেন গর্দভের প্রায় ।
 বপরীত দেখি কম্প হৈল বাপ মায় ॥
 স্নানমাত্র ইহারে ত্যজিতে কৈল মন ।
 মাচন্নিতে শুনে শূন্য আশ্রয়ী বচন ॥
 শ্রীমন্ত বলিষ্ঠ এই হইবে নন্দন ।
 ॥ করিও ভয়, কর ইহারে পালন ॥
 বপরীত দেখি যদি চিন্তা কর মনে ।
 ইহার কারণ কিছু শুন সাবধানে ॥
 যেইজন এই শিশু করিবে সংহার ।
 দুই ভুজ লুকাইবে পরশে তাঁহার ॥
 তুভুজ হ'য়েছিল চন্দ্রীর নন্দন ।
 রাজ্যে রাজ্যে শুনিল যতেক রাজগণ ॥
 আশ্চর্য্য শুনিয়া সবে যায় দেখিবারে ।
 নশ বিশ রাজা নিত্য যায় তার পুরে ॥
 সবাকারে দাম্ভঘোষ করয়ে অর্চন ।
 কোলে দেয় সবাকারে আপন নন্দন ॥
 তবে কতদিনে শুনি হেন বিবরণ ।
 দেখিতে গেলেন তথা রাম নারায়ণ ॥
 দেখি পিতৃস্বপ্ন করে বহু সমাদর ।
 হৃষ্টচিত্তে ভুঞ্জাইল দুই সহোদর ॥
 স্নেহেতে বালক লৈয়া দিল কৃষ্ণকোলে ।
 অমনি দু-হস্ত খসি পড়ে ভূমিতলে ॥
 কপালের নয়ন কপালে লুকাইল ।
 দেখিয়া ইহার মাতা সশঙ্ক হইল ॥
 করযোড় করি বলে দেব দামোদরে ।
 এক বর মাগি বাপু আজ্ঞা কর মোরে ॥
 ভয়ে কম্পমান হৈল আমার শরীর ।
 তুমি ভয় ভাঙ্গিলে শরীর হয় স্থির ॥
 শ্রীকৃষ্ণ বলেন মাতা না ভাবিও মনে ।
 কোন বর আজ্ঞা কর দিব এইক্ষণে ॥
 মহাদেবী বলে মোরে এই বর দিবা ।
 এ পুত্রের অপরাধ সত্তত ক্ষমিবা ॥

বহু অপরাধ এই করিবে তোমার ।
 মোরে দেখি অপরাধ ক্ষমিবে উহার ॥
 কৃষ্ণ বলে না লজ্জিব বচন তোমার ।
 শত অপরাধ আমি ক্ষমিব ইহার ।
 অবশ্য ক্ষমিব দোষ একশতবার ।
 তোমার অগ্রেতে মাতা করি অঙ্গীকার ॥
 পূর্ব্ব ইহা আছে এই রূপেতে নির্বন্ধ ।
 মুঢ় শিশুপাল দুই চক্ষু স্থিতে অন্ধ ॥
 হে পুত্র ডাকিছে দুষ্টি যুদ্ধের কারণ ।
 তব কৰ্ম্ম নহে ইহা কুন্তীর নন্দন ॥
 শ্রীকৃষ্ণের অংশ কিছু আছে ইহার ॥
 সে কারণে ইহা সহ যুদ্ধ না যুয়ায় ॥
 হে পুত্র কে আছে আজি সংসার ভিতরে ।
 কাহার শক্তি মোরে গালি দিতে পারে ॥
 কুবচন বলিল যে এই কুলাঙ্গারে ।
 হীনবীৰ্য্য হৈলে সেও নারে সহিবারে ॥
 বিষ্ণু অংশ কিছু আছে ইহার শরীরে ।
 তাই তৃণবৎ মানে আমি সবাকারে ॥
 ভীষ্মের এতেক বাক্য শুনি চন্দ্রীশ্বর ।
 হাস্য পরিহাস্য করি বলয়ে উত্তর ॥
 ভাল হৈল শত্রু মম নন্দের নন্দন ।
 তোর হেন স্তুতি তারে কিসের কারণ ॥
 লোকের বর্ণনা যথা করে ভট্টগণ ।
 এত যদি কর তুমি পরের স্তবন ॥
 যত স্তুতি কৈলে তুমি নন্দের নন্দনে ।
 অন্য জনে কৈলে বর পেতে এতক্ষণে ॥
 বাহুল্যিক রাজার যদি করিতে স্তবন ।
 মনোনীত বর তবে পাইতে এক্ষণ ॥
 মহাদাতা কর্ণ বীর বিখ্যাত সংসারে ।
 জরাসন্ধ রাজা যারে হারিলা সমরে ॥
 শ্রবণে কুণ্ডল যার দেবের নিষ্ঠাণ ।
 অভেদ্য কবচ অঙ্গে সূর্য্য দীপ্তমান ॥
 অঙ্গ রাজ্যেশ্বর সেই দানে অকাতর ।
 কর্ণে স্তুতি করিলে পাইতে ভাল বর ॥
 দ্রোণ দ্রোণি পিতাপুত্র বিখ্যাত সংসারে ।
 যুধিষ্ঠিরকে ভ্রমণ্ডল পারে জিনিবারে ॥

সম্পূর্ণ হইল যজ্ঞ সিদ্ধ হৈল কাজ ।
 লক্ষ রাজা উপরে হইলে মহারাজ ॥
 তোমার মহিমা যত কহেছি বিশেষ ।
 আজ্ঞা কৈলে যাই সবে নিজ নিজ দেশ ॥
 রাজগণ বচন শুনিয়া ধর্ম্মরায় ।
 কহিলেন ভ্রাতৃগণে পূজহ সবায় ॥
 যথাযোগ্য মান্য করি ভূমিপতিগণে ।
 অগ্রসরি কত পথ যাও-জনে জনে ॥
 রাজার আজ্ঞায় নানাবিধ রত্ন দিয়া ।
 পাঠাইল রাজগণে সন্তোষ করিয়া ॥

যজ্ঞ অন্তে দুর্যোধনের গৃহে গমন ।

রাজগণ নিজ রাজ্যে করিল গমন ।
 ধর্ম্মরাজে কহিলেন দেব নারায়ণ ॥
 আজ্ঞা কর দ্বারকায় যাই মহাশয় ।
 তব যজ্ঞ পূর্ণ হৈল মম ভাগ্যোদয় ॥
 অপ্রমাদে রাজ্য কর পাল প্রজাগণ ।
 স্নহদ কুটুম্ব লোকে করহ পালন ॥
 এত বলি ধর্ম্ম সহ দেব নারায়ণ ।
 কুন্তীস্থানে গিয়া করিলেন নিবেদন ॥
 আজ্ঞা কর যাই আমি দ্বারকা ভবনে ।
 হইল সাম্রাজ্য লাভ তব পুত্রগণে ॥
 কুন্তী বলিলেন তাত এ নহে অদ্বুত ॥
 যাহারে কিঞ্চিৎ দয়া করহ অচ্যুত ।
 এত বলি কৃষ্ণশিরে করিল চুম্বন ॥
 প্রণাম করেন হরি ধরিয়া চরণ ॥
 দ্রৌপদী স্তম্ভদ্রা সহ করি সন্তোষণ ।
 একে একে সন্তোষেণ ভাই পঞ্চজন ॥
 রথে চড়ি চলিলেন হরি দ্বারাবর্তী ।
 কৃষ্ণের বিচ্ছেদে দুঃখী ধর্ম্ম নরপতি ॥
 হেনমতে নিজ দেশে গেল সর্ব্বজন ।
 ইন্দ্রপ্রস্থে রহিল শকুনি দুর্যোধন ॥
 বাঙ্খা বড় ধর্ম্মরাজ সভা দেখিবারে ।
 কতদিন বঞ্চে তথা কুরু নৃপবরে ॥
 শকুনি সহিত সভা নিত্য নিত্য দেখে ।
 দিব্য মনোহর সভা অনুপম লোকে ॥

নানা রত্ন বিরচিত যেন দেবপুরী ।
 দেখিয়া বিস্ময়াপন্ন কুরু অধিকারী ॥
 অমূল্য রতনেতে মণ্ডিত গৃহগণ ।
 এক গৃহ তুল্য নহে হস্তিনাভুবন ॥
 দেখি দুর্যোধন রাজা অন্তরে চিন্তিত ।
 একদিন দেখ তথা দৈবের লিখিত ॥
 মাতুল সহিত বিহরয়ে নরবর ।
 স্বাটিকের বেদী দেখে যেন সরোবর ॥
 জল জ্বালি নরপতি তুলিল বসন ।
 পশ্চাৎ জানিয়া বেদী লজ্জিত রাজন ॥
 তথা হৈতে কতদূরে গেল নরবর ।
 লজ্জায় মলিন মুখ কাঁপে থর থর ॥
 স্বাটিকের বাণী বলি ভ্রমে না জানিল ।
 স-বসন দুর্যোধন বাণীতে পড়িল ॥
 দেখিয়া হাসিল তবে যত সভাজন ।
 ভীম পার্থ আর দুই মাদ্রীর নন্দন ॥
 দেখিয়া দিলেন আজ্ঞা রাজা ভ্রাতৃগণে ।
 ধরিয়া তুলিল বাণী হৈতে দুর্যোধনে ॥
 সোদক বসন তাজি পরাইল বাস ।
 করাইল নিবৃত্ত লোকের যত হাস ॥
 অভিমানে কাঁপে দুর্যোধন-কলেবর ।
 বাহির হইল তবে চিন্তিত অন্তর ॥
 ক্রোধেতে চলিল তবে গান্ধারী-কুমার ।
 ভ্রম হৈল দেখিবারে না পায় দুয়ার ॥
 স্থানে স্থানে প্রাচীরেতে স্বাটিক মণ্ডন ।
 দ্বার হেন জানিয়া চলিল দুর্যোধন ॥
 ললাটে প্রাচীর বাজি পড়িল ভূতলে ।
 দেখিয়া হাসিল পুনঃ সভার সকলে ॥
 তাহা দেখি শীঘ্রগতি ধর্ম্মের কুমার ।
 নকুলেরে পাঠালেন দেখাইতে দ্বার ॥
 নকুল ধরিয়া হস্ত করিল বাহির ।
 অভিমানে দুর্যোধন কম্পিত শরীর ॥
 ক্রণমাত্র তথায় বিলম্ব না করিল ।
 যুধিষ্ঠির-আজ্ঞা মাগি রথ আরোহিল ॥
 মাতুল সহিত তবে চলিল হস্তিনা ।
 ঘনধ্বাস হেঁটমাথা হইয়া বিমনা ॥

কত শত শকুনি বলয়ে দুর্ঘ্যোধনে ।
 উত্তর না পেয়ে জিজ্ঞাসিল ততক্ষণে ॥
 সঘনে নিশ্বাস কেন মলিন বদন ।
 অত্যন্ত চিন্তিত চিত্ত কিসের কারণ ॥
 দুর্ঘ্যোধন বলে মামা কর অবধান ।
 হৃদয় দহিছে মম এই অপমান ॥
 পাণ্ডবের বশ হৈল পৃথিবীমণ্ডল ।
 একলক্ষ নৃপতি খাটিল ছত্রতল ॥
 ইন্দ্রের বৈভব জিনি কুন্তীর কুমার ।
 কুবেরের কোষ জিনি পূর্ণিত ভাণ্ডার ॥
 এ সব দেখিয়া মোর শুকাইল কায় ।
 সরোবর-জল যেন নিদাঘে শুকায় ॥
 শকুনি বলিল ভাল বিচারিলা মনে ।
 সংগ্রামে কে জিনিবেক পাণ্ডুপুত্রগণে ॥
 জিনিবারে এক বিদ্যা আছে মম স্থান ।
 জিনিবারে চাহ যদি লহ সেই জ্ঞান ॥
 দুর্ঘ্যোধন বলে কহ মাতুল স্মৃতি ।
 হেন বিদ্যা আছে যদি দেহ শীঘ্রগতি ॥
 শকুনি বলিল এই শুন দুর্ঘ্যোধন ।
 পাশায় নিপুণ নহে ধর্ম্মের নন্দন ॥
 ক্ষত্রনীতি আছে হেন যত্নপি আহ্বান ।
 কিবা দ্যুতে কিবা যুদ্ধে বিমুখ না হন ॥
 কদাচিত্ যুধিষ্ঠির বিমুখ না হবে ।
 খেলিলে তোমার জয় অবশ্য হইবে ॥
 এইরূপ বিচার করিয়া দুই জনে ।
 হস্তিনানগরে প্রবেশিল কতক্ষণে ॥
 ধৃতরাষ্ট্র-চরণে করিল নমস্কার ।
 আশীষ করিয়া জিজ্ঞাসিল সমাচার ॥
 দুর্ঘ্যোধন বলে হেন কি আছে উপায় ।
 বিনা হ্রন্দ্রে পাণ্ডবেরে জিনি নররায় ॥
 পাশাক্রীড়া জানে ভাল মাতুল শকুনি ।
 পাশায় পাণ্ডব-লক্ষ্মী সব লব জিনি ॥
 এতক শুনি অন্ধ বলিল তখন ।
 বিদুরে জিজ্ঞাসি আমি কহিব কারণ ॥
 বিদুর কহিল রাজা না কহিলা ভাল ।
 জানিলাম আজি হৈতে সর্বনাশ হৈল ॥

পাশা খেলাইবার মন্ত্রণা ।

জন্মোজয় বলে কহ শুনি মুনিবর ।
 কি হেতু হইল পাশা অনর্থের ঘর ॥
 পিতামহ পিতামহী দুঃখ যাহে পাইল ।
 কেবা খেলা নিবর্তিল কেবা প্রবর্তিল ॥
 কোন কোন জন ছিল সভার ভিতর ।
 যেই পাশা হৈতে হৈল ভারত সমর ॥
 মুনি বলে শুন পরীক্ষিতের তনয় ।
 ক্ষত্বাক্য শুনি অন্ধ চিন্তিত হৃদয় ॥
 দৃঢ় করি জানিল এ কর্ম্ম ভাল নয় ।
 একান্তে ডাকিয়া রাজা দুর্ঘ্যোধনে কয় ॥
 হে পুত্র কদাচ তুমি না খেলাও পাশা ।
 এ কর্ম্মেতে বিদুর না করিল ভরসা ॥
 মাতা পিতা তুমি যদি মান দুর্ঘ্যোধন ।
 না খেলহ পাশা তুমি শুনহ বচন ॥
 পরম পণ্ডিত তুমি না বুঝহ কেনে ।
 কি কারণে হিংসা কর পাণ্ডুর নন্দনে ॥
 কুরুকুলে জ্যেষ্ঠ শ্রেষ্ঠ যুধিষ্ঠির গণি ।
 হস্তিনানগর কুরুকুল রাজধানী ॥
 যুধিষ্ঠির স্থিতে তুমি পাইলে হস্তিনা ।
 তুমি যাহা দিলে তাহা নিল পঞ্চজন ॥
 ইন্দ্রের সমান পুত্র তোমার বৈভব ।
 নরযোনি হ'য়ে কার এমত সম্ভব ॥
 ইথে অনুশোচ পুত্র কিসের কারণ ।
 কি হেতু উদ্বিগ্ন কর কহ দুর্ঘ্যোধন ॥
 দুর্ঘ্যোধন বলে পিতা সমর্থ হইয়া ।
 অহঙ্কার নাহি যার শত্রুকে দেখিয়া ॥
 কাপুরুষ মধ্যে গণ্য হয় হেন জন ।
 বিশেষ ক্ষত্রিয় পাণ্ডব নহে আপন ॥
 মোরে যে বলিলে লক্ষ্মী গণি সাধারণ ।
 এইমত লক্ষ্মী পিতা ভুঞ্জে বহুজন ॥
 কুন্তীপুত্র লক্ষ্মী যেন দীপ্ত হতাশন ।
 দেখি মোর ধন্য প্রাণ আছে এতক্ষণ ॥
 পৃথিবী ব্যাপিল পিতা পাণ্ডবের যশ ।
 যতক নৃপতি পিতা হৈল তার বশ ॥

যুধিষ্ঠির বচনে সদাই কৃষ্ণ খাটে ।
 সমস্ত ভূপতি কর দেয় করপুটে ॥
 আর করিলেক দেখ কপট পাণ্ডব ।
 মম স্থানে ধন রত্ন রাখিলেক সব ॥
 দেখিতে দেখিতে মম ভ্রান্তি হৈল মন ।
 অপমান কৈল যত শুনহ কারণ ॥
 মায়া সভামধ্যে কিছু না পাই দেখিতে ।
 ফাটকের বেদী সব হেন লয় চিতে ॥
 জল জানি তুলিলাম পিঙ্গন বসন ।
 দেখিয়া হাসিল লোক যত সভাজন ॥
 তথা হৈতে কতদূরে দেখি জলাশয় ।
 ফটিক বলিয়া তায় মনেভ্রম হয় ॥
 পড়িলাম মহাশব্দে সবস্ত্র তাহাতে ।
 চতুর্দিকে লোকগণ লাগিল হাসিতে ॥
 ভীম ধনঞ্জয় আর যত সভাজন ।
 দ্রোপদীর সহিত যতেক নারীগণ ॥
 সর্বজন আমারে করিলে উপহাস ।
 যুধিষ্ঠির পরিবারে দিল অন্য বাস ॥
 বলিল কিঙ্করগণে বস্ত্র আনিবারে ।
 পরাইল বাপী হৈতে তুলিয়া আমারে ॥
 কার প্রাণে সহে পিতা এত অপমান ।
 আর যে করিল পিতা কর অবধান ॥
 স্থানে স্থানে ফাটকের নিশ্চিত প্রাচীর ।
 দ্বার হেন বুঝিলাম আসিতে বাহির ॥
 মস্তকে বাজিল ঘাত পড়িলু ভূতলে ।
 মাদ্রীপুত্র দুই আসি ছরিত তুলিলে ॥
 মম দুঃখে দুঃখিত হইল দুইজন ।
 হাতে ধরি দেখাইল দুয়ার তখন ॥
 এই হেতু হইল আমার অভিমান ।
 কিবা তার লক্ষ্মী লই কিবা যাক প্রাণ ॥
 ধৃতরাষ্ট্র বলে পুত্র হিংসা বড় পাপ ।
 হিংসক জনের পুত্র জন্মে বড় তাপ ॥
 অহিংসক পাণ্ডবের না করিবে হিংসা ।
 শান্ত হ'য়ে থাক পুত্র পাইবে প্রশংসা ॥
 সেইমত যজ্ঞ করিবারে যদি মন ।
 কহ পুত্র নিমন্ত্ৰণ করি রাজগণ ॥

আগারে গৌরব করে সব নৃপবর ।
 ততোধিক রত্ন দিবে আমারে বিস্তর ॥
 ইহা না করিয়া যাহা করহ বিচার ।
 অসৎ মার্গেতে গেলে দুষিবে সংসার ॥
 পরদ্রব্য দেখি হিংসা না করে যে জন ।
 স্বধর্ম্মেতে সদা বঞ্চে সন্তোষিত মন ॥
 স্বকর্ম্মে উদ্যোগ করে পর উপকারী ।
 সদাকালে মুখে বঞ্চে কি দুঃখ তাহারি ॥
 পর নহে নিজ ভাই পাণ্ডুর নন্দন ।
 ঘেযভাব তারে না করিও কদাচন ॥
 দুর্ঘ্যোধন বলে পিতা প্রজ্ঞাবান নই ।
 বহু শুনিয়াছি বলি শাস্ত্র কথা কই ॥
 সে জন কি জানে পিতা শাস্ত্রের বিবাদ ।
 চাটু যেন নাহি জানে পিষ্টকের স্বাদ ॥
 রাজা হ'য়ে এক আজ্ঞা নহিল যাহার ।
 তারে রাজা নাহি বলি শাস্ত্র অনুসার ॥
 রাজা হ'য়ে সন্তোষ না রাখিবে কখন ।
 ধনে জনে শাস্তি না রাখিবে কদাচন ।
 শত্রুকে বিশ্বাস আর নাহি কদাচন ।
 নমুচি দানবে যথা সহস্রলোচন ॥
 এক পিতা হৈতে হৈলে সবার উৎপত্তি ।
 বহুকাল প্রীত ছিল নমুচি সংহতি ॥
 সমরে তাহারে ইন্দ্র করিল সংহার ।
 নিফল্টকে ভোগ করে অদিতি কুমার ॥
 শত্রু অল্প যদি তবু নাশের কারণ ।
 মূলস্থ বল্লীকি যেন গ্রাসে তরুগণ ॥
 আপনি জানিয়া কেন করহ বঞ্চন ।
 নিশ্চয় জানিষু চাহ আমার নিধন ॥
 পুনঃ ধৃতরাষ্ট্র বহু মধুর বচনে ।
 নিবারিতে না পারিয়া পুত্র দুর্ঘ্যোধনে ॥
 দৈবগতি জানিয়া বিদুরে ডাকাইল ।
 যুধিষ্ঠিরে আন গিয়া বলি আজ্ঞা দিল ॥
 বিদুর বলিল রাজা শ্রেয় নহে কথা ।
 কুলনাশ হইবে জানিয়া পাই ব্যথা ॥
 অন্ধ বলে আমারে যে না কহিস আর ।
 দৈববশ দেখি এই সকল সংসার ॥

নারিল বিদুর আজ্ঞা করিতে হেলন ।
 রথে চড়ি ইন্দ্রপ্রস্থে করিল গমন ॥
 বিদুরেরে সমাগত করি দরশন ।
 যথাবিধি পূজা করিলেন পঞ্চজন ॥
 জিজ্ঞাসা করেন কহ ভদ্রে সমাচার ।
 কি কারণে অন্তর্চিত দেখি যে তোমার ॥
 বিদুর বলেন রাজা চল হস্তিনায় ।
 বিলম্ব না কর ধৃতরাষ্ট্রের আজ্ঞায় ॥
 আর যে বলিল তাহা শুনহ স্মৃতি ।
 তব সভা তুল্য সভা করিয়াছে তথি ॥
 ভ্রাতৃ সহ মম সভা দেখ হেথা আসি ।
 দ্যুত আদি ক্রীড়া কর সভামধ্যে বসি ॥
 সভায় বসিলে মম তৃপ্ত হয় মন ।
 এই হেতু আমারে পাঠাইল রাজন ॥
 যুধিষ্ঠির বলে দ্যুত অনর্থের ঘর ।
 দ্যুতক্রীড়া ইচ্ছা যত জ্ঞানভ্রষ্ট নর ॥
 যে হোক সে হোক আমি অধীন তোমার ।
 কি কার্য্য করিব মোরে কহ সমাচার ॥
 বিদুর বলেন দ্যুত অনর্থের মূল ।
 দ্যুতেতে অনর্থ জন্মে ভ্রষ্ট হয় কুল ॥
 করিলাম অন্ধ নৃপে অনেক বারণ ।
 আমারে পাঠায় তবু না শুনে বচন ॥
 বুঝিয়া করহ রাজা যাহা শ্রেয় হয় ।
 যাহ বা না যাহ তথা যেবা চিন্তে লয় ॥
 ধর্ম্ম বলিলেন আজ্ঞা দেন কুরুপতি ।
 গুরু আজ্ঞা ভঙ্গ কৈলে নরকে বসতি ॥
 ক্ষত্রিয়ের ধর্ম্ম তাহ জানহ যেমন ।
 দ্যুতে কিস্বা যুদ্ধে যদি করে আবাহন ॥
 বিশেষ আমার সত্য প্রতিজ্ঞা বচন ।
 দ্যুত কিস্বা যুদ্ধে আমি না করি হেলন ॥
 এত বলি যুধিষ্ঠির সহ ভ্রাতৃগণ ।
 দ্রৌপদীরে কহিয়া গেলেন ততক্ষণ ॥
 দৈবপাশে বান্ধি যেন লোকে ল'য়ে যায় ।
 কল্যাসহ পঞ্চভাই যান হস্তিনায় ॥
 ধৃতরাষ্ট্র ভাষ্য দ্রোণ কৃপ সোমদত্ত ।
 গান্ধারী সহিত অস্তঃপুর নারী যত ॥

একে একে সবাকারে করি সম্ভাষণ ।
 রজনী বঞ্জন তথা স্থখে পঞ্চজন ॥
 পুণ্যকথা ভারতের অমৃত লহরী ।
 কাশী কহে শুনিলে তরয়ে ভববারি ॥

পাশাতে যুধিষ্ঠিরের সর্বস্ব হরণ ।

রজনী প্রভাতে পঞ্চ পাণ্ডুর নন্দন ।
 স্থখে দিব্য সভামধ্যে করিল গমন ॥
 একে একে সম্ভাষ করিলা সর্ববজনে ।
 বসিলেন অপূর্ব কনক সিংহাসনে ॥
 হেনকালে শকুনি আনিল পাশাসারি ।
 যুধিষ্ঠিরে কহে তবে প্রবঞ্চনা করি ॥
 পুরুষের মনোরম দ্যুতক্রীড়া জানি ।
 দ্যুতক্রীড়া কর আজি ধর্ম্ম নৃপমণি ॥
 যুধিষ্ঠির বলে পাশা অনর্থের ঘর ।
 ক্ষত্র পরাক্রম ইথে না হয় গোচর ॥
 কপট এ কর্ম্ম ইথে কপট বাখান ।
 অনীতি কর্ম্মেতে মম নাহি লয় মন ॥
 শকুনি বলয়ে পাশা স্তবুদ্ধির কর্ম্ম ।
 দ্যুত কিস্বা যুদ্ধ এই ক্ষত্রিয়ের ধর্ম্ম ॥
 যুদ্ধেতে অজাতি জাতি নাহিক বিচার ।
 হীনজাতি যবনাদি করয়ে প্রহার ॥
 পাশার সমান সেও বুদ্ধির সমর ।
 ক্ষত্রধর্ম্ম আছে হেন বলে মুনিবর ॥
 যুধিষ্ঠির বলে পাশা অনর্থের মূল ।
 অধর্ম্ম করিয়া কেন জিনিবে মাতুল ॥
 অন্য নাহি মনে মম দ্বিজসেবা বিনা ।
 এ কর্ম্ম মাতুল আমি না করি কামনা ॥
 শকুনি বলিল তুমি যাও নিজহানে ।
 পণ্ডিতে পণ্ডিতে ক্রীড়া পণ্ডিত সে জানে ॥
 যদি দ্যুতক্রীড়া ইচ্ছা নাহিক তোমার ।
 নিবর্ত্তিয়া গৃহে তবে যাও আপনার ॥
 যুধিষ্ঠির বলে যবে ডাকিলা আমারে ।
 সত্য মম না টলিবে পাশার সমরে ॥
 সত্য আমি খেলিব পাশার আবাহনে ।
 তোমার সহিত পণ করে কোন জনে ॥

মেরু তুল্য আমার আছে যে বহুধন ।
 চারি সমুদ্রের মধ্যে যতেক রতন ॥
 দুর্ঘ্যোধন বলে মম মাতুল খেলিবে ।
 সব রত্ন দিব আমি যতেক হারিবে ॥
 এইরূপে চাইজনে পাশা আরস্তিল ।
 দেখিবারে সর্বজন সভাতে বসিল ॥
 ধৃতরাষ্ট্র ভীষ্ম দ্রোণ কূপ মহামতি ।
 চিন্তে অসন্তোষ অতি বিদুর প্রভৃতি ॥
 ধর্ম বলিলেন পণ হইল আমার ।
 ইন্দ্রপ্রস্থে যত মম রত্নের ভাণ্ডার ॥
 ঈদৃশ তোমার ধন কোথা দুর্ঘ্যোধন ॥
 হাসি বলে কোথা হৈতে দিবা এই পণ ॥
 দুর্ঘ্যোধন বলে আছে আমার অনেক ।
 প্রবোধ করিব আমি জিনিবে যতেক ॥
 নির্ণয় করিয়া সারি ফেলিল শকুনি ।
 কটাক্ষে সকল রত্ন লইলেক জিনি ॥
 ক্রোধে যুধিষ্ঠির পুনঃ করিলেন পণ ।
 কোটি কোটি যতেক আছেয়ে অশ্বগণ ॥
 শকুনি হাসিয়া ফেলি জিনিলাম কয় ।
 কি পণ করিবা আর কহ মহাশয় ॥
 যুধিষ্ঠির বলে মম রথ অগণন ।
 নানা রত্নে বিভূষিত মেঘের গর্জ্জন ॥
 শকুনি হাসিয়া বলে ডাকি ততক্ষণ ।
 হের দেখ জিনিলাম কর অন্য পণ ॥
 ধর্ম বলিলেন হস্তীবৃন্দ যে আমার ।
 ইষদন্ত মহাকায় বলে অনিবার ॥
 সর্ব হস্তী করি পণ পুনঃ ফেল পাশা ।
 জিনিলাম শকুনি বলিয়া কহে ভাষা ॥
 যুধিষ্ঠির বলেন যে আছে দাসীগণ ।
 সহস্র সহস্র বান্য রত্নে বিভূষণ ॥
 সবার সৌজন্য বড় ভ্রাক্ষণ সেবাতে ।
 করিলাম তাহা পণ এবার পাশাতে ॥
 শকুনি ফেলিল পাশা বলয়ে হাসিয়া ।
 অন্য পণ কর হের নিলাম জিনিয়া ॥
 ধর্ম বলে আছেয়ে গন্ধর্ব্ব অশ্বগণ ।
 তিলেক না হয় ভ্রম ভ্রমিতে ভুবন ॥

চিত্ররথ গন্ধর্ব্ব তস্করু আনি দিল ।
 এবার দূতেতে সেই অশ্বপণ হৈল ॥
 হাসিয়া বলয়ে তবে স্ববল-কুমার ।
 অশ্বগণ জিনিলাম কর পণ আর ॥
 যুধিষ্ঠির বলেন যে আছে যোদ্ধাগণ ।
 মহারথী মধ্যে করি সে সব গণন ॥
 এবার যুদ্ধেতে আমি করিলাম পণ ।
 হাসিয়া জিনিবু বলে গান্ধার নন্দন ॥
 এইমতে প্রবর্তিল কপট দেবন ।
 একে একে হারিলেন ধর্ম সর্ব ধন ॥
 দেখিয়া ব্যাকুল হৈল বিদুরের মন ।
 ধৃতরাষ্ট্রে ডাকিয়া বলিছে ততক্ষণ ॥
 আমি যত বলি, তব মনে নাহি লয় ।
 মৃত্যুকালে রোগী যেন ঔষধ না খায় ॥
 ওহে অন্ধরায় তুমি হইলা কি স্তব্ধ ।
 জন্মকালে এই পুত্র কৈল খর শব্দ ॥
 তখনি বলিবি আমি সকল বিস্তার ।
 কুরুকুল ক্ষয় হেতু হইল কুমার ॥
 না শুনিয়া মম বাক্য করিয়া হেলন ।
 সেই সব রাজা ব্যক্ত হইল এখন ॥
 সংহার রূপেতে এই আছে তব ঘরে ।
 স্নেহেতে ভুলিলা, নাহি পাও দেখিবারে ॥
 দেব গুরু নীতি রাজা কহি তোমারে ।
 মধু হেতু মধুলোভী উঠে বৃক্ষোপরে ॥
 নাহিক পতন ভয় মধুর কারণ ।
 সেইরূপ মত্ত হইয়াছে দুর্ঘ্যোধন ॥
 মহারথিগণ সহ করয়ে বৈরিতা ।
 পশ্চাতে জানিবে এবে নাহি শুন কথা ॥
 এইরূপ কংস ভোজ হইল উৎপত্তি ।
 সপ্তবংশ পিতার নাশিল দুষ্কর্মতি ॥
 উগ্রসেন আদি সবে করি এ প্রকার ।
 গোবিন্দের হাতে তবে হইল সংহার ॥
 সপ্তবংশ স্তখে বৈসে গোবিন্দ সংহতি ।
 মম বাক্য মান রাজা বড় পাবে প্রীতি ॥
 শীঘ্রগতি পার্থে আজ্ঞা করহ রাজন ।
 দুর্ঘ্যোধনে রাখ নিয়া করিয়া বন্ধন ॥

নির্ভয়ে পরম স্বখে থাকহ নৃপতি ।
 কাক হস্তে ময়ূরের না কর দুর্গতি ॥
 যে হইল এখন নিবর্ত্ত নরপতি ।
 পুত্রগণে কর কেন যমের অতিথি ॥
 দিক্‌পাল সহ যদি আসে বজ্রপাণি ।
 পাণ্ডবে জিনিতে নারে তোমা কিসে গনি ॥
 হে ভীষ্ম, হে দ্রোণ, কৃপ নাহি শুন কেনে ।
 সবে মেলি রঙ্গ দেখ বুঝিলাম মনে ॥
 অগাধ সমুদ্রে নৌকা না ডুবাও হেলে ।
 সবে মেলি যমগৃহে যাইতে বসিলে ॥
 অক্রোধি অজাতশত্রু ধর্ম্মের তনয় ।
 যেক্ষণে করিবে ক্রোধ ভীম ধনঞ্জয় ॥
 যমজ যুগল করিবেক যবে ক্রোধ ।
 কে আছে সহায় তব করিতে প্রবোধ ॥
 হে অন্ধ, পাশাতে যত লইবে সেবাত ।
 বুঝিলা কি তাহাতে তোমার নাহি হাত ॥
 কপট করিয়া তাহে কোন প্রয়োজন ।
 আজ্ঞামাত্রে দিবে সব ধর্ম্মের নন্দন ॥
 এই শকুনিরে আমি ভালমতে জানি ।
 কপট কুবুদ্ধি খলগণ চূড়ামণি ॥
 কোথায় পর্ব্বতপুর ইহার নিবাস ।
 কে আনিল হেথায় করিতে সর্ব্বনাশ ॥
 বিদায় করহ, ঘরে যাক আপনার ।
 উঠ গো শকুনি, পাশা করি পরিহার ॥
 সভাতে এতেক যদি বিদুর বলিল ।
 ঝলন্ত অনলে যেন স্নাত ঢালি দিল ॥
 দুর্ব্বোধন বলে আমি তোমা না জিজ্ঞাসি ।
 কার হ'য়ে কহ ভাষা সভামধ্যে বসি ॥
 দ্বিহ্বাতে হৃদয়-তত্ত্ব মনুষ্যের জানি ।
 সদাকাল কর তুমি ধৃতরাষ্ট্র হানি ॥
 পাণ্ডুপুত্র প্রিয় তুমি সর্ব্বলোকে জানে ।
 নিকটে না রাখি কভু শত্রুহিত জনে ॥
 যথায় করহ ইচ্ছা যাও আপনার ।
 এথায় রহিতে যোগ্য না হয় তোমার ॥
 সভামধ্যে কহ কথা যেন স্বয়ং প্রভু ।
 কেহ এ কুৎসিত আর নাহি কহে কভু ॥

বিদুর বলেন আমি না কহি তোমাতে ।
 ধৃতরাষ্ট্র দুঃখ দেখি হৃদয় বিদরে ॥
 তোরে কি কহিব ধৃতরাষ্ট্র নাহি শুনে ।
 হিতবাক্য হতায়ু কখন নাহি মানে ॥
 আমাদের কি হেতু তুমি জিজ্ঞাসিলে কথা ।
 জিজ্ঞাসহ আপন সদৃশ পাও যথা ॥
 এত বলি নিঃশব্দে যে ক্ষণ্তা মহাশয় ।
 পুনঃ আরম্ভিল পাশা স্তবল তনয় ॥
 শকুনি বলিল চাহি ধর্ম্মের নন্দন ।
 সর্ব্বদা হারিলে আর কি করিবে পণ ॥
 যুধিষ্ঠির বলেন যে অসংখ্য রতন ।
 চারি সিন্ধু মধ্যেতে আমার মত ধন ॥
 সকল করিনু পণ এবার সারিতে ।
 জিনি লইলাম বলে গান্ধারের স্নতে ॥
 যুধিষ্ঠির বলেন যে আছে পশুগণ ।
 গাভী উষ্ট্র খর আর মেঘ অগণন ॥
 সব করিলাম পণ এবার দ্যুতেতে ।
 জিনিলাম বলি বলে স্তবলের স্নতে ॥
 যুধিষ্ঠির বলিলেন পণ করি আমি ।
 আমার শাসিত আছে যত দেশ ভূমি ॥
 ব্রাহ্মণের ভূমি গৃহ ছাড়িয়া রতন ।
 এবার দেবনে আমি করিলাম পণ ॥
 শকুনি বলিল জিনিলাম সে সকল ।
 আর কি আছয়ে পণ কর মহাবল ॥
 ধর্ম্ম দেখিলেন ধন কিছু নাহি আর ।
 কুমারগণের অঙ্গে যত অলঙ্কার ॥
 সকল করিল পণ জিনিলা শকুনি ।
 দেখিয়া চিন্তিত বড় ধর্ম্ম নৃপমণি ॥
 শকুনি বলি কহ কি আর বিচার ।
 বিচারি করেন পণ ধর্ম্মের কুমার ॥
 ক্ষতিমধ্যে বিখ্যাত নকুল মহাবীর ।
 কামদেব জিনি রূপ স্নন্দর শরীর ॥
 সিংহগ্রীব পদ্মপত্র যুগল নয়ন ।
 এবার সারিতে নকুলেরে করি পণ ॥
 কপটে শকুনি বলে বলি সারোদ্ধার ।
 তব প্রিয় ভাই এই পাণ্ডুর কুমার ॥

কেমনে ইহায়ে পণ করিবা দেবেনে ।
 এত বলি ফেলি পাশা লইলেক জিনে ॥
 ধর্ম বলে সহদেব ধর্মযজ্ঞ পণ্ডিত ।
 আমার পরম প্রিয় জগতে বিদিত ॥
 এবার সারিতে সহদেবে করি পণ ।
 জিনিলাম বলি বলে গান্ধারী-নন্দন ॥
 কপট চাতুরী বাক্য বলিল শকুনি ।
 আর কি আছয়ে পণ কর নৃপমণি ॥
 বৈমাত্রেয় দুই ভাই হারিলা সারিতে ।
 ভীমার্জুনে হারিবা না লয় মম চিতে ॥
 ধর্মরাজ বলে তব দেখি দুঃপ্রকৃতি ।
 ভ্রাতৃভেদ ভাষ কেন কহ মন্দমতি ॥
 আমি আর পঞ্চ ভাই একই পরাণ ।
 কি বুঝিয়া হেন বাক্য কহিলা অজ্ঞান ॥
 ভীত হ'য়ে শকুনি বলিছে সবিনয় ।
 সহজে পাশায় মত্ত স্বজনেতে হয় ॥
 পুনঃ যুধিষ্ঠির করিলেন এ উত্তর ।
 তিন লোকে খ্যাত যে আমার সহোদর ॥
 হেলে তারি পর দৈন্য সাগরের প্রায় ।
 যেই দুই বীর কর্ণধারের কৃপায় ॥
 হেলায় জিনিল দেবরাজে ভুজবলে ।
 অগণিত গুণ যার খ্যাতি ক্ষিতিতলে ॥
 এ কর্ম্মেতে পণযোগ্য নহে হেন নিধি ।
 তথাপিও করি পণ অক্ষুণ্ণ ডা বিধি ॥
 শকুনি ফেলিয়া পাশা জিনিলাম বলে ।
 ধনজয়ে জিনি হুন্ট হয় কুরুদলে ॥
 ধর্ম বলিলেন পণ করি এইবার ।
 বলেতে মনুষ্যলোকে সম নহে যার ॥
 ইন্দ্র যেন দৈত্য দলি পালে সুরগণে ।
 সেইমত পালে ভীম পাণ্ডুর নন্দনে ॥
 পাশায় এ পণযোগ্য নহে হেন ধন ।
 তথাপিও করি পণদেব নির্বন্ধন ॥
 জিনিলাম বলি তবে বলিল শকুনি ।
 আর কি আছয়ে পণ কর নৃপমণি ॥
 এত শুনি বলিলেন ধর্ম্মের নন্দন ।
 আমি আছি কেবল আমারে করি পণ ॥

জিনিয়া শকুনি বলে কপট আচার ।
 পাপ কর্ম্ম করিলা হে কুন্তীর কুমার ॥
 দ্রুপদনন্দিনী পণ করহ এবার ।
 জিনিয়া করহ রাজা আপনা উদ্ধার ॥
 এ সকল থাকিতে আপনা নাহি হারি ।
 আপনা থাকিলে হয় বহু ধন নারী ॥
 রাজা বলে মামা না সম্ভবে এই কথা ।
 কিমতে করিব পণ দ্রুপদ-দুহিতা ॥
 লক্ষ্মী অবতার রাজা তোমার গৃহিণী ।
 তাঁর ভাগ্যে কদাচিত পড়ে পাশা জানি ॥
 বিপদে পড়িলে বুদ্ধি হারায় পণ্ডিত ।
 শকুনির বচন যে মানিলেন হিত ॥
 এতেক শুনিয়া কহিলেন যুধিষ্ঠির ।
 পাশা ফেল আর বার এই পণ স্থির ॥
 শুনি কর্ণ দুর্ব্যোধন হাসে খল খল ।
 মহা আনন্দিত কুরু সোদর সকল ॥
 বিপরীত দেখি কম্প হৈল সভাজন ।
 ভীষ্ম দ্রোণ কৃপ হৈল সজল-নয়ন ॥
 বিমর্ষ বিদুর বনিলেন অধোমুখে ।
 জ্ঞানবন্ত লোক স্তব্ধ হৈল মহাশোকে ॥
 হুন্ট হ'য়ে ধৃতরাষ্ট্র ডাকিয়া বলিল ।
 কে জিনিল কে জিনিল ব'লে জিজ্ঞাসিল ॥
 বহুকালে প্রকাশিল কুটিল আচার ।
 না পারিল লুকাইতে ধৃতরাষ্ট্র আর ॥
 এইমত সকল হারেন ধর্ম্মরায় ।
 সভাপর্ব্ব সুধারস কাশীদাস গায় ॥

— — —
 পঞ্চ পাণ্ডবকে সভাতলস্থ করণ ।

হাসিয়া বলিল তবে সূর্য্যের নন্দন ।
 দেখহ ইহায়ে হৈল দৈবের ঘটন ॥
 আমি সব মধ্যতে তোমারে দিল লাজ ।
 উপহাস কৈল পেয়ে আপন সমাজ ॥
 এই ভীমার্জুন দেখ মাদ্রীর নন্দন ।
 পুনঃ তোমা দেখি হাসে এই সর্ব্বজন ॥
 বাতুল দেখিয়া যেন হাসে সভাজনে ।
 সেইমত কৈল তোমা আপন ভবনে ॥

সেই অধর্মের ফলে দেখে নৃপমণি ।
 হাস করি বাক্সিয়া দিলেক দৈবে আনি ॥
 হাস হৈল যুধিষ্ঠির ভ্রাতৃ সমুদায় ।
 সমযোগ্য দাসের বসিতে না যুয়ায় ॥
 দুর্ধ্যোধন বলে সখা উত্তম কহিলে ।
 আত্মা দিল যুধিষ্ঠিরে লহ সভাতলে ॥
 যুধিয়া আপনি সখা করহ বিধান ।
 পঞ্চজনে নিযুক্ত করহ স্থানে স্থান ॥
 যে কর্মে যে যোগ্য তারে কর সমর্পণ ।
 এতেক শুনিয়া বলে দুই বৈকর্তন ॥
 দৈব হৈতে বহুজন ভৃত্যকর্ম করে ।
 বিনা কর্মে কেবা আছে সংসার ভিতরে ॥
 নিজ শক্তিমত কর্ম করয়ে আজন্ম ।
 রাজা রাজকর্ম করে ভৃত্যে ভৃত্যকর্ম ॥
 ভৃত্য হৈল পঞ্চজন করুক স্বকাজ ।
 যে কর্মে যে যোগ্য তারে দেহ কুরুরাজ ॥
 অনুভব আমার যে কর অবধান ।
 পঞ্চজনে নিযুক্ত করহ স্থানে স্থান ॥
 বৃকোদর অঙ্গ রাজা ধর্মের তনয় ।
 অণু কর্মে ইহার ক্ষমতা নাহি হয় ॥
 তাহ্মুলর সেবাতে করহ নিয়োজন ।
 পান ল'য়ে সন্নিধানে রবে অনুক্ষণ ॥
 হৃষ্টপুষ্টি বৃকোদর হয় বলবান ।
 সে কারণে মম মনে লয় এই জ্ঞান ॥
 বৃকোদরে সমর্পণ কর চতুর্দোল ।
 গন্যাসে ভার বহে নহেক দুর্বল ॥
 ক্রকৈ করি তোমার সহিত ভ্রাতৃগণ ।
 স্বচ্ছন্দে গাইবে যথা করিবে গমন ॥
 অর্জুনের এই সেবা দেহ মহাশয় ।
 আমি অনুমানি যদি তব মনে লয় ॥
 বস্ত্র অলঙ্কার আদি সমর্প অর্জুনে ।
 ল'য়ে তব সম্মুখে থাকিবে অনুক্ষণে ॥
 তব হিত প্রিয় দুই মাত্রীর তনয় ।
 এ দৌহারে দুই সেবা দেহ মহাশয় ॥
 দুই ভিতে তোমার থাকিবে দুইজন ।
 চামর লইয়া সদা করিবে ব্যজন ॥

এ পঞ্চ সেবায় পঞ্চ কর নিয়োজন ।
 আসিয়া করুক কৃষ্ণা গৃহে দাসীপণ ॥
 এতেক বলিল যদি কর্ণ দুরাচার ।
 হাসিয়া বলিল তবে গান্ধারী কুমার ॥
 ইঙ্গিত করিয়া জানাইল ভৃত্যগণে ।
 সভাতলে লইয়া বসিও সর্বজনে ॥
 আজ্ঞামাত্র ততক্ষণ যত ভৃত্যগণ ।
 উঠ উঠ বলি কহে কর্কশ বচন ॥
 কোন্ লাজে রাজাসনে আছহ বসিয়া ।
 আপনার যোগ্যস্থানে মনে বৈস গিয়া ॥
 দুঃশাসন উঠাইল ধম্ম করে ধরি ।
 চল চল বলি ডাকে পুষ্ঠে তেঁকা মারি ॥
 ক্রোধেতে ধর্মের পুত্র কাপে কলেবর ।
 চক্ষু রক্তবর্ণ লোহ বহে ঝর ঝর ॥
 বিপরীত মানহীন দেখি যুধিষ্ঠির ।
 ক্রোধে থর থর কম্পমান ভীমবীর ॥
 ভৈরব গর্জনে গর্জে দন্ত কড়মড়ি ।
 যেমন প্রলয়কালে হয় মড়মড়ি ॥
 যুগান্তের যম যেন সংহারিতে সৃষ্টি ।
 অরুণ আকার চক্ষু চাহে একদৃষ্টি ॥
 নাকে ঝড় বহে যেন প্রলয় সমান ।
 মহাবীর ভীমসেন কর্ণ পানে চান ॥
 দেখিয়া কৌরবগণ পায় বড় শঙ্কা ।
 হাতে গদা করিয়া উঠিল রণডঙ্কা ॥
 মাথায় ফিরায়ে গদা চক্রের আকার ।
 চরণের ভরে ক্ষিতি হয়ত বিদার ॥
 ক্রোধমগ্ন করি দুঃশাসন পানে যায় ।
 অনুমতি লইতে ধর্মের পানে চায় ॥
 হেঁটমাথা যুধিষ্ঠির দেখিয়া ভীমেতে ।
 বুনিয়া অর্জুন গিয়া পরিলেন তাঁরে ॥
 অর্জুন বলেন ভাই না কর অনাতি ।
 কি হেতু হেলন কর ধম্ম নরপতি ॥
 দিকপাল সহ যদি আসে দেবরাজ ।
 আর যত বীর আসে ত্রৈলোক্যের মাঝ ॥
 ধর্মেরে করিবে হেন আমরা থাকিতে ।
 মুহূর্ত্তেকে পাঠাইব যমের ঘরেতে ॥

কোন ছার এরা সব ভূণ হেন গণি ।
 এখনি দহিতে পারি কারে নাহি মানি ॥
 বিনা ধর্ম আজ্ঞায় নাহিক ভাই শক্তি ।
 তাহে কোন্ ভদ্র বাহে ধর্ম্মেতে অভক্তি ॥
 অস্বীকার ধর্ম্মের এ কর্ম্মে অভিপ্রায় ।
 সে কারণে এ কার্য্য করিতে না যুয়ায় ॥
 অর্জুনের বচনে হইল শান্ত ক্রোধ ।
 ফেলিলেন গদা ভীম মানি উপরোধ ॥
 আভরণ পরিধান যতেক আছিল ।
 পঞ্চ ভাই আপন আপনি সব দিল ॥
 সভা ত্যাগ করিয়া নিকট ধূল্যাসনে ।
 অধোগুণে বসিলেন ভাই পঞ্চজনে ॥
 হেনকালে দুই কর্ণ কহিল বচন ।
 দ্রৌপদী আনিতে দূত করহ প্রেরণ ॥
 শুনি দুর্যোধন তবে বিহুরে ডাকিল ।
 হস্ত্য পরিহাসে তবে কহিতে লাগিল ॥
 তবে ধৃতরাষ্ট্র রাজা বুঝিয়া বিচার ।
 সভা হৈতে গৃহে তবে গেল আপনার ॥

কুরুসভায় দ্রৌপদীকে আনয়ন ।

তবে দুর্যোধন রাজা আনন্দিত মতি ।
 ভাবিয়া বলিল তবে বিহুরের প্রতি ॥
 বিমাদিত কেন বসিয়াছ অধোগুণে ।
 হেন বুঝি দুঃখী বড় পাণ্ডবের দুঃখে ॥
 উঠ উঠ বাহ শীঘ্র ইন্দ্রপ্রস্থে চলি ।
 আপনি আইস হেথা লইয়া পাঞ্চালী ॥
 অন্তঃপুরে আছয়ে যতেক দাসীগণ ।
 তা সবার সাহিত করুক দাসীপণ ॥
 এত শুন বিহুর কম্পিত কলেবর ।
 ক্রোধগুণে দুর্যোধনে করিল উত্তর ॥
 মন্দবুদ্ধি মতিচ্ছন্ন না বুঝি কিছু ।
 ব্যাঘ্রেরে করালি ক্রোধ হ'য়ে মুগ শিশু ॥
 বর সম্ভারিয়া বসিয়াছে বিষধর ।
 অঙ্গুলি না পূর তার মুখের ভিতর ॥
 ক্রমেনে এ দুইভাষ আনিলি মুখেতে ।
 দ্রৌপদী হইবে দাসী কহিলে সভাতে ॥

দ্রৌপদীতে তোমার কিসের অধিকার ।
 সবাই না বুঝ কেন করিয়া বিচার ॥
 আপনি হারিল পূর্ব্ব ধর্ম্মের কুমার ।
 অণুজন উপরে কিসের অধিকার ॥
 অণুর উপরে তার প্রভুপণ কিসে ।
 আর তার চারি স্বামী আছয়ে বিশেষে ॥
 মম বোল যদি তোর নাহি লয় মনে ।
 জিজ্ঞাসিয়া দেখ যত বৃদ্ধ মস্ত্রিগণে ॥
 এই যে বৃদ্ধক অঙ্গ হুন্ট হইয়াছে ।
 লোভেতে লইল ছন্ন নাহি দেখে পাছে ॥
 নিকট আইসে মৃত্যু কে করে বারণ ।
 ফল ধরি যেন বেণু বৃক্ষের মরণ ॥
 শু আইলে খণ্ডে অস্ত্রাঘাতের বেদন ।
 বাক্যাঘাত নাহি খণ্ডে যাবৎ জীবন ॥
 পাশাতে জিনিয়া বড় আনন্দ হৃদয় ।
 চিন্তে কর পাণ্ডবের হৈল অসময় ॥
 শ্রীমন্ত জনের হয় অসময় কিসে ।
 কি তার সহায় নাই এই মহাদেশে ॥
 কোথা হয় শ্রীরহিত শ্রীমন্ত সৃজন ।
 জলেতে পামাণ নাহি ভাসে কদাচন ॥
 লাউ নাহি ডুবে কভু জলের ভিতর ।
 কখন অগতি নহে বিষ্ণুভক্ত নর ॥
 পুনঃ পুনঃ আমি কহিলাম হিতবাণী ।
 না শুনিলে মৃত্যুকাল হৈল হেন জানি ॥
 নিশ্চয় হইল দেখি তিন কুল ধ্বংস ।
 শান্তনু বাহুলীক অঙ্গ নৃপতির বংশ ॥
 পাত্র মিত্র ইষ্ট পুত্র সহিত মজিবে ।
 আমার এ সব কথা পশ্চাতে ফলিবে ॥
 এইরূপ বিহুর কহিল বহুতর ।
 শুনি দুর্যোধন তারে নিন্দিল বিস্তর ॥
 প্রতিকারী আছিল সম্মুখে দাঁড়াইয়া ।
 তারে আজ্ঞা দিল রাজা নিকটে ডাকিয়া ॥
 বাহ তুমি দ্রৌপদীকে আন এইক্ষণে ।
 পাণ্ডবেরে ভয় তুমি না করিহ মনে ॥
 বিহুরের বোলে কিছু না করিহ ভয় ।
 সর্বকাল বিহুরের ভয়ান্ত হৃদয় ॥

আর কুশভাব আছে বিহুরের চিত ।
 দ্বিতরাষ্ট্রে কুংসা কহে পাণ্ডবের হিত ॥
 ত্রয়োদশ আজ্ঞায় চলিল প্রতিকামী ॥
 দ্রুপ্রস্থে প্রবেশ করিল শীঘ্রগামী ॥
 দ্বায় পুরের মধ্যে দ্রৌপদী স্থন্দরী ।
 দ্রৌপদীর আগে কহে করযোড় করি ॥
 তোম নিতে আজ্ঞা দিল কুরু অধিকারী ।
 ক্ষয় হারিল দ্যুতে তোমা আদি করি ॥
 বধন মহাদেবি শুনহ বিধান ।
 দ্বিষ্টের রাজা হৈল দ্যুতে হতজ্ঞান ॥
 ক্ষয় হারিল দ্যুতে তোমা আদি করি ।
 তোমা নিতে আজ্ঞা দিল কুরু অধিকারী ॥
 দ্বিতরাষ্ট্রে গৃহে চল কর যথা কশ্ম ।
 শুনিয়া দ্রৌপদীর ভাঙ্গিল নিজ মশ্ম ॥
 দ্রৌপদী বলেন হেন কভু নাহি শুনি ।
 বাজপুত্র হারিয়াছে আপন গৃহিণী ॥
 প্রতিকামী বলে এই কপট না হয় ।
 একে কেন খেলিলেন ধর্মের তনয় ॥
 একে একে সর্বস্ব হারিয়া নরবর ।
 আপনারে হারিলেন সহ মহোদর ॥
 দ্বৈতভেদে তোমাতে হারিলেন নৃপমণি ।
 এত শুনি বলিলেন দ্রুপদ-নন্দিনী ॥
 বাহ প্রতিকামী গিয়া জিজ্ঞাস রাজারে ।
 প্রথমে আপনা কি হারিলেন আমারে ॥
 হারিয়া থাকেন যদি প্রথমে আপনা ।
 তবে গিয়া জিজ্ঞাসহ সভাসদ জনা ॥
 তবে যদি আমারে যাইতে সবে কয় ।
 আপন ইচ্ছায় তবে যাইব তথায় ॥
 এত শুনি প্রতিকামী চলিল সহরে ।
 সভায় জিজ্ঞাসে গিয়া ধর্ম নৃপবরে ॥
 পাঠাইল দ্রৌপদী আমারে জিজ্ঞাসিতে ।
 কেন পণ প্রথমে করিলা রাজা দ্যুতে ॥
 প্রথমে আপনা কি হারিলা যাজ্ঞসেনী ।
 শুনি বক্ষ হইলেন ধর্ম নৃপমণি ॥
 রহিলেন নিঃশব্দে না বলিলেন বাণী ।
 মনে বুঝি কিছু না বলিল প্রতিকামী ॥

প্রতিকামী প্রতি ক্রোধে বলে কুরুবলে ।
 বাহ প্রতিকামী কিবা জিজ্ঞাস উহারে ॥
 সভামধ্যে লইয়া আইস দ্রৌপদীরে ।
 আসিয়া করুক ন্যায় সভার ভিতরে ॥
 আসি জিজ্ঞাসুক সেই যেই লয় মনে ।
 করুক আসিয়া ন্যায় ল'য়ে সভাজনে ॥
 এত শুনি প্রতিকামী হইল দুঃখিত ।
 পুনঃ দ্রৌপদীর স্থানে চলিল ত্বরিত ॥
 করযোড়ে প্রতিকামী বলে সবিসাদ ।
 অবধান মহাদেবি হইল প্রমাদ ॥
 অস্ত হৈল কুরুকুল বুঝিলাম মনে ।
 সভাতে তোমাতে লৈতে বলিল যখনে ॥
 দ্রৌপদী বলিল শুন সজ্জয় নন্দন ।
 ধর্মরাজ কি বলেন কিবা ত্রয়োদশ ॥
 প্রতিকামী বলে রাজা কিছু না বলিল ।
 সভাতে লইতে ত্রয়োদশ আজ্ঞা দিল ॥
 দ্রৌপদী কহিল তুমি বলিলা প্রমাণ ।
 বংশনাশ হেতু বিধি করিল বিধান ॥
 যাও প্রতিকামী গিয়া জিজ্ঞাস রাজায় ।
 নিশ্চয় কি তাঁর মন যাইতে তথায় ॥
 এত শুনি প্রতিকামী চলিল সহরে ।
 রাজারে কহিল আসি কুম্ভার উত্তরে ॥
 তবে বুদ্বিষ্টির রাজা ভাবিয়া অন্তরে ।
 ত্রয়োদশ যত দেখি রক্ষা আনিবারে ॥
 বিচারিয়া কহিলেন কহ দ্রৌপদীরে ।
 দৈবের নিরাক্ষ কশ্ম কে খণ্ডিতে পারে ॥
 নত্য বিনা মম চিতে অন্য নাহি লয় ।
 ধর্ম রক্ষা করুক আসিয়া এ সভায় ॥
 প্রতিকামী প্রতি পুনঃ ত্রয়োদশ বলে ।
 ক্রোধে দুই চক্ষু যেন ঘর্মি হোলে ॥
 আমি বাহা বলি তাহা নাহি লয় মনে ।
 পুনঃ পুনঃ আইস দ্রৌপদী দৃঢ়গণে ॥
 যাও শীঘ্র দ্রৌপদীরে আনিহ এ স্থানে ।
 এত শুনি প্রতিকামী ভীত হৈল মনে ॥
 পুনরপি ইন্দ্রপ্রস্থে চলিল সহরে ।
 কতক দূরেতে গিয়া ভাবিল অন্তরে ॥

কি ক্ষণে আইনু আজি রাজার নিকটে ।
 নে কারণে পড়িলাম বিষম দক্ষটে ॥
 পাছে ক্রোধ করে কৃষ্ণা দেখিলে এবার ।
 পাণ্ডব করিলে ক্রোধ নাহিক নিস্তার ॥
 বিচারিয়া বাজুড়িল সঞ্জয় নন্দন ।
 করযোড়ে বলে দুর্যোধনের মদন ॥
 তব আজ্ঞাবশে যাই কৃষ্ণা আনিবারে ।
 না আইসে কি করিব আজ্ঞা কর মোরে ॥
 শুনি দুঃশাসনে ডাকিল বলে দুর্যোধন ।
 পাণ্ডবের ভয় করে সঞ্জয় নন্দন ॥
 এ কন্মের যোগ্য নহে এই অঙ্গমতি ।
 তুমি গিয়া দ্রৌপদীকে আন শীঘ্রগতি ॥
 সভামধ্যে কেশে দার আনহ তাহারে ।
 নিস্তেজ হয়েছে শত্রু কি আন বিচারে ॥
 আজ্ঞামাত্রে দুঃশাসন হ'য়ে দ্রুতচিহ্ন ।
 দ্রৌপদীর অন্তঃপুরে চলিল দ্বরিত ॥
 দ্রৌপদী চাহিয়া ডাকিল বলে দুঃশাসন ।
 চলহ দ্রৌপদী আক্ষা করিল রাজন ॥
 পাশায় তোমার স্বামী ছারিল তোমাতে ।
 দুর্যোধন ভজ আজি ভাজি যুধিষ্ঠিরে ॥
 দুঃশাসন দ্রুতবন্ধি দেগি গুণবতী ।
 সক্রোধ বদন আর বিকৃতি আকৃতি ॥
 ভয়েতে দেবার অঙ্গ কাপে থর থর ।
 শীঘ্রগতি উঠি গেল ঘরের ভিতর ॥
 স্বীগণের মধ্যে দেবা ভয়ে সুকাইল ।
 দেখি দুঃশাসন ক্রোধে পাছেতে ধাইল ॥
 গৃহদ্বারে কুন্তীদেবী ভুজ প্রসারিয়া ।
 সবিনয়ে দুঃশাসনে বলে বিনাইয়া ॥
 কহ দুঃশাসন এই কেমন বিহিত ।
 দ্রৌপদী ধরিতে চাহ না বৃথি চরিত ॥
 কুলবধু ল'য়ে যাবে মধ্যেতে সভার ।
 কুলের কলঙ্ক ভয় নাহিক তোমার ॥
 শুনি দুঃশাসন ক্রোধে উঠিল গর্জিয়া ।
 দুই হাতে কুন্তীকে সে ফেলিল ঠেলিয়া ॥
 অচেতন হয়ে দেবী পড়িল ভূতলে ।
 দুঃশাসন ধরিলেক দ্রৌপদীর চুলে ॥

পুর হৈতে বাহির করিল শীঘ্রগতি ।
 দেখিয়া কান্দয়ে যত পুরের যুবতী ॥
 কেশে ধরি ল'য়ে যায় পবনের বেগে ।
 চলিতে চরণ ভূমে লাগে কি না লাগে ॥
 নাগিনী বিকল যেন গরুড়ের মূখে ।
 ছট্‌ফট করে দেবা ছাড় ছাড় ডাকে ॥
 আরে মন্দমতি কেন না দেখ নয়নে ।
 রজঃশলা আজি আর একই বসনে ॥
 দুঃশাসন বলে তুমি ছাড় হেন আশ ।
 রজঃশলা হও কিবা হও একবাস ॥
 পূর্ব অহঙ্কার তুমি না করিহ মনে ।
 সভাতে লইতে আজ্ঞা করিল রাজনে ॥
 কৃষ্ণা বলে গুরুজন আছয়ে সভাতে ।
 কিমতে দাঁড়াব আমি তাদের অগ্রেতে ॥
 না লহ সভাতে মোরে কর পরিহার ।
 আরে মন্দমতি কেশ ছাড়হ আমার ॥
 ইন্দু সখা করিলেও রক্ষা না পাইবি ।
 ক্ষণমাত্র যমগৃহে সবংশেতে যাবি ॥
 ধন্যে বন্ধু হইয়াছে ধন্য নরপতি ।
 ভ্রাতৃ উপরোধে আছে চারি মহামতি ॥
 এই হেতু এতক্ষণ তোমার জীবন ।
 এখন যে রক্ষা পাও হৈলে নিবারণ ॥
 কৃষ্ণার বচন শুনি দুঃশাসন হাসে ।
 পুনঃ আকর্ষিয়া দ্রুত টান দিল কেশে ॥
 ঝাঁকিয়া বলেতে লইলেক সভাতল ।
 উচ্চৈঃস্বরে কান্দে কৃষ্ণা হইয়া বিকল ॥
 উপুড় হইয়া চাহে ভূমি ধরিবারে ।
 না লও সভাতে মোবে ডাকয়ে কাতরে ॥
 বড় বড় জন দেখি আছয়ে সভায় ।
 হেন একজন নাহি এক কথা কয় ॥
 কেহ তোর দুর্বুদ্ধি না করে নিবারণ ।
 চিত্র পুত্তলিকা প্রায় আছে সভাজন ॥
 এই ভীষ্ম দ্রোণ দেখ আছয়ে সভাতে ।
 ধার্মিক এ দুই বড় শ্যাত পৃথিবীতে ॥
 স্বধর্ম ছাড়িল এরা হেন লয় মনে ।
 যম এত দুঃখ কেন না দেখে নয়নে ॥

নাহ্লীক বিহুর ভুরিশ্রবা সোমদত্ত ।
 কুলীল জানি সবে অতুল মহত্ত্ব ॥
 কুরুকুল সব ভ্রষ্ট হইল নিশ্চয় ।
 একজন কেহ এক ভাষা নাহি কয় ॥
 দ্রৌপদী কাতরা অতি দেখিয়া পাণ্ডব ।
 হৃদয়ে যেমন জ্বলয়ে জলোদ্ভব ॥
 রাজ্য দেশ ধন জন সকল হারিল ।
 স্তম্ভিত তাহাতে তাপিত না হইল ॥
 ক্রোধে কাতর মুখ দেখিয়া নয়নে ।
 কৃষ্ণকার শাল যেন পোড়য়ে আগুনে ॥
 ক্রোধাসন টানে তারে কেশেতে আকর্ষি ।
 পরিহাস করি কেহ বলে আন দাসী ॥
 দাদু ক্রোধাসন বলে রাধেয় শকুনি ।
 সজল নয়নে কান্দে দ্রুপদ-নন্দিনী ॥
 মহাভারতের কথা অমৃত সমান ।
 দামোদর দাস কহে শুনে পুণ্যবান ॥

সভাজন প্রতি দিকগের উত্তর

দ্রৌপদী যতেক কহে কেহ নাহি শুনে ।
 ক্রোধ ভীষ্ম উত্তর করিল কতক্ষণে ॥
 কহিতে না পারি আমি ইহার বিধান ।
 ক্ষম্য ক্ষম্য বিচারিয়া কহিতে প্রমাণ ॥
 অন্য দ্রব্যে অন্যের নাহিক অধিকার ।
 দ্রব্য মব্যে গণ্য হয় ভার্য্যা কিবা আর ॥
 আপনা হারিয়া অগ্রে ধর্ম্মের নন্দন ।
 পশ্চাৎ হারিলা কৃষ্ণা জানে সর্ব্বজন ॥
 দ্রুপদ-নন্দিনী পক্ষ পাণ্ডবের নারী ।
 একা যুগিষ্ঠির তাহে নহে অধিকারী ॥
 রাজ্য দেশ ধন জন সব যদি যায় ।
 যুগিষ্ঠির মুখে মিথ্যা কভু না বেরয় ॥
 হারিল বলিয়া মুখে বলিয়াছে বাণী ।
 'ক' কহিব ইহার বিধান নাহি জানি ॥
 এত বলি নিঃশব্দে রহেন ভীষ্মবীর ।
 যুগিষ্ঠির চাহি বলে বৃকোদর বীর ॥
 গৃহে মহারাজ কভু দেখেছ নয়নে ।
 আপনার ভার্য্যাকে হেরেছে কোন্ জনে ॥

কপটে জুয়ারী হইয়াছে বহুজন ।
 তা সবার থাকিবেক বেশ্যা নারীগণ ॥
 সে সব নারীকে তারা নাহি করে পণ ।
 তুমি মহারাজ কর্ম্ম করিলা যেমন ॥
 রাজ্য দেশ ধন জন হারিলা যতেক ।
 ইহাতে তোমাতে ক্রোধ না করি তিলেক ॥
 আমি সহ সকল তোমার অধিকার ।
 যাহা ইচ্ছা কর অন্য নারি করিবার ॥
 এই সে শরীর তাপ সহিবারে নারি ।
 পাশায় করিলা পণ কৃষ্ণা হেন নারী ॥
 তব কৃতকর্ম্ম রাজা দেখহ নয়নে ।
 দ্রৌপদীরে পরিহাস করে হীনজন ॥
 এই হেতু তোমাতে জন্মিল বড় ক্রোধ ।
 ক্ষুদ্রলোক কহে ভাষা নাহি কিছু বোধ ॥
 ধনঞ্জয় বলে ভাই কি বোল বলিলে ।
 নৃপে হেন ভাষা নাহি কহ কোনকালে ॥
 পরম পণ্ডিত তুমি ধর্ম্মজ্ঞ যে গণি ।
 শত্রুর কপটে ছন্ন হৈল হেন জানি ॥
 সদাই শত্রুর ভাই এই যে কামনা ।
 ভাই ভাই বিচ্ছেদ হউক পঞ্চজনা ॥
 শত্রুর কামনা পূর্ণ কর কি কারণ ।
 জ্যেষ্ঠ শ্রেষ্ঠ মহারাজে না কর হেলন ॥
 রাজারে বলিলা হেন কি দোষ দেখিয়া ।
 দ্যুত আরম্ভিল শত্রু কপটে ডাকিয়া ॥
 আপন ইচ্ছায় রাজা না খেলেন দ্যুত ।
 ডাকিলে না খেলিলে হইবে ধর্ম্মচ্যুত ॥
 ভ্রম বলে ধনঞ্জয় না কহিও আর ।
 হীনজন প্রভু হ না পারি সহিবার ॥
 হরি বিনা অন্য চিন্ত নাহিক আমার ।
 দুই ভুজ কাটিয়া ফেলিব আপনার ॥
 ক্ষুদ্রের প্রভু হ যে দেখিতেছি নয়নে ।
 তবে আর ভুজ রাগি কোন্ প্রয়োজনে ॥
 যাহ সহদেব গীত্র অগ্নি আন গিয়া ।
 অগ্নিমধ্যে দুই ভুজ ফেলিব কাটিয়া ॥
 এইরূপে পক্ষ ভাই তাপিত অন্তর ।
 দুঃখের অনলে দহে সর্ব্ব কলেবর ॥

বিকর্ণ নামেতে ধৃতরাষ্ট্রের তনয় ।
 পাণ্ডবের দুঃখ দেখি দুঃখিত হৃদয় ॥
 বেশে কৃষ্ণার ক্লেশ না সহে শরীরে ।
 ভাজনে চাহিয়া বলেন উঠেঃস্বরে ॥
 সভামধ্যে আছে বড় বড় রাজগণে ।
 দ্রৌপদীকে প্রত্যুত্তর নাহি দেহ কেনে ॥
 পুনঃ পুনঃ দ্রৌপদী যে কহিছে সভায় ।
 সভাসদ লোকে হেন বুঝিতে যুয়ায় ॥
 সভায় থাকিয়া যদি বিচার না করে ।
 সহস্র বৎসর থাকে নরক ভিতরে ॥
 এ যে ভীষ্ম ধৃতরাষ্ট্র বিদুর স্মৃতি ।
 কুরুকুলে হর্তা কর্তা এই তিন কৃতী ॥
 এ তিন জনেরে নম্রি করিতে হেলন ।
 তোমরা উত্তর নাহি দেহ কি কারণ ॥
 তোমরা সকলে ভয় করহ কাহারে ।
 উত্তর না দেহ কেন দ্রৌপদীর তরে ॥
 আর যে আছয়ে বহু বহু রাজগণ ।
 বুঝিয়া উত্তর নাহি দেহ কি কারণ ॥
 পুনঃ পুনঃ দ্রৌপদী কহিল বার বার ।
 যার যেই চিন্তে আসে করহ বিচার ॥
 এইমত পুনঃ পুনঃ বিকর্ণ কহিল ।
 একজন সভায় উত্তর না করিল ॥
 কাহার মুখেতে নাহি পাইয়া উত্তর ।
 ক্রোধভরে বিকর্ণ কচালে করে কর ॥
 নিশ্বাস ছাড়িয়া পুনঃ কহে সভাজনে ।
 উত্তর না দেহ সবে কিসের কারণে ॥
 তোমরা যে কেহ কিছু না দিল উত্তর ।
 আমি কিছু কহি শুন সব নরবর ॥
 চারি ধর্ম নৃপতির হয়েছে স্বজন ।
 যুগয়া দেবন দান প্রজার পালন ॥
 এই যে নৃপতিধর্ম দেবনে পশিল ।
 ইচ্ছামুখে নহে সবে কপটে ডাকিল ॥
 যুধিষ্ঠির দ্রৌপদীকে নাহি করে পণ ।
 কপটেতে কহিলেন সুবল-নন্দন ॥
 অগ্রে নরপতি আপনাকে হারিয়াছে ।
 কৃষ্ণার উপর কিবা প্রতুপণ আছে ॥

বিশেষ সমান কৃষ্ণা এ পঞ্চ জনার ।
 একা ধর্মরাজের না ইথে অধিকার ॥
 সে কারণে দ্রৌপদী পাশায় নাহি জিত ।
 তোমরা কি বল সবে মম এই চিত ॥
 বিকর্ণ বচন শুনি যত সভাজন ।
 সাধু সাধু বলি সবে বলয়ে বচন ॥
 বিকর্ণ বচন শুনি কর্ণে ক্রোধ হৈল ।
 দুর্ব্যোধনে চাহি তবে কহিতে লাগিল ॥
 অনেক বিচার বুদ্ধি দেখি যে ইহার ।
 অগ্নি কাঠে জন্মিয়া সংহার করে তার ॥
 সেইমত অগ্নিরূপে এই তব কুলে ।
 হেন অপরূপ কহিলেক সভাস্থলে ॥
 দেবনেতে কৃষ্ণা জিতা হইয়াছে পণে ।
 বুঝিয়া উত্তর নাহি কর কোনজনে ॥
 বালক হইয়া সভামধ্যেতে আসিল ।
 বুদ্ধের সমান নীতি বচন কহিল ॥
 কি জানহ ধর্ম তুমি কি জান বিচার ।
 কৃষ্ণা জিতা নহে যে সে কেমন প্রকার ॥
 যুধিষ্ঠির সর্বস্ব যখন কৈল পণ ।
 জিনিল পাশায় তাহা সুবল-নন্দন ॥
 সর্বস্বের বাহির কি দ্রৌপদী স্তন্দরী ।
 বিশেষ কহিল যবে গান্ধারাদিকারী ॥
 দ্রৌপদীকে পণ কর বলিয়া বলিল ।
 শুনিয়া পাণ্ডব কেন নিবৃত্ত না হৈল ॥
 আর যে বলিলা কৃষ্ণা এক বস্ত্র কায ।
 সভামধ্যে ইহারে আনিতে না যুয়ায় ॥
 কি তার গর্বিত গুরু কিবা ভয় লাজ ।
 বেশ্যা জনে কেন লজ্জা আসিতে সমাজ ॥
 যতক সংসার এই বিধাতা সৃজিল ।
 ভার্য্যার একই স্বামী নিশ্চয় করিল ॥
 দুই স্বামী হইলে বলি যে দ্বিচারিণী ।
 পঞ্চস্বামী হৈলে পরে বেশ্যা মধ্যে গণি ॥
 সভায় আসিবে বেশ্যা লাজ তার কিসে ।
 এইমত বিচার আমার মনে আসে ॥
 দুর্ব্যোধন বলে এই শিশু অল্পমতি ।
 কি জানে বিচার-তত্ত্ব ধর্ম সূক্ষ্ম গতি ॥

তবে আচ্ছা করিল নৃপতি দুঃশাসনে ।
 পাণ্ডবগণের আন বস্ত্র আভরণে ॥
 দ্রৌপদীর বস্ত্র আর যত অলঙ্কার ।
 মটিতে আনিয়া দেহ অগ্রেতে আমার ॥
 এত শুনি ততক্ষণে পঞ্চ সহোদর ।
 বহু অলঙ্কার ফেলি দিলেন সত্বর ॥
 এক বস্ত্র পরিধানা দ্রৌপদী সুন্দরী ।
 দুঃশাসন টানিতেছে বসনেতে ধরি ॥
 ছাড় ছাড় বলিয়া সঘনে ডাক ছাড়ে ।
 সভামধ্যে ধরিয়া অঙ্গে বস্ত্র কাড়ে ॥
 সঙ্কটে পড়িয়া দেবী না দেখি উপায় ।
 আকুল হইয়া কৃষ্ণা ডাকে দেবরায় ॥

দ্রৌপদীর ত্রিকঙ্ককে স্তুতি ।

এই প্রভু কৃপাসিন্ধু, অনাথ জনার বন্ধু,
 অখিলের বিপদভঞ্জন ।
 এসে হে সভার মাঝ, মোর নিবারিতে লাজ,
 তোমা বিনা নাহি অন্তজন ॥
 এই প্রভু পালিতে সৃষ্টি, সংহার করিতে ঋষ্টি,
 পুনঃ পুনঃ হও অবতার ।
 তাহার চরণ ছায়া, স্মরিয়া সঁপিছু কায়া,
 অনাথার কর প্রতিকার ॥
 বিদমন্তী পরক্ৰোধে, ভুজঙ্গ দম্ভীর পদে,
 সেই প্রভু রাখিলা প্রহ্লাদে ।
 তাহার চরণ যুগে, দ্রৌপদী শরণ মাগে,
 রক্ষা কর বিষম প্রমাদে ॥
 তাহার উজ্জল চক্র, কাটিয়া মস্তক নক্স,
 নিস্তার করিল গজরাজ ।
 এল করে ছরাশয়ে, শরণ নিলাম ভয়ে,
 তাঁহার চরণ-পদ্ম মাঝ ॥
 এই প্রভু ঈশদক্ষে, কৃপায় সংসার রক্ষে,
 নাচয়ে যে কণাধর মুণ্ডে ।
 তাহার চরণ রঙ্গ, সঁপিছু আমার অঙ্গ,
 রাখ প্রভু দুহু কুরুদণ্ডে ॥
 যে প্রভু কপটে ছলি, পাতালে লইল বলি,
 নির্ভয় করিয়া শচীপতি ।

তাঁহার ত্রিপাদ পদ্ম, ত্রিপথগামিনী সঙ্গ,
 তাহা বিনা নাহি মম গতি ॥
 পরশি যে পদধূলা, অনেক কালের শিলা,
 দিব্যরূপ অহল্যা পাইল ।
 জলনিধি করি বন্ধ, বিনাশিল দশসন্ধ,
 দ্রৌপদী শরণ তাঁর নিল ॥
 যে প্রভু পর্বত ধরি, গোকুলের গোপনারী,
 রক্ষা কৈল ইন্দ্রের বিবাদে ।
 বেদশাস্ত্র লোকে খাত, পতিপুত্রগণ নাথ,
 পাণ্ডুবধু রাখহ প্রমাদে ॥
 যাহার সৃজন সৃষ্টি, সংসারে যাহার দৃষ্টি,
 মোর দুঃখ কেন নাহি দেখ ।
 বলিষ্ঠ দুর্জয় জনে, স্মরণ করিলে শুনে,
 এ সঙ্কটে কেন নাহি রাখ ॥
 দ্রৌপদী আকুল জানি, অখিলের চক্রপাণি,
 যার নাম আপদ ভঞ্জন ।
 ধর্ম্যরূপে জগৎপতি, রাখিতে এ হেন সতী,
 সত্যধর্ম্য করিতে পালন ॥
 আকাশ মার্গেতে র'য়ে, বিবিধ বসন ল'য়ে,
 দ্রৌপদীরে সঘনে যোগায় ।
 যত দুঃশাসন কাড়ে, ততেক বসন বাড়ে,
 আচ্ছাদন করি সর্ব গায় ॥
 লোহিত পিঙ্গল পীত, নীল শ্বেত বিরচিত,
 নানা চিত্র বিচিত্র বসনে ।
 বিবিধ বর্ণের শাড়ী, দুঃশাসন ফেলে কাড়ি,
 পুঞ্জ পুঞ্জ হৈল স্থানে স্থানে ॥
 পর্বত সমান বাস, দেখি নোকে হৈল ত্রাস,
 চমৎকার হইল সভাতে ।
 কভু নাহি দেখি শুনি, সভাজন বলে বাণী,
 পদ্ম পদ্ম দ্রুপদ দুহিতে ॥
 ধন্য গর্গ মহানুভি, নিস্তার করিতে প্রাণি,
 বাছিয়া ধুইয়া কৃষ্ণ নাম ।
 যে নাম লইল তুণ্ডে, বিবিধ দুর্গতি খণ্ডে,
 হেলে পায় সবাত্তিত কান্দ ॥
 নরেতে যে নাম ধরি, ভবসিন্ধু যায় তরি,
 খণ্ডে-মৃত্যুপতি দণ্ড দায় ।

কণ্ঠে যে নাম জপি, অশেষ পাপের পাপী,
সকল ধর্মের ফল পায় ॥
ভারত অমৃত কথা, ব্যাস বিরচিত গাথা,
অবহেলে যেইজন শুনে ।
চরন্ত সংসার তারি, যায় সেই স্বর্গপুরি,
কালীরাম দাস বিরচনে ॥

দুঃশাসনের বক্তৃৎসানে ভীমের প্রতিজ্ঞা ।

অদ্ভুত দেখিয়া সভাজন হৈল স্তব্ধ ।
সাধু সাধু দ্রৌপদী চৌদিকে হৈল শব্দ ॥
পূর্বের কভু নাহি শুনি না দেখি নয়নে ।
দুর্যোধনে নিন্দা বহু করে সভাজনে ॥
শ্রাভগণ মধ্যে বসি ছিল বৃকোদর ।
মহানাদে গর্জিয়া উঠিল ক্রুদ্ধতর ॥
সভাশব্দ নিবারিয়া কহে সর্বজন ।
মম বাক্য শুন যত আছ রাজগণে ॥
সত্য করি কহি আমি সবার অগ্রেতে ।
যাহা কহি তাহা যদি না পারি করিতে ॥
পিতৃ পিতামহ গতি না পায় কখনে ।
এইত ভারত কুলাধম দুঃশাসনে ॥
রণমধ্যে ধরি বন্ধ করিব বিদার ।
করিব শোণিত পান করি অঙ্গীকার ॥
শুনিয়া সভার লোক হইল কম্পিত ।
প্রশংসিল সভাজন বুঝিয়া বিহিত ॥
তবে দুঃশাসন বড় হইল লজ্জিত ।
পুঞ্জ পুঞ্জ বস্ত্র দেখি হইল বিস্মিত ॥
পরিশ্রান্ত হইয়া আসিল ভূমিতলে ।
মলিন বদন হৈল যত কুরুদলে ॥
মত সাধুগণ সবে করয়ে রোদন ।
ধিক ধৃতরাষ্ট্র নিন্দা করে সর্বজন ॥
আপনিও অন্ধ অন্ধপুত্র জন্মাইল ।
কুরুবংশে এমন কখন না হইল ॥
তবেত বিদুর নিবারিয়া সর্বজনে ।
সভাজনে চাহিয়া বলেন ততক্ষণে ॥
এ সভার মধ্যে আছ বড় রাজগণ ।
বুঝি এক বাক্য নাহি বল কি কারণ ॥

সভাতে থাকিয়া যে বিচার নাহি করে ।
অধর্মের সহ যায় নরক ভিতরে ॥

বহুর কর্তৃক বিরোচন ও সুধম্মা ব্রাহ্মণের
প্রদত্ত কথন ।

পূর্বের বৃত্তান্ত কিছু শুন সভাজন ।
প্রহ্লাদ দৈত্যের পুত্র নাম বিরোচন ॥
অঙ্গির ঋষির পুত্র সুধম্মা নামেতে ।
দুইজনে কোন্দল হইল আচম্বিতে ॥
বিরোচন বলে নাহি রাজার সমান ।
সুধম্মা বলয়ে দ্বিজ সবার প্রধান ॥
এই হেতু কোন্দল করিল দুইজনে ।
ক্রুদ্ধ হয়ে পণ করিলেক ততক্ষণে ॥
যে জন হারিবে তার লইব পরাণ ।
চল সাধুজন স্থানে লইব বিধান ॥
বিরোচন বলে জিজ্ঞাসিব কোন্ স্থানে ।
দ্বিজ বলে চল তব বাপের মদনে ॥
সুধম্মা বলিল শুন দৈত্যের প্রধান ।
মোর সহ দ্বন্দ্ব কৈল তোমার সন্তান ॥
পণ কৈল যে হারিবে লইবে পরাণ ।
সত্য করি কহ তুমি ইহার বিধান ॥
দ্বিজপুত্রে রাজপুত্রে শ্রেষ্ঠ কোন্ জন ।
শুনিয়া বিষ্ময় মানে প্রহ্লাদের মন ॥
চিরে কৈল সত্য কৈলে হারিবে কুমার ।
কেমনে কহিব মিথ্যা নরক দুর্বার ॥
এত চিন্তি জিজ্ঞাসিল কশ্যপের স্থান ।
কহ মুনিবর মোরে ইহার বিধান ॥
অশ্রু অশ্রুর কর্ম তোমার গোচর ।
কেমনে হইবে শ্রেয় বলহ উত্তর ॥
কশ্যপ বলেন যেই বিষয় হইয়া ।
মহাতাপে সভামধ্যে পড়য়ে আসিয়া ॥
সভায় থাকিয়া যেই না করে বিচার ।
নরক হইতে তার নাহিক নিস্তার ॥
যে পক্ষে অন্যায় করে হয় সেই গতি ।
ইহলোকে মহাদুঃখ পায় নিতি নিতি ॥

সন্দের শেল তার কদাচ না টুটে ।
 অংশোক পুত্রশোক অবিলম্বে বটে ॥
 অশ্মির পক্ষ হ'য়ে কহে যেইজন ।
 তার দুই পাদ পাপ সে করে গ্রহণ ॥
 সন্দেহ হ'য়ে যেইক্ষণ পক্ষ হ'য়ে কয় ।
 নতক পুরুষ সহ নরকে পড়য় ॥
 অগ্নিপের স্থানে পেয়ে এতেক বিধান ।
 পুত্রযুথ চাহি বলে দৈত্যের প্রধান ॥
 গারে শ্রেষ্ঠ বলি যারে করি যে বন্দন ।
 তই তোমা হৈতে শ্রেষ্ঠ স্বধন্য ত্রাঙ্গণ ॥
 আমার হইতে শ্রেষ্ঠ অঙ্গিরারে গণি ।
 তার মাতা হৈতে শ্রেষ্ঠ ইহার জননী ॥
 গুলে এত বলিয়া স্বধন্য প্রতি কয় ।
 আমার অধীন আজি বিরোচন হয় ॥
 মরহ রাখহ তুমি যেই তব মন ।
 বাহ ইচ্ছা কর নাহি করি নিবারণ ॥
 এত শুনি ফুট হ'য়ে বলে তপোধন ।
 ব্রহ্মণ পাউক আয়ু তোমার নন্দন ॥
 তখনই তাপ নহে সত্যবাদী জনে ।
 এ কারণে তব পুত্র বাড়ুক কল্যাণে ॥
 এত বলি স্বধন্য আপন গৃহে গেল ।
 সভাজনে চাহি কৃতা এতেক বলিল ॥
 অধাপি উত্তর নাহি দিল কোনজন ।
 দুঃশাসনে বলে তবে সূর্যের নন্দন ॥
 মানহ পরিয়া দাসী কার মুখ চাহ ।
 সভামধ্যে আনিয়া গৃহে ল'য়ে বাহ ॥
 শুনিয়া দ্রৌপদী দেবা কাঁপে থর থরে ।
 স্বামীগণ পানে চাহি কান্দে উচ্চৈঃস্বরে ॥
 স্বামীগণ অধোমুখে দেখি যাজ্ঞসেনী ।
 সভাজন চাহি বলে শিরে কর হানি ॥
 গর্ভেতে উভয় কৰ্ম আমার না ছিল ।
 এই হেতু বিধাতা আমারে দুঃখ দিল ॥
 গর্ভে পিতৃগৃহ মম স্বয়ম্বর কালে ।
 আমারে দেখিয়াছিল নৃপতি সকলে ॥
 আর কছু আমারে না দেখে অন্যজনে ।
 আজি পুনঃ সেই সব দেখিছু নয়নে ॥

চন্দ্র সূর্য্য দেখিলে যাহারা ক্রোধ করে ।
 আশার এ দুর্গতি সে সবার গোচরে ॥
 যত গুরুজনে আমি করি নমস্কার ।
 এক বাক্য বল সব করিয়া বিচার ॥
 দ্রুপদনন্দিনী আমি পাণ্ডব গৃহিণী ।
 সখা মম যাদবেন্দ্র গদা চক্রপাণি ॥
 কুরুকুলে শ্রেষ্ঠ ধর্ম্ম সবার্য্য মহিষী ।
 কহিতেছ তোমরা হইব আমি দাসী ॥
 ভাজ্ঞা কর আমারে ইহার যে বিধান ।
 আর ক্রেশ নাহি সহে আমার পরাণ ॥
 শুনিয়া উত্তর দেন গঙ্গার নন্দন ।
 পুনঃ পুনঃ কল্যাণী জিজ্ঞাস কি কারণ ॥
 দ্রোণ আদি বৃদ্ধ যত আছেন সভায় ।
 কাহার জীবন নাহি হবে মৃতপ্রায় ॥
 মৃতজনে জিজ্ঞাসিলে কি পাবে উত্তর ।
 ধর্ম্ম বিনা সখা নাহি ধর্ম্মাশ্রয় কর ॥
 বহু কষ্টযুত নহে ধার্ম্মিক যে জন ।
 ধর্ম্মবলে কর সব শত্রুর নিধন ॥
 দাসী যোগ্যা অযোগ্যা যে কহিল বিধান ।
 কহি আমি শুনহ আমার অনুমান ॥
 তুমি দাসী হৈতে যুধিষ্ঠিরের সীকার ।
 যুধিষ্ঠিরে জিজ্ঞাসহ ইহার বিচার ॥
 জিত কি অজিতা তুমি কহিবা আপনে ।
 নির্ণয় করিতে ইহা নারে অন্যজনে ॥
 সভাপর্ক স্বদারস পাশার নির্ণয় ।
 ব্যাস বিরচিত গীত কালীদাস গায় ॥
 সভায় যে যাজ্ঞসেনী করয়ে ক্রন্দন ।
 কেশে ধরি দুঃশাসন টানে ঘনে ঘন ॥
 হানিয়া দ্রৌপদী প্রতি বলে দুর্ব্বোধন ।
 কেন অকারণে কৃতা করহ রোদন ॥
 তোর স্বামী যুধিষ্ঠির হানিয়াছে তোরে ।
 পুনঃ পুনঃ কিবা আর জিজ্ঞাস সবারে ॥
 অনুমানে বুঝি তোর এই মনে লয় ।
 একা যুধিষ্ঠির তোর অধিকারী নয় ॥
 জিজ্ঞাসহ চারি স্বামী সম্মুখে সবার ।
 তোর পরে নাহি কি ধর্ম্মের অধিকার ॥

ধৃক যুধিষ্ঠির কহক চারিজন ।
 ইক্ষণে হয় তবে তোমার মোচন ॥
 তুবা কহক নিজে ধর্মের কুমার ।
 ষ্ণার উপরে মম নাহি অধিকার ॥
 ত যদি বলিল নৃপতি দুর্ব্যোধন ।
 গল ভাল বলিয়া কহিল সভাজন ॥
 ণিবারে রাজগণ আছে কুভূহলে ।
 কে বলে ধর্মের পুত্র ভীম কিবা বলে ॥
 কবা বলে ধনঞ্জয় মাদ্রীর নন্দন ।
 ণকজন মুখ সবে করে নিরীক্ষণ ॥
 নেশন্দ নৃপতিগণ একদৃষ্টে চায় ।
 কহিতে লাগিল ভীম চাহিয়া সভায় ॥
 ন্দনে লেপিত ভুজ তুলি সভামাঝে ।
 কহিতে লাগিল যেন কেশরী গরজে ॥
 এই রাজা যুধিষ্ঠির পাণ্ডবের পতি ।
 পাণ্ডবগণের নাহি ইহা বিনা গতি ॥
 ইনি যদি নহিবেন পাণ্ডব ঈশ্বর ।
 এতক্ষণ কোথা বাঁচে কৌরব পামর ॥
 যুধিষ্ঠির মহারাজ হারিল আপনা ।
 ঈশ্বর হইল দাস দাসী কি গণনা ॥
 যুধিষ্ঠির জিত হৈলে জিনিলা সবারে ।
 কাহার শক্তি ইহা খণ্ডিবারে পারে ॥
 আর কহি শুন হুটু কৌরব সকল ।
 আমি জীতে তো সবার নাহিক মঙ্গল ॥
 যেইক্ষণে রাজারে বসালি ভূমিতলে ।
 যেইক্ষণে ধরিলি দ্রুপদস্তুতা চূলে ॥
 সেইক্ষণে আয়ুশেষ তোমা সবাকার ।
 কুটি কুটি করি সবে করিব সংহার ॥
 হের দেখ যমদণ্ড মোর ছুই ভুজ ।
 শচীপতি না জীয়ে পড়িলে ইতি মাঝ ॥
 পর্বত করিব চূর্ণ তোমা গণি কিসে ।
 নিশ্চুল করিতে পারি চক্ষুর নিমিষে ॥
 ধর্মপাশে বদ্ধ এই ধর্মের নন্দন ।
 তেঁই মৃত্যুতিগণ জীয়ে এতক্ষণ ॥
 আর তাহে পুনঃ পুনঃ অর্জুন নিবারে ।
 এখনি দেখাই যদি রাজা আজ্ঞা করে ॥

সিংহ যেন ক্ষুদ্র যুগে করয়ে সংহার ।
 তেমনি নাশিব ধৃতরাষ্ট্রের কুমার ॥
 কহিতে কহিতে ভীম ক্রোধে কম্পে কায় ।
 নয়নে সঘনে অগ্নিকণা বাহিরায় ॥
 ভীষ্ম দ্রোণ বিদুর মধুর বলে বাণী ।
 সকল সম্ভবে তোমা ক্ষম বীরমণি ॥
 ভারতের পুণ্যকথা অমৃত লহরী ।
 শুনিলে অধর্ম্য খণ্ডে ভবসিঙ্কু তরি ॥

দুর্ব্যোধনের উরুভঙ্গে ভীমের প্রতিজ্ঞা

বৃকোদর বীর যবে নিশন্দ হইল ।
 কৃষ্ণা প্রতি কর্ণ বীর কহিতে লাগিল ॥
 তিনজন ধনের উপরে প্রভু নহে ।
 সেবক রমণী শিষ্য শাস্ত্রে হেন কহে ॥
 দাস হৈল যুধিষ্ঠির তুই ভার্য্যা তার ।
 দাসভার্য্যা দাসী হয় জানয়ে সংসার ॥
 দাসী হৈলে দাসী কস্ম কর বখোচিত ।
 ধৃতরাষ্ট্রে গৃহেতে প্রবেশহ স্বরিত ॥
 তোর প্রভু হৈল ধৃতরাষ্ট্রে পুত্রগণ ।
 তোর অধিকারী নহে পাণ্ডুর নন্দন ॥
 যারে তোর ইচ্ছা হয় ভজহ তাহারে ।
 পাণ্ডবেরা আর তোরে নিবারিতে নারে ॥
 বৃকোদর শুনি কর্ণের কটুভর ।
 নিশ্বাস ছাড়িয়া সে কচালে করে কর ॥
 ক্রোধে ছুই চক্ষু যেন রক্ত কুমুদিনী ।
 কর্ণ পানে চাহি যেন গর্জে কাদম্বিনী ॥
 ওরে মূঢ় যে উত্তর করিলি মুখেতে ।
 ইহার উচিত ফল আছে মম হাতে ॥
 ধর্মপাশে বদ্ধ এই ধর্ম অধিকারী ।
 সে কারণে তোরে আমি বলিবারে নারি ॥
 যুধিষ্ঠির প্রতি বলে কৌরব প্রধান ।
 তুমি কেন নাহি কর ইহার বিধান ॥
 চারি ভাই তোমার বাক্যেতে তারা স্থিত ॥
 আপনি বলহ কৃষ্ণা জিতা কি অজিত ॥
 যুধিষ্ঠির অধোমুখ শুনি সে বচন ।
 নয়নে বদন দিয়া ঢাকেন বদন ॥

দুষ্টিরে অধোমুখ দেখি দুর্ঘ্যোধন ।
 কর্ণ ভিতে চাহে বড় প্রফুল্ল বদন ॥
 তমভিতে আড় অঁখি চাহে কৃষ্ণাপানে ।
 আপনার উরু হইতে তুলিল বসনে ॥
 গজশৃঙ্গ সদৃশ উলট রস্তাতরু ।
 সকল লক্ষণযুক্ত বজ্রবৎ উরু ॥
 মদগর্ভে দুর্ঘ্যোধন কৃষ্ণারে দেখায় ।
 নদী বুকোদর বীর ক্রোধে কম্পকায় ॥
 উম বলে যত আছ শুন সভাজনে ।
 এইরূপ দুষ্টকর্ম্য দেখিলা নয়নে ॥
 এই উরু দেখাইল সভার ভিতর ।
 ভারত কুলের পশু নিল জঁজ পামর ॥
 বহু সম গ্রহার করিয়া গদাঘাত ।
 ধমধ্যে উরু ভাঙ্গি করিব নিপাত ॥
 কারনাম এ প্রতিজ্ঞা না করিব যবে ।
 পত্নী পিতামহ গতি নাহি পান তবে ॥
 উমের প্রতিজ্ঞা শুনি কম্পিত আকার ।
 সভাতে বিদুর তবে কহে আরবার ॥
 মর্ম্ম দেখি কুরুকুল রক্ষা নাহি আর ।
 উম ক্রোধান্নিহ্ন হৈতে নাহিক নিস্তার ॥

তোপদীর প্রতি পুতনাদেব বরদান :

কান্দে যাজ্ঞসেনী, তিতিল অবনী,
 নয়নের নীর ধারে ।
 শুদ্ধিকে যত, কৌরব উন্মত্ত,
 নানা উপহাস করে ॥
 শ্রুতি সময়, অন্ধের আলায়,
 নানা অমঙ্গল দেখি ।
 মহাপার শ্রুতি, বায়স শকুনি,
 অকয়ে পেচক পাখী ॥
 শ্রুতি অগ্নি হয়, শুনি শিবাচয়,
 প্রবেশ করিয়া ডাকে ।
 শ্রুতি রথধ্বজ, পড়ি মরে গজ,
 হাহাকার রব লোকে ॥
 অকস্মাৎ ঘর, দহে বৈশ্বানর,
 প্রলয় হইল ধূমে ।

বহে তপ্ত বাত, সঘনে নির্ধাত,
 প্রলয়ের যেন যমে ॥
 বিহনে মিহির, বরষে রুধির,
 সদা ক্ষিতি কম্পমান ।
 দেউল প্রাচীর, যাবত মন্দির,
 ভাঙ্গি পড়ে স্থানে স্থান ॥
 দেখি বিপরীত, চিত্ত উচাটিত,
 ধম্ম ভীত বুদ্ধজন ।
 ভীষ্ম দ্রোণ ক্ষত্র, সুবল দুহিতা,
 অন্ধে কৈল নিবেদন ॥
 শুনি কুরুরায়, অন্তকাল প্রায়,
 নিকট হইল দেখি ।
 অতি অকুশল, অলক্ষ্মী কেবল,
 তোমার গৃহেতে দেখি ॥
 তোমার নন্দন, দুষ্ট আচরণ,
 দুর্ঘ্যোধন বহু কৈল ।
 দ্রুপদ দুহিতা, সতী পতিব্রতা,
 সভামাঝে আনাইল ॥
 যতেক করিল, দ্রৌপদী মহিল,
 সবাচার উপরোধ ।
 শীত্র কর রায়, ইহার উপায়,
 যাবৎ না হয় ক্রোধ ॥
 শুনি অন্ধ বীর, হইল অশ্বির,
 আনাইল যাজ্ঞসেনী ।
 মধুর সম্ভামে, বহু শ্রীতি ভাষে,
 কহে অন্ধ নৃপমণি ॥
 বধূগণ মধ্যে, তোমা গণি সাধে,
 শ্রেষ্ঠা স্ত্রীলা স্ত্রবতা ।
 তোমার চরিত্র, পরন পবিত্র,
 ত্রিজগতে হৈল খ্যাতা ॥
 দেখ বধু মোকে, কর্ম্মের বিপাকে,
 কু-পুত্রগণ পাইল ।
 লোকে অপকীর্তি, জগতে দুর্ভক্তি,
 সব পুত্র হৈতে হৈল ॥
 দিল বহু দুঃখ, দেখি মম মুখ,
 ক্ষমহ দ্রুপদমুখা ।

তুমি না ক্ষমিলে, আমি দুঃখ পেলে,
পশ্চাতে পাইবে ব্যথা ॥

দূর কর রোষ, হইয়া সন্তোষ,
মাগ বর মম স্থানে ।

মাগ মাগ বর, ক্ষম কটুভর,
হ'য়ে প্রসন্নবদনে ॥

শুনিয়া স্তম্ভরী, করযোড় করি,
বর মাগিল তখন ।

পাণ্ডবের গতি, ধর্ম নরপতি,
দাসত্ব কর মোচন ॥

ধর্ম মহারাজ, হয় ক্ষতিমাক,
দাস বলি ক্ষতিভলে ।

আমার নন্দনে, যেন শিশুগণে,
দাসত্ব নাহি বলে ॥

তথাস্তু বলিয়া, মানন্দ হইয়া,
পুনঃ বলে মাগ বর ।

নহে এক বর, তব যোগ্যতর,
তুমি মাগ অচ বর ॥

দ্রোপদী বলিল, কৃপা যদি হৈল,
মাগি যে তোমার পায় ।

সশস্ত্র বাহন, আর চারিজন,
মুক্ত করহ সবায় ॥

বলে কুরুপতি, মাগ গুণবতী,
যেহ লয় মনে তব ।

তুমি কুলাশ্রয়, মম ভাগ্যোদয়,
যে বর মাগিবে দিব ॥

মাগহ তৃতীয়, যেহি তব প্রিয়,
দিতে না করিব আন ।

করি কৃতাজলি, বলয়ে পাঞ্চালী,
কর রাজা অবধান ॥

দুই বর পাই, আর নাহি চাই,
লোভ না জন্মাও মোরে ।

জ্ঞানী-জন-স্থান, শুনেছি বিধান,
তাহা কহি যে তোমারে ॥

বৈশ্য মাগিবেক, সবে বর এক,
কত লবে দুই বর ।

বিজের কুমার, লবে তিনবার,
শাস্ত্রে কহে গুনিবর ॥

করি যোড়পাণি, বলে যাক্ষসেনা,
শুন আমার বচন ।

মুক্ত হই তবে, পুণ্য থাকে যবে,
পুনঃ অর্জিবেক ধন ॥

দ্রোপদী বচন, শুনিয়া রাজন,
প্রশংসি প্রমাণ কৈল ।

পাণ্ডুর নন্দন, দাসত্ব মোচন,
শুনি সবে তুষ্ট হৈল ॥

ভারত কবিতা, মহাপুণ্য কথ,
প্রচার হৈল সংসারে ।

কাশীদাস কয়, নাহিক সংশয়,
অবগে বিপদ তরে ॥

— — —
যুধিষ্ঠিরাদির দাসত্ব মোচন ।

দাশ্যে মুক্ত হইলেন পঞ্চ মহোদর ।
হাসি কর্ণবর বলে সভার ভিতর ॥

নাহি দেখি নাহি শুনি লোকের বদনে ।
স্ত্রী হইতে স্বামী মুক্ত হয়েছে কখনে ॥

ভার্য্যা হৈতে যেহ তরে পুরুষ হইয়া ।
লোকে বলে তাহারে কাপুরুষ বলিয়া ॥

মহাদিক্সু মধ্যেতে তরঙ্গী ডুবেছিল ।
এ মহাবিপদ হৈতে কৃষ্ণা উদ্ধারিল ॥

সংসারের মধ্যে ভার্য্যা শ্রেষ্ঠ সখা পণি ।
সর্বস্বত্ব হীন নর বিহীন রমণী ॥

বিবাহ মাত্রেতে লোক গৃহস্থ বলায় ।
নানা ধন উপার্জয়ে ভার্য্যার সহায় ॥

দান যজ্ঞ ব্রত করে সহায় যাহার ।
পুত্র জন্মাইয়া করে বংশের উদ্ধার ॥

পতিত কুপিত হয় কন্ম অনুসারে ।
জ্ঞাতিগণ ছাড়ে, ভার্য্যা ছাড়বারে নারে ॥

ইহকালে ভার্য্যা হৈতে বঞ্চে বহু গুণে ।
মরণে সহায় হ'য়ে তারে পরলোকে ॥

পরলোকে তারে ভার্য্যা কহে হেন নীত ।
এ লোকে তারিতে কেন নহে সমুচিত ॥

করে যত পাণ্ডুপুত্র হেন অভাধন ।
 সমুদ্রেতে ডুবোছিল যেন হীন জন ॥
 তোমা বিনা নির্লজ্জ কে আছে এ সংসারে ।
 রূপটে জিনিয়া হীন বলিবারে পারে ॥
 তৈবের এ কথা তোরে কহিতে যুয়ায় ।
 ভাষার ঈদৃশাবস্থা করিলি সভায় ॥
 শুনিয়া বলেন পার্থ বিনয় বচন ।
 চান সহ বাকযুদ্ধে নাহি প্রয়োজন ॥
 ইন্দ্রজন বচন শুনিয়া না শুনিবে ।
 চানজন বচনে উত্তর নাহি দিবে ॥
 চানজন সূতপুত্র এই দুরাচার ।
 ইহা সহ সমবন্দ না শোভে তোমার ॥
 ভয় বলে ধমজয় আছয়ে কি লোকে ।
 পুত্রবতী ভাষ্যার এ দশা চক্ষে দেখে ॥
 ঈদৃশ বচন কহিবেক হানজনে ।
 দেহভূজতার তবে বহে অকারণে ॥
 ধর্ম্মে যদি মুক্ত হইলেন ধর্ম্মরাজ ।
 শত্রুগণ সংহারিতে কেন কর ব্যাজ ॥
 আজ সব শত্রুগণ করিব সংহার ।
 একত্র আছয়ে যত শত্রু যে আমার ॥
 যে কিছু করিল চক্ষে নোখনা সে সব ।
 ইহা চয়ে আর কিবা আছে পরাভব ॥
 যক্ষসহস্রাতে ভাই নাহি প্রয়োজন ।
 উঠ ভাই সব, শত্রু করিব নিধন ॥
 কহিতে কহিতে ভায় ক্রোধে কম্পে অঙ্গ ।
 নিশিত অনল যেন নয়ন তরঙ্গ ॥
 ঘন-তরঙ্গ হৈতে অগ্নি বাহিরায় ।
 শত্রুর মুক্তি যুগান্তের যম প্রায় ॥
 ইম আজ্ঞাত উঠিলেন তিনজন ।
 নজয় আর হই মাদ্রার নন্দন ॥
 "মুখে দেখিল ভায় লোহার মুদগর ।
 লিখা লহিতে যায় বীর বৃকোদর ॥
 কহা বিনয় বন্দ ধর্ম্মের নন্দন ।
 ই হস্ত তুনি ভমে করেন বারণ ॥
 বিষ্টির গজ ভীম লজ্জিতে না পারে ।
 ক্রোধ নিগারন তবে চারি সহাদরে ॥

মহাভারতের কথা অমৃত সমান ।
 কাশী কহে শুনিলে জন্ময়ে দিব্যজ্ঞান ॥

পাণ্ডবের নিজ রাজ্যে গমন ।

তবে ধর্ম্ম নংপতি জ্যেষ্ঠতাত আগে ।
 সবিনয় পূর্বক বহেন করযুগে ॥
 আত্মা কর তাত কি করিব আমি সব ।
 তোমার শাসনে সদা বঞ্চয়ে পাণ্ডব ॥
 শুনিয়া কোরবপতি অন্তরে লজ্জিত ।
 শান্ত কৈল যুপিষ্টির করি বহু প্রীতি ॥
 সাধুজন শ্রেষ্ঠ ভূমি ধর্ম্মজ্ঞ পণ্ডিত ।
 তোমাতে কি বুঝাইব জান সব নীতি ॥
 সাধুজন কর্ম্ম কভু হৃদে না প্রবেশে ।
 নিজগুণ নাহি ধরে পরগুণ ঘোষে ॥
 গুণাগুণ কহে যেই সে হয় মধ্যম ।
 সদা অগ্নিগুণ কহে সেই সে অধম ॥
 বংশের তিলক তুমি কুরুকুলনাথ ।
 দুর্ঘ্যোধনে যত দোষ ক্ষমা কর তাত ॥
 আমি আর গান্ধারীর দেখিয়া বদন ।
 সব ক্ষম যত দুঃখ দিল দুষ্টিগণ ॥
 কুরুকুল শ্রেষ্ঠ ভূমি পরম ভাজন ॥
 বালকের যত দোষ কর সম্ভরণ ॥
 যে দূত কারল পূর্বে কেহ নাহি করে ।
 পুত্র বলাবল মিত্রামিত্র বুঝিবারে ॥
 ভালমতে তোমারে জানিনু এতদিনে ।
 কি শোক কোরবকুলে তোমার পালনে ॥
 ভাষাজ্জুন রক্ষা আর ক্ষতার মন্ত্রণা ।
 দ্রোপদা সত্যের গুণ না হয় বর্ণনা ॥
 আমার ভারত বংশ করিল উজ্জল ।
 যার কীর্তি যুষ্মকেক ত্রৈলোক্যমণ্ডল ॥
 যাও তাত নিজ রাজ্য কর অধিকার ।
 পালহ আপন দেশ প্রজা পরিবার ॥
 এত বলি পঞ্চজনে কারল মেলানি ।
 প্রণামিয়া গেলেন সহিত যাজ্ঞশেনী ॥
 সভাপর্ক স্থগারস ব্যাস বিরচিত ।
 শুনিলে অধ্যক্ষ খণ্ড পরলোক হিত ॥

যতগাষ্ট্র হানে দুৰ্য্যোধনের বিষাদ ।

শুনি জন্মেজয় জিজ্ঞাসেন মুনিবরে ।
কহ শুনি কি প্রসঙ্গ হৈল তদন্তরে ॥
কেন বনে চলিলেন পিতামহগণ ।
শুনিবারে ইচ্ছা বড় কহ তপোধন ॥
মুনি বলে পঞ্চ ভাই ইন্দ্রপ্রস্থে গেল ।
করযোড়ে দুঃশাসন দুৰ্য্যোধনে বলে ॥
যতেক করিলা সব বৃদ্ধ বিনাশিল ।
যে সব জিনিলা তারে পুনঃ তাহা দিল ॥
দুৰ্য্যোধন দুঃশাসন রাধেয় শকুনি ।
অতি শীঘ্র গেল যথা অন্ধ নৃপমণি ॥
দুৰ্য্যোধন বলে তাত অনর্থ করিলা ।
বন্দী করি দুই সিংহ পুনঃ ছাড়ি দিলা ॥
বৃহস্পতি ইন্দ্রকে যে কহিলেন নীত ।
তুমি কি না জান তাহা তোমাতে বিদিত ॥
যেমতে পারিবে শত্রু করিবে নিধন ।
ছলে বলে শত্রুকে না ক্ষমি কদাচন ॥
পাণ্ডব হইতে জিনিলাম যত ধন ।
বাছড়িয়া দেহ তারে কিসের কারণ ॥
স্নেহ করি পুনঃ সব তুমি দিলা তারে ।
এখন কি পাণ্ডুপুত্র ক্ষমিবে আমারে ॥
ক্রোধে সর্ববৎ হয় পাণ্ডু-পুত্রগণ ।
যত কহিলাম না ক্ষমিবে কদাচন ॥
সকল ক্ষমিবে তাত তোমার পীরিতে ।
দ্রোপদীর কষ্ট না ক্ষমিবে কদাচিত্তে ॥
সৈন্য সাজিবারে তারা গেল নিজদেশ ।
যুদ্ধ হেতু আসিবেক করি সমাবেশ ॥
সশস্ত্রে থাকিলে রথে পাণ্ডুরপুত্রগণ ।
জিনিতে না হবে পশু এ তিন ভুবন ॥
আর শুন তাত যবে মুক্ত হ'য়ে যায় ।
মুহূৰ্হু পাৰ্থ বীর গাণ্ডীব দেখায় ॥
দক্ষিণ বামেতে দুই তুণ ঘন দেখে ।
সঘনে নিশ্বাস ছাড়ে হস্ত দিয়া নাকে ॥
অতিশয় গর্জিয়া যাইছে বৃকোদর ।
ঘন গদা লোফয়ে কঢ়ালে করে কর ॥

স্নেহেতে ফুলিয়া তাত করিলা কি কায ।
মোর রোষ হেতু স্মরণ হৈলা মহারাজ ॥
শুনিয়া অশ্বির হৈল চিত্তে কুরুরায় ।
অন্ধ বলে কি হইবে কি করি উপায় ॥
দুৰ্য্যোধন বলে তাত আছয়ে উপায় ।
পুনঃ পাশা প্রবর্তিয়া করহ নির্ণয় ॥
যে হারিবে দ্বাদশ বৎসর যাবে বন ।
বৎসরের অজ্ঞাত থাকিবে এই পণ ॥
বৎসর অজ্ঞাত বাস মধ্যে জ্ঞাত হয় ।
পুনরপি বনবাস অজ্ঞাত নিশ্চয় ॥
ত্রয়োদশ বৎসর পাণ্ডব গেল বনে ।
পৃথিবীর যত রাজা করিব আপনে ॥
ইহা বিনা উপায় নাহিক মহাশয় ।
আজ্ঞা কর আনিবারে পাণ্ডুর তনয় ॥
শুনি অন্ধ আজ্ঞা দিল প্রতিকামী প্রতি :
যাও শীঘ্র ফিরি আন ধর্ম্য নরপতি ॥
পথে কিবা ইন্দ্রপ্রস্থে যথায় ভেটিবে ।
মম আজ্ঞা বলি পুনঃ আনহ পাণ্ডবে ॥
এত শুনি বলে দ্রোণ রূপ সোমদত্ত ।
বাহুলীক বিহুর মন্ত্রী বিকর্ণাদি যত ॥
একে একে পুনঃ পুনঃ সবাই কহিল ।
পুত্রবশ হ'য়ে রাজা শুনি না শুনিল ॥
কার' বাক্য না শুনিল কুরু অধিকারী :
কহিতে লাগিল তবে গাঙ্গারী সুলন্দরী ॥
মহাভারতের কথা অমৃত সমান ।
কাশীরাম দাস কহে শুনে পুণ্যবান ॥

পুনঃ পাশা খেলারস্ত ।

গাঙ্গারী কহিছে রাজা কর অবধান :
শিশুর বচনে কেন হও হতজ্ঞান ॥
যখন জন্মিল এই দুই দুৰ্য্যোধন ।
বিপরীত শব্দেতে কম্পিত সর্বজন ॥
বিহুর বলিল এরে করহ সংহার ।
ইহামারি রাখ রাজা বংশ আপনার ॥
এ পাপিষ্ঠ-স্নেহে না শুনিলা ক্ষতাবণী
সেই কাল উপস্থিত হৈল নৃপমণি ॥

সর্বনাশ হেতু রাজা ইহার বিচার ।
 পুত্ররূপে আছে সব করিতে সংহার ॥
 ইহার বচন না শুনিও কৃদাচন ।
 নিরুত্তর হইল অগ্নি না জ্বাল এখন ॥
 হুহু হ'য়ে তুমি কেন হও অন্যমতি ।
 আপনি জানহ তুমি দুষ্টির প্রকৃতি ॥
 এখন ত্যজহ কুলান্ধার দুর্ঘোষণ ।
 ইহ ত্যজি নিজ বংশ রাখহ রাজন ॥
 মম বাক্য না শুনি ইহার বশ হবে ।
 আপনি আপন বংশ সকল মজাবে ॥
 ধনে বংশে বৃদ্ধি হইয়াছে হে রাজন ।
 সর্বনাশ কর প্রভু কিসের কারণ ॥
 সম্প্রতি স্থখের হেতু কর হেন কায় ।
 পশ্চাতে কি হবে নাহি গণ মহারাজ ॥
 অদর্শে অর্জিত লক্ষ্মী সমূলেতে যায় ।
 মহাদুঃখ পায় প্রভু দুষ্টির আশ্রয় ॥
 চরণে ধরিয়া প্রভু কহি যে তোমারে ।
 পুনঃ অজ্ঞা না হয় অনিতে পাণ্ডবে ॥
 দ্রুতরাষ্ট্র বলে শুন সুবল-নন্দিনী ।
 আমারে কি বুঝহ সকল আমি জানি ॥
 কুরু অন্তকাল জানি হইল নিশ্চয় ।
 আমার শক্তিতে দূতে নিরুত্তর না হয় ॥
 যাহা আছে তাহা হোক দৈবের লিখন ।
 আমিও খেলুক পুনঃ পাণ্ডুর নন্দন ॥
 অজ্ঞা পেয়ে প্রতিকার্মা গেল ততক্ষণ ।
 পশ্চাতে ভেটিল পক্ষ পাণ্ডুর নন্দন ॥
 যদৃষ্টের প্রতিকার্মা কহে যোড়হাতে ।
 স্বেচ্ছাতা অজ্ঞা তব ফিরিয়া যাইতে ॥
 পুনঃ পাশা খেলাইতে বলে কুরুবার ।
 শুনিয়া বিস্মিত হইলেন যুধিষ্ঠির ॥
 ধর্ম বলে দৈববশ শুন ভ্রাতৃগণ ।
 মম শক্তি নাহি লজ্জি অন্ধের বচন ॥
 বিশেষ আমার ধর্ম জান ভ্রাতৃগণ ।
 অস্থানিলে দূতে যুদ্ধে না ফিরি কখন ॥
 চল সর্ব ভ্রাতৃগণ যাইব নিশ্চয় ।
 বংশক্ষয় কাল বিধি করিল নির্ণয় ॥

এত বলি ভ্রাতৃগণ লইয়া সংহতি ।
 পুনঃ আসি সভাতে বৈসেন নরপতি ॥
 শকুনি বলিল দেখ ধর্মের নন্দন ।
 অন্ধরাজ অজ্ঞা করে খেল করি পণ ॥
 যে হারিবে দ্বাদশ বৎসর বনে যাবে ।
 অজ্ঞাত বৎসর এক গুপ্তবেশে রবে ॥
 অজ্ঞাত বৎসর মধ্যে ব্যক্তি যদি হয় ।
 পুনরপি বনবাস অজ্ঞাত উভয় ॥
 ত্রয়োদশ বৎসর হইবে যদি পদার ।
 পুনরপি লইবেক রাজ্য যে যাহার ॥
 এইত নিয়ম করি দূত আরম্ভিল ।
 যতেক স্নহদগণ বারণ করিল ॥
 যুধিষ্ঠির বলেন বারণ কি কারণে ।
 সম্মত না হবে কেন আমি হেন জনে ॥
 এতেক আহ্বান আর গুরুর আদেশ ।
 ধার্মিক না ছাড়ে যদি ধর্ম হয় ক্রেশ ॥
 এত বলি যুধিষ্ঠির দূত আরম্ভিল ।
 দৈবের নির্বন্ধ দেখ শকুনি জিনিল ॥

কৌরবগণের পাণ্ডবদলের প্রতিজ্ঞা ।

বিলম্ব না করিলেন ধর্ম নরপতি ।
 সহস্রগণে করিলেন অরণ্যেতে গতি ॥
 বসন ভূষণ আদি সকল ত্যজিয়া ।
 নুনিবেশ ধারিলেন বাকল পারিয়া ॥
 হেনকালে দ্রুপদসেন উপহাস ছলে ।
 সভামধ্যে দ্রুপদকন্যার প্রতি বলে ॥
 দুখ রাজা যাজ্ঞসেন কি কণা করিল ।
 দ্রোপদা এমন কন্যা ক্রাবে সমর্পিল ॥
 শুন ওহে যাজ্ঞসেন মম বাক্য ধর ।
 কোথা দুঃখ পাবে গিয়া পানর ভিতর ॥
 এই কুরুজন মধ্যে নারে মনে ভয় ।
 তাহারে ভজিয়া স্তব পাঠহ আলয় ॥
 এইরূপে পুনঃ পুনঃ বলিল অপার ।
 গর্জিয়া নেউটি কহে পবনকুমার ॥
 রে দুষ্ট নিকট-মুহূর্ত্ত জানিল আপন ।
 সেই হেতু কহিলি এমত কুবচন ॥

এ সব বচন আমি করাব স্মরণ ।
 রণমধ্যে আমি তোরে পাইব যখন ॥
 যথেষ্টে শরীর তোর করিব বিদার ।
 নৈশূল কবিব সখা যতেক তোমার ॥
 গত সহোদর সহ লোটাইব ক্রিতি ।
 ইহা না করিলে যেন না পাই সদাতি ॥
 এতেক কহিয়া তবে যায় বৃকোদর ।
 ংহাসন হইতে উঠিল কুরুবর ॥
 ইরূপে চলি যায় পবন নন্দন ।
 ইরূপে হাসিয়া চলিল দুর্ব্যোধন ॥
 মউটিয়া বৃকোদর পাছু পানে চায় ।
 পঁহাস জানিয়া ক্রোধেতে কম্প কাষ ॥
 র দুষ্ঠ উচিত ফল পাইবি ইহার ।
 স কালে এ সব কথা স্মরাব তোমার ॥
 দ দিয়া এইরূপে তোমার মস্তকে ।
 লিয়া যাইবার কালে স্মরাব তোমাকে ॥
 তারে সংহারিব তোর যত বন্ধু সখা ।
 গত ভাই তোমার মারিব আমি একা ॥
 এত বলি বৃকোদর নিঃশব্দেতে রয় ।
 সভামধ্যে ডাকিয়া বলেন ধনঞ্জয় ॥
 যতেক প্রতিজ্ঞা কর সব অকারণ ।
 ত্রয়োদশ বৎসরান্তে যদি নহে রণ ॥
 ত্রয়োদশ বৎসরান্তে যদি পাই রণ ।
 তবেত তোমার আজ্ঞা করিব পালন ॥
 কর্ণেরে মারিব যেন পতঙ্গের মত ।
 সহায় সম্বন্ধী তার হবে আর যত ॥
 হিমাঙ্গি টলিবে, সূর্য্য ত্যজিবে কিরণ ।
 তথাপি প্রতিজ্ঞা মম না হবে লঙ্ঘন ॥
 শুন সব রাজগণ আছ সভাস্থলে ।
 আজি হৈতে ত্রয়োদশ বৎসরান্ত কালে ॥
 কোড়ুক দেখিবে সবে যুদ্ধ হয় যদি ।
 কৌরবের শোণিতে পূরাব নদনদী ॥
 কদাচিত দিব্যজ্ঞান জন্মে দুর্ব্যোধনে ।
 বিনত হইয়া পড়ে ধর্ম্মের চরণে ॥
 তবে ত প্রতিজ্ঞা যত সকল বিফল ।
 আনন্দে বঞ্চিত হবে কৌরব সকল ॥

তবে সহদেব কহে চাহিয়া শকুনি ।
 রে দুষ্ঠ গান্ধার পুত্র শুন এক বাণী ॥
 কপটেতে পাশা তুই করিলি রচন ।
 পাশা নহে প্রহারিলি তীক্ষ্ণ অস্ত্রগণ ॥
 ভীমের আদেশ মম নহিবে লঙ্ঘন ।
 অবশ্য আমার হাতে তোমার নিধন ॥
 হেনকালে নকুল বলয়ে সভাস্থলে ।
 এবে মন দিয়া শুন নৃপতি সকলে ॥
 ধর্ম্মপুত্র-আজ্ঞা আর কৃষ্ণার সম্মতি ।
 নিঃশেষ করিব কুরুসৈন্য সেনাপতি ॥
 এত বলি চলিলেন পাণ্ডুপুত্রগণ ।
 ধৃতরাষ্ট্র স্থানে যায় বিদায় কারণ ॥
 মহাভারতের কথা অমৃত-সমান ।
 শুনিলে নিষ্পাপ হয় জন্মে দিব্যজ্ঞান ॥
 মস্তকে বন্দিয়া ব্রাহ্মণের পদরজ ।
 কহে কাশীদাস গদাধর দাসাগ্রজ ॥

পাণ্ডবদিগের বনে গমনোল্লোখ ।

বিনয় করিয়া কহিছেন ধর্ম্মরায় ।
 ধৃতরাষ্ট্র আদি যত ছিলেন সভায় ॥
 ভীষ্ম দ্রোণ কৃপাচার্য্য বিদুর সঙ্ঘয় ।
 সৌমদত্ত ভূরিশ্রবা পৃষত-তনয় ।
 একে একে সবাকারে বলে ধর্ম্মরায় ।
 আজ্ঞা কর বনে যাই মাগি যে বিদায় ॥
 লজ্জায় মলিন সবে মাথা না তুলিল ।
 মনে মনে সর্ব্বজন কল্যাণ করিল ॥
 বিদুর কহেন তবে সজল নয়নে ।
 খণ্ডাইতে কেবা পারে দৈব নির্ব্বন্ধনে ॥
 কতদিন কষ্টভোগ করহ কাননে ।
 কুন্তীরে রাখিয়া যাও আমার ভবনে ॥
 একে বৃদ্ধা আর তাহে রাজার কুমারী ।
 যোগ্য নহে কুন্তী এবে হবে বনচারী ॥
 ধর্ম্ম বলিলেন তুমি জনক সমান ।
 তব আজ্ঞা কুরুকূলে কে করিবে আন ॥
 বিশেষ পাণ্ডুর গুরু জানে সর্ব্বজন ।
 মম শক্তি নহে তাহা করিতে হেলন ॥

থাকুন জননী তাত তোমার আলয় ।
 আর কি করিবে আজ্ঞা কর মহাশয় ॥
 বিদুর বলেন তুমি সর্ব ধর্মজ্ঞাতা ।
 অধর্ম্যে হইল জিত না ভাবিহ ব্যথা ॥
 পরম সঙ্কটে যেন ধর্ম্যচ্যুত নহে ।
 এই উপদেশ মম যেন মনে রহে ॥
 কল্যাণে আইস সত্য করিয়া পালন ।
 পুনঃ তোমা দেখি যেন যুড়ায় নয়ন ॥
 এত বলি বিদুর হইল শোকাকুল ।
 বনে যেতে পঞ্চ ভাই হ'লেন আকুল ॥
 ছটাবন্ধ পঞ্চভাই করেন ভ্রমণ ।
 তবেত দ্রৌপদী দেবা দেখি স্বামিগণ ॥
 ত্যজিল ভ্রমণ বস্ত্র পিঙ্গুন সকল ।
 নম্রিত কোমল কেশ পিঙ্গুন বাকল ॥
 রাজ্য ত্যজি অরণ্যেতে যায় ধর্ম্মরায় ।
 গন্তিনার লোক শুনি স্ত্রী পুরুষে ধায় ॥
 পাণ্ডবের বেশ দেখি কান্দে সর্বজন ।
 বল রক্ত যুবা কান্দে যতেক স্ত্রীগণ ॥
 ভ্রমে গড়াগড়ি দিয়া কান্দে দ্বিজগণ ।
 আমা সবাকারে কেবা করিবে পালন ॥
 নগর পুরিল সে রোদন কোলাহলে ।
 গন্তিনা কন্দম হৈল নয়নের জলে ॥
 পঞ্চপুত্র বনে যায় বধু গুণবতী ।
 বার্তা শুনি কুন্তীদেবী আসে শীঘ্রগতি ॥
 দূর হৈতে দেখি কুন্তী তনয় সকলে ।
 নচ্ছিত হইয়া দেবী পড়িল ভূতলে ॥
 নকুলিত কেশভার গলিত বসন ।
 শিরে করাঘাত করি করয়ে রোদন ॥
 বধুর দেখিয়া বেশ হইল বাতুলী ।
 লাগাইয়া রহে যেন চিত্রের পুতলী ॥
 কণেক রহিয়া কহে গদগদ ভাষে ।
 সভাপর্ব স্বধারস গায় কাশীদাসে ॥

— — —
 দ্রৌপদার বেশ দেখিয়া কুন্তীর বিষাদ ।

মনে হয় দুঃখ, পূর্ণচন্দ্র মুখ,
 কি হেতু মলিন দেখি ।

অগ্নান অধর, দিল যে কিম্ব
 বাকল তাহা উপেক্ষি ॥
 মাণিক মঞ্জরী, হার শতেশ্বরী
 তোমার হৃদয়ে সাজে ।
 ছিল অনুরাগ, তাহা কৈলে ত্যাগ
 দিল যে রাক্ষস-রাজে ॥
 যুগল কঙ্কণ, অমূল্য রতন
 করেতে সাজিতে ছিল ।
 কাড়ি নিল কেবা, নাহি দেখি সেবা
 যক্ষপতি যাহা দিল ॥
 অতুল অঙ্গুরী, দিল যে তাহারি
 অনেক যতন করি ।
 তেঁই নাহি সাজে, দিলা কোন দ্বিজ
 কি বলিব সে মাধুরী ॥
 যাক পাছে সর্ব, কোন ছার জ্বা
 তোমার আপদ লৈয়া ।
 বিরস বদন, সজল নয়ন
 দেখিয়া বিদরে হিয়া ॥
 হরে মম ক্ষুধা, তোমার সে স্বধা
 বচনে কেবল মধু ।
 তুলি অধোগুথ, খণ্ড মম দুঃখ
 কহ শুনি প্রাণবধু ॥
 হেন লয় চিতে, স্বামিগণ প্রীতে
 কৈলা বধু হেন বেশ ।
 দুঃশাসন দোষে, কোরব বিনাশে
 মুক্ত কৈলা প্রায় কেশ ॥
 ধন্য তব ক্ষমা, ক্ষিতি নহে সমা
 দ্বন্দ্ব না করিলা ক্রোধে ।
 নিন্দজীর্ণ সব, স্তবল সম্ভব
 তেঁই হৈলা উপরোধে ॥
 না করহ মান, ভাবি নহে আন
 দাতা নারে খণ্ডিবারে ।
 পাল সত্যধর্ম্ম, কর সাধুকর্ম্ম
 ধর্ম্ম রাখে ধার্ম্মিকেরে ॥
 তুমি সত্য জিতা, সতী পতিব্রতা
 আমি কি করাব শিক্ষা ।

স্বামিগণ, যাইতেছ বন,
আমি মাগি এক ভিক্ষা ॥
নৈষ্ঠ নন্দন, আমার জীবন,
তুমি জান ভালমতে ।
জে বালক, বনে মহাছুঃখ,
সদা দেখিবা স্নেহেতে ॥
হ্মার দেহ, প্রাণাধিক স্নেহ,
আপনি করিবা তুমি ।
টী ইহা বলি, যেমন বাতুলী,
মুচ্ছিতা পড়িলা ভূমি ॥
ট্রে সঙ্গীত, শ্রবণে অমৃত,
পাণ্ডবের বনবাস ।
শীদাস কহে, পূর্ব পাপ দহে,
পুরাণে কহিল ব্যাস ॥

পাণ্ডবদের বন প্রস্থান ও ধৃতরাষ্ট্রের প্রণাম ।

শান্তভীরু ছুঃখ দেখি দ্রৌপদী কাতর ।
চতন করি কহে যুড়ি দুই কর ॥
উঠ মহাদেবি না বাড়াও শোক ।
র্ম করি শোচনা না করে জ্ঞানীলোক ॥
জ্ঞা কর বনে যাব সহ স্বামিগণ ।
আজ্ঞা করিবা তুমি করিব পালন ॥
চ বলি স্বামী সহ চলে বনবাস ।
ক অশ্রুজল বহে মুক্ত কেশপাশ ॥
ছু পাছু ধায় তবে ভোজের নন্দিনী ।
ভ্রগণ দেখি দেবী হৃদে হানে পাণি ॥
টমুণ্ডে দাণ্ডাইল পঞ্চ সহোদর ।
হৃদিকে হাসে যত কোরব-কোঙর ॥
দান করয়ে যত স্নহদ স্নজন ।
এ ভাই বিবর্জিত বস্ত্র আভরণ ॥
খিয়া পড়িল শোক-সাগর অগাধে ।
শ্রজলে পরিপূর্ণ কহে গদগদে ॥
প্রতি নিষ্পাপী সত্যচারী যে উদার ।
র হেন দেখি বিধি এ কোন্ বিচার ॥
সবাকার কিছু না দেখি অধর্ম ।
ন বুঝি এই পাপ মম গর্তে জন্ম ॥

অভাগিনী পাপী আমি জনম দুঃখিনী ।
মম দোষে এত দুঃখ মনে অনুমানি ॥
তেজে বীর্যে বুদ্ধে ধর্ম্যে কেহ নহে ন্যূন ।
ত্রিজগৎ খ্যাত যেই পুত্র সর্বগুণ ॥
হেন বীর্যবন্তে বৈরী বেড়ি চারিপাশে ।
রাজ্যধন লইয়া পাঠায় বনবাসে ॥
পূর্বে যদি জানিতাম এ সব বারতা ।
শতশৃঙ্গ হইতে কি আসিতাম হেথা ॥
বড় ভাগ্যবান পাণ্ডু স্বর্গবাসে গেল ।
পুত্রগণ এত দুঃখ চক্ষে না দেখিল ॥
সঙ্গে গেল ভাগ্যবতী মদ্রের নন্দিনী ।
আমি না গেলাম সঙ্গে অধমা পাপিনী ॥
তাহার সদৃশ তপা আমি না করিনু ।
পাপ হেতু কষ্ট আমি ভুঞ্জিতে রহিনু ॥
লোভেতে রহিনু পুত্রগণেরে পালিতে ।
তাহার উচিত হৈল এ দুঃখ দেখিতে ॥
হে পুত্র আমারে ছাড়ি না যাহ কাননে ।
কৃষ্ণা তুমি আমা ছাড়ি বঞ্চিত কেমনে ॥
বিধি মোরে বাঙ্কিলা এ দুঃখের নিগড়ে ।
সেই হেতু পাপ আয়ু আমারে না ছাড়ে ॥
হায় পাণ্ডু মহারাজ ছাড়িলা আমারে ।
অনাথ করিয়া সাধু সপুত্রগণেরে ॥
ওরে পুত্র মহদেব ফিরি চাহ মোরে ।
।করূপে আমার মায়া ছাড়িলে অন্তরে ॥
তিলেক না বাঁচি তোমা না দেখি নয়নে ।
কেমনে রহিবে প্রাণ তোমার বিহনে ॥
ভাই সব যদি সত্য না পারে ছাড়িতে ।
সবে যাক তুমি রহ আমার সহিতে ॥
হেনমতে কুন্তীদেবী করয়ে রোদন ।
প্রবোধিয়া প্রণমিয়া যায় পঞ্চজন ॥
প্রবোধ না মানে কুন্তী যায় গোড়াইয়া ।
বিহুর কহেন তারে বহু বুঝাইয়া ॥
ধরিয়া লইয়া গেল আপনার ঘরে ।
কুন্তী সহ কান্দে যত নারী অন্তঃপুরে ॥
শুনিয়া হইল ব্যগ্র অন্ধ নৃপমণি ।
নীভ্রগতি বিহুরে ডাকাইয়া আনি ॥

দূতরাষ্ট্রে বলে শুনি মস্তি চূড়ামণি ।
 নগরেতে মহাশব্দ ক্রন্দনের ধ্বনি ॥
 হেন বুঝি কান্দে সবে পাণ্ডব কারণ ।
 কহ শুনি কিরূপেতে যায় তারা বন ॥
 ক্রভা বলে যুধিষ্ঠির যায় হেঁটমুখে ।
 সবিষাদ চিন্তে বসনেতে মুখ ঢাকৈ ॥
 দুই বাহু বিস্তারিয়া যায় বৃকোদর ।
 অশ্রুজলে অর্জুনের বহে জলধর ॥
 নকুল যাইছে ছাই সর্বাস্থে মাথিয়া ।
 সহদেব যায় মুখে কর আচ্ছাদিয়া ॥
 দ্রুপদনন্দিনী যায় সবার পশ্চাতে ।
 অকুলিত কেশভার কান্দিতে কান্দিতে ॥
 ধৌম্য পুরোহিত সঙ্গে করে বেদধ্বনি ।
 বিষাদিত চিন্ত অতি কুশমুষ্টিপাণি ॥
 দূতরাষ্ট্রে বলে কহ ইহার কারণ ।
 একরূপে পাণ্ডব কেন যাইতেছে বন ॥
 বিদুর কহেন রাজা কহি দেহ মন ।
 কপটে সর্বস্ব নিল তব পুত্রগণ ॥
 এমন করিল কশ্ম নছিল উচিত ।
 সদা যুধিষ্ঠির তব পুত্রগণে প্রীত ॥
 কদাচিত ভঙ্গ যদি হয় নেত্রানলে ।
 এই হেতু হেঁটমুখে ঢাকিয়া অঞ্চলে ॥
 ভীম বলে মম সম নাহিক বলিষ্ঠ ।
 সংসারে যতেক বীর সকলের ঐষ্ঠ ॥
 ইহার উচিত শাস্তি করিব আসিয়া ।
 এত বলি যায় বীর ভুজ প্রসারিয়া ॥
 অর্জুনের অশ্রুজল বহে অনিবার ।
 সেইমত বরষিয়ে অস্ত্র তীক্ষ্ণধার ॥
 প্রত্যক্ষতে ভবিষ্যতে সহদেব জানে ।
 বংশনাশ জানি হস্ত দিয়াছে বদনে ॥
 এইমত ভঙ্গ্য আমি করিব বৈরীরে ।
 সেই হেতু নকুল ভঙ্গ্য মাখিল শরীরে ॥
 যাজ্ঞসেনী দেবী যায় করিয়া রোদন ।
 এইমত কান্দিবেক সর্ব নারীগণ ॥
 কুশ হস্তে ল'য়ে যায় ধৌম্য তপোধন ।
 সঙ্কল্প করিব কুরু আক্রমণ কারণ ॥

কুরুপভায় নারদ ঋষির আগমন ।

হেনকালে উপনীত ব্রাহ্মার তনয় ।
 সভামধ্যে কহেন নারদ মহাশয় ॥
 আজি হৈতে চতুর্দশ বৎসর সময় ।
 শ্রীকৃষ্ণ সহায়ে করিবেক কুলক্ষয় ॥
 সবাই মরিবে দুর্ঘোষধন অপরাধে ।
 নিঃস্কত্র হইবে ক্ষিতি ভীমার্জুন ক্রোধে ।
 এত বলি মুনিবর হৈল অন্তর্দ্বান ।
 শুনি কর্ণ দুর্ঘোষধন হইল কম্পমান ॥
 নারদের কথা শুনি হইল অস্থির ।
 অকূল সমুদ্রে যেন ডুবিল শরীর ॥
 উপায় না দেখি ইথে কি হইবে গতি ।
 বিচারি শরণ নিল দ্রোণ মহামতি ॥
 পাণ্ডবের ভয়ে প্রভু কম্পয়ে শরীর ।
 আপনি অভয় দিলে হয় মন স্থির ॥
 দ্রোণ বলে পাণ্ডুপুত্র অবধ্য আমার ।
 দেব হৈতে জন্ম পক্ষ পাণ্ডুর কুমার ॥
 পাণ্ডব দেবতা আমি হই যে ব্রাহ্মণ ।
 ব্রাহ্মণের পূজ্য দেব জানে সর্বজন ॥
 তথাপি করিব আমি যতেক পারিব ।
 তোমা সবাকারে আমি ত্যাগ না করিব ॥
 দুর্জয় পাণ্ডব সব যাইতেছে বন ।
 চতুর্দশ বৎসরে করিবে আগমন ॥
 ক্রোধে আসিবেন তারা সবার উপর ।
 নিশ্চয় দেখি যে ঘোর হইবে সমর ॥
 যতেক করিলা সর্ব আমার কারণ ।
 নিকট হইল দেখি আমার মরণ ॥
 রাজযজ্ঞে হৃষ্টদ্ব্যস্ত লয়েছে উৎপত্তি ।
 আমার মরণ হেতু সে বিগ্যাত ক্ষিতি ॥
 সেই দিন হৈতে ভয় হৈয়াছে আমার ।
 বন্দ হ'লে পাণ্ডবের হইবে সহায় ॥
 চতুর্দশ বৎসরান্তে অবশ্য মরণ ।
 বুঝি যাহে শ্রেয় হয় শীঘ্র দেহ মন ॥
 তোমা সবাকার মৃত্যু হৈল সেইকালে ।
 সভায় যখন কৃষ্ণা ধরিয়া আনিলে ॥

কাল-নন্দিনী কৃষ্ণা জন্ম লক্ষ্মী-অংশে ।
 তা বাঁয়ে সখীরূপে রাখে হৃষীকেশে ॥
 ঠায়ে ক্রেশ কৃষ্ণ না দেবেন কদাচিত ।
 ক্ষমিবে পাণ্ডব দ্রোণদী প্রবোধিত ॥
 যোদশ বৎসরাস্তে রক্ষা নাহি আর ।
 ভীমার্জুন হাতে হবে সবার সংহার ॥
 তা কারণে তার সহ দ্বন্দ নাহি রুচে ।
 খনি করহ শ্রীতি যদি প্রাণ বাঁচে ॥
 ত শুনি ধৃতরাষ্ট্র বিদুরে কহিল ।
 যে মনে নাহি লয় বিপদ ঘুচিল ॥
 ইক্ষণে শীঘ্রগতি করহ গমন ।
 উটিয়া আনহ পাণ্ডব পুত্রগণ ॥
 দি তারা সত্যভঙ্গ করিবারে নারে ।
 ল বেশ করি যাক অরণ্য ভিতরে ॥
 দ্ব আভরণ পরি রথ আরোহণে ।
 হেতি লইয়া যাক দাস-দাসাগণে ॥
 ত শুনি সঞ্জয় বলিল ততক্ষণ ।
 র্ব পৃথী পেলেন রাজা কি হেতু শোচন ॥
 তরাষ্ট্র বলে মম চিত্ত নহে স্থির ।
 হ্রমত করি ধৈর্য্য না ধরে শরীর ॥
 সঞ্জয় বলিল শাস্ত এক্ষণে নহিবে ।
 খন এ সব রাজা নিশ্চল হইবে ॥
 খন হইবে শাস্ত শুনহ রাজন ।
 ত শত তোমাতে হে বুঝাব এখন ॥
 গীম্ব দ্রোণ বিদুর কহিল বহুতর ।
 বু পাশা করাইলে অনর্থের ঘর ॥
 হন বিপর্য্যয় কভু নাহি শুনি কাণে ।
 লবধু চলে ধরি সভামধ্যে আনে ॥
 খনি কি আপনি সভায় নাহি ছিলা ।
 আপনার বংশ তুমি, আপনি নাশিলা ॥
 তরাষ্ট্র বলে কিছু মম সাধ্য নহে ।
 লবে যাহা করে তাহা শাস্ত কিসে রহে ॥

যখন যেমন হয় বিধি তাহা করে ।
 কুবুদ্ধি কুপথী করি দুঃখ দেয় তারে ॥
 অধর্ম যে কর্ম তাহা বুঝি হেন ধর্ম ।
 অর্থ করি বুঝে নর অনর্থের কর্ম ॥
 ধর্মহীনে কাল যায় বুঝিবারে নারে ।
 কুবুদ্ধি করিয়া নরে কালবুদ্ধি ধরে ॥
 সেইমত কুবুদ্ধি আমারে দিল কালে ।
 আশু পাছু বিচার না করিলাম হেলে ॥
 অযোনিসম্ভবা জন্ম কমলা অংশেতে ।
 তারে হেন কে করিবে সজ্ঞান থাকিতে ॥
 সাধুপুত্র পাণ্ডবেরে দিল বনবাস ।
 এই চারি দুর্ভেদ হেতু হৈল সর্বনাশ ॥
 অশক্ত না হয় বলে পঞ্চ সহোদর ।
 মুহূর্ত্তেকে জিনিবারে পারে চরাচর ॥
 ধর্মপাশে বন্দী হৈয়া মোরে বড় মানে ।
 সেই কারণে না মারিল এই দুর্ভগণে ॥
 ধিক্ ধিক্ দুর্ঘোষন ধিক্ শকুনিরে ।
 কপট পাশায় দুঃখ দিলা পাণ্ডবেরে ॥
 না সহিবে পাণ্ডব এ সব অপমান ।
 পাপবুদ্ধে বংশ মম হৈল সমাধান ॥
 কৃষ্ণ তার অনুকূল কিসের আপদ ।
 ভীমার্জুন মাদ্রীশ্রুত কৈকেয় দ্রুপদ ॥
 ধৃষ্টদ্যুম্ন সাত্যকি শিখণ্ডী আদি করি ।
 থাকুক অন্তের কাজ ইন্দ্র যারে ডরি ॥
 এ সব সহিত রণ সম্মুখ সমরে ।
 কে আছে সহায় মম নিবারিতে পারে ॥
 অনুক্ষণ অঙ্করাজ ভাবয়ে অন্তরে ।
 এ শোক-মাগরে দুর্ভেদ ডুকাইল মোরে ॥
 মহাভারতের কথা অমৃত লহরী ।
 কাহার শক্তি তাহা বর্ণিবারে নারি ॥
 কাশীরাম দাস কহে শুনে সর্বজন ।
 সভাপর্ব সমাপ্ত পাণ্ডব চলে বন ॥